

ПЕТО 1926 ВОСЯНЬ

ЛЭДЗЁНЫ: КОМИ РЕСПУБЛИКАСА ГИЖЫСЬ КОТЫР, ПЕЧАТЬ ДА ЮОР
СЕТАН КОМИ РЕСПУБЛИКАСА АГЕНТСТВО

ВОЙВЫВ КОДЗУВ



ISSN 0134-4323

БЫД ТÖЛЫССЯ ЛИТЕРАТУРНО-ХУДОЖЕСТВЕННОЙ ЖУРНАЛ

9

КÖЧ (СЕНТЯБРЬ)

2013

ТАЙÖ НОМЕРЫН:

Александр ШЕБЫРЕВ. Чалльöг. Висьт 3
Анжелика ЕЛФИМОВА. Öкта стрöкаяс... Кывбуръяс 12

А.В.УЛЬЯНОВЛЫ — 60

Чолöмалöм 16
Иван БЕЛЫХ, Александр УЛЬЯНОВ. Шуда, мый чужи
тайö шондi улас... Ёрта сёрни 17
Александр УЛЬЯНОВ. «Кöсийм лоны депутатöн...»
Документальной очерк 26

Виктор НАПАЛКОВ. Йöг каллян. Романысь юкөнтьяс 40

ГОЖСЯ УНИВЕРСИТЕТ

Гашкö, лоасны нималана гижысьясöн 63
Татьяна ЗАЙКОВА. Мöвпъяс. Юлия МАКАРОВА, Крис-
тина ПРОВОРНАЯ, Александра ФИЛИППОВА, Дарина
ПОПОВА, Юлия ЖУКОВА. Кывбуръяс 64

Александр ПАНЮКОВ. Ашшöрлуныс — вот чукöртöм 67

Алексей ВУРДОВ. Двöйни вокъяс. Висьт 70
Валентина СЫСКИНА. Дженьыдик висьтьяс 77

Выль небöг 80

6 +

Обложка вылын снимокыс Любовь Павловалöн.

© «Войвыв кодзув» («Северная звезда»), 2013 г.

СЫКТЫВКАР

СЕВЕРНАЯ ЗВЕЗДА



***Ежемесячный
литературно-художественный
журнал***



Учредители:

СОЮЗ ПИСАТЕЛЕЙ РЕСПУБЛИКИ КОМИ

**АГЕНТСТВО РЕСПУБЛИКИ КОМИ ПО ПЕЧАТИ
И МАССОВЫМ КОММУНИКАЦИЯМ**



АУ РК «ИЗДАТЕЛЬСКИЙ ДОМ КОМИ»



ДИРЕКТОР: БЫКОВСКАЯ Н.Н.



РЕДАКЦИОННАЯ КОЛЛЕГИЯ:

Главный редактор

ЕЛЬКИН М.А.

Ответственный
секретарь

КИЧИГИН И.Н.

ПОЛУТРУДОВ А.В.

УЛЯШЕВ О.И.

ЛИМЕРОВА В.А.

ТИМИН В.В.

УЛЬЯНОВ А.В.





Чалльөг

ВИСЬ Т

Иван Косьта мудзём синъясён видзёдіс Од юлөн гыалысь арся пемыд ваё, мыйкё мөвпаліс... Висьёдіс сійёс, кынталіс. «Бара мыйкё көвъясьёма, бара не сідз...» — аслыс вомгорулас броткис. Сизимдас арёснад тай мортыд абу нин торскун кодъ, шондіа лунё вужля улысь лёкгаг моз, быдсяма висьёмыс петё. Коть видзёдлан морт вылас да, — быттё конда кодъ на. Окота на, дерт, дзоньён-видзаён лоны. Но Косьта некод вылө оз элясь, и некод оз тёд, мый сійёс öні тірөдө. А гашкё, оз и висьёмысь мортсё кынтав? Гашкё, родыштё Чалльөгысь? Кызь во тай со эз волы, примитас оз местаыс? Чалльөгыд тешкодъ, руа морт кодъ. Сера бана. Вермас и нерыштны, весиг тодмышкавны. Вермас сера чачаё вöчны.

Чалльөг... Енмыс төдө, кытысь тайö нимыс. Ылөсалана. Кутшөмкө аслыспөлөс. Да и местаыс сэтшөм жö. Козыйыс да пожöмыс öтлаын сывйыштчöмаöсь, быттё көлысясьöны, котъ мукöдлаын оз ёртасыны, öта-мөдсö зырöны. Кутшөмкө тöдтөм лөзоввиж турун тан быдмө... Некөн сэсса абу, Косьта тай олөмбыднас эз аддзыв-а... Зэв окота лои сылы бөръяысь аддзысьлыны Чалльөгкөд (кылö, мый бөръяысь...), пукыштны пöлыслөн нэмөвöйся вөр керка местаын, важсö казытыштны. Мыйкё вот кыскö сэтчö... Быттё көрталöма...

Сирасис мöйму кызь арöса пöльөн шуысь Илля дорö: катöдлы менö мотора пыжнад Од ю кузя Чалльөгөдз, и пом! Арся ванас сэтчö поззö катны, весиг винттö он вошты, абу кө дзик йöй да сямтөм. Мода вылас пыксыштис на Илля (мый морсö пö сэсö воштін?), но сідз, ылөсас... Сöглас лои, дерт (кытчö воштысяс?).

Пукалö со öні Косьта «казанка» пыжын, базгысьöма барин моз, видзөдö Од юлөн пемыд ваё, да мөвпалö, мөвпалö... А Иллялы сё майбыр! Том мортыдлы ставыс пöсь ни көдзыд тай, вашъялö, мыйкё вомгорулас кыз гөлөснас сьылö. Томлун! Тэ —

тулыс көра! А вот Косьталы деливö. Пöрысьмис, буди, сизимдас арöснад абу нин юмов кампет кодö олöмыд. Кусынтьис вочасөн кадыс, ыркөдіс-көдзөдіс лов пытшкөссö, весиг Од юыс нин тай важ мозыс оз чуймөд, оз радуйт. Көть эськө олыштны Косьталы окота на. Кок йылас на да. Вöрыштны на көсйö. Легыштны. «Олам...» — мөвпалö Косьта...

Регыд Чалльöг матыстчас. Кызь во нин сэтчö Косьта эз воны, кызь во. Кадыс кывтö... Косьталы быттö тан торъясö эськө и нинöм вöчны. Сылөн кыйсян угоддьоясыс — Көрöг ю бокын, тасянь дзик мөдлаын. Томдырсянныс кызкө Көрöг бокас вужъясьліс, ас кадö тай удитліс. Но Чалльöгыс абу жö дзик бокөвöй места. Косьталөн пöлыс, Öнтип Прокö, Од ю вылас коркө вöравлöма. Сідзкө, рөдөвöй местаяс жö... Гоз-мөд сьод керка на лэптывлöма. Сідзи муö и пырисны дыр каднад... Көзяинтöгыд! Но помнитö на Косьта Чалльöгса öти керка, бура помнитö... А вот пöльсö оз помнит, Косьта чужтөдз на кувлöма.

Мөвпалö пöрысь морт, кытöнкö важас лэбалö... Регыд Чалльöг тыдовтчас, пöлыслөн улі керка местаыс. Нинöм, дерт, сэн эз коль. Пракмуніс. Та мында вонад... Но кыскö сэтчö Косьтаöс, кыскö... Шөпкөдчыштны Чалльöгкөд окота. Бөръяысь. Кувтөдз. Вот и матыстчам...

— Берегас син! — горөдіс Косьта пöльөн шуысьыслы, кор ю чукуль сайсянь нем виччысьтöг мыччысис Чалльöг.

Вöляникись, быттö полігтыр, «окыштчис» Од юлөн крут кыркөтшкөд «казанка». Тэрмасьтöг домасис Иван Косьта, упкигтыр лөнчикайтис берег вылас. А Илля зьвиркнитис кыр йылас да кытчөкө саяліс. Зонмыс абу жö медводдзаысь тан, гоз-мөдысь тулыснас утка кыйигмоз Од ю кузя кывтіс-катліс нин.

Да, дзикөдз муас пырöма Чалльöг керка... Пöлыслөн керкаыс. Öкөлыс кольöма. Повзьөдчысь кодö. Сы мында вонад... Овтöгыд...

«Но, чолөм, Чалльöг... — улөдз копыртчыліс Иван Косьта. — Бур сьөлөмөн локтім, эн дивит, эн лөгав... Бур кузя бурөн, ладөн...» Сьökыда, ружтөмсорөн пуксис пöрысь морт ытванас на, буракö, вайлөм пөрөм пу вылө, кашкө... Син улас усис — Илля усьөм керка дінас мыйкө нюсасьö.

— Эн шобсьы! — горөдіс Косьта.

— Мый тан шобсьыныс? — сералö Илля. — Зарни ёкмыльыд тась оз сюр. А аддза кө, — ваас шыбита, мен оз ков, зарниыд сöмын шог вайö! Асланым рөдлөн на керка местаыс, сідзкө и — менам тшөтш!

— Сідз... — шуö Косьта. — Сöмын эн тшебрит! Нимкодьясьны нинöмла.

Да, сьөлөм вөрзьөдана места тан... Варов морт моз пыр на сьялгö Чалльöг ёль. Сылы тай кадыд абу, сьялгö и сьялгö! Абу на косьмöма, пыдын вужъя, буракö. Од юас буретш тан и усьö, быттö мамлөн сойборд улас пырö. Тешкодь места тан, тешкодь... Öтарсянь быттö гулыд, мөдарсянь — кутшөмкө шуштөм, гөгөрвотөм. Бокөвöйястö Чалльöгыд оз лэдз, йöзыс төдöны. Тайö керка местаас сэсся некод эз и вужъясь, весиг маті берегын некодлөн лэч туйыс абу. Öнiя кадö — дивö! Öд быд пу

улын нин лэчяс. Но Косьтаӧс тайӧ оз чуймӧд. Сійӧ ылӧсалӧ, мыйын делӧйс...

Дум вылас уси Косьталы, кыз уна во сайын (бурлакалан кадӧ) Митипер Степан, сэк кадся нималана вӧралысь, ськӧд сёрнитіс.

— Пӧльыд тэнад ён да веськыд мужик вӧлі, стрӧг, унаӧн сыысь полісны. Японечьяскӧд война вылысь кык крестӧн волӧма. Рочӧн сёрнитны кужис. Абу сідз-тадз! Нэмсӧ вӧраліс. Дас челядя араватӧ вердны колӧ. А олӧмыс вот дзик тӧлктӧг помасис. Сю тасьті понда. Колхоз кадӧ амбарысь сю вӧлӧм юклӧны. Пӧльыдлы ӧти тасьті кисьтӧмаӧсь. Убӧлитӧмаӧсь. Тырмас пӧ тэныд, колхозыслы прамӧй отсӧг он сет. Камыштӧма тасьтінас куш плешкас бригадирыслы. А сійӧ, бригадирыд — партейнӧй морт! Мӧд луннас и ува-ава шелститӧмаӧсь пӧльтӧ. Ӧнӧдз некод оз тӧд, кӧні шойыс куйлӧ, кор мӧдарьюгыдас муніс. Урӧс кад вӧлі, веськыда кӧ шуны — сьӧкыд, правдатӧм! Катарга. Зільяссӧ да збойяссӧ сэк мегыръяс моз пегыртісны, повзьӧдісны, а лобдойяслы — рӧздолльӧ! Пӧльыд кулӧм бӧрын тӧян рӧдсьыд Чалльӧгас мыйлакӧ некод сэсса эз вужъясь, став пияныс Мӧдар Мыллань зэвтчисны. Эновтісны керкасӧ да матысса лэч туйсӧ. А менам ӧти лэч туй сэк орчӧн муніс, Уразнӧйті. Вот и локті коркӧ пӧч дорад, гажа юрӧн, кутшӧмкӧ крам праздник дырйи. Да шуа, мися, вай вузав меным, Ольга, Чалльӧгса керкатӧ! Пияныд тэнад ылі вӧръясын шӧйтӧны, эновтчисны, некутшӧм интерес абу. А Чалльӧгса керкаыс жаль, сійӧ кӧзяинӧс требуйтӧ, шонтыны тшӧктӧ! Ломтытӧгыд, дӧзьӧриттӧгыд пракмунас, скӧрмас керкаыс... А меным — содтӧд юр сюянін лоас. Пӧчыд, Микита Ольга, ёна и шань морт вӧлі... Нинӧм и шуны... Чӧв олысь, некор эз зыксыв... Век «турка» пищаль ствол пыр самӧкур вийӧдіс. Синва кодъ... Ог жӧ пӧ керка вузав, шуӧ! Вӧр керкатӧ сьӧм ылӧ оз вежны. Сідзи пыр, овмӧдчы, лэдзас кӧ керкаыс...

А менам радӧй! Кӧть пӧчыдлӧн бӧръя кывъясыс сьӧлӧмӧс неуна топӧдыштісны, гӧрыштісны. Кыдзкӧ руӧн шуис пӧчыд, быттӧ мыйкӧ тӧдӧмӧн... Лэдзас кӧ керкаыс... Абу прӧста тайӧ! Ті Кутш рӧдысь, а миянлысь Трӧш рӧдӧс сійӧ эз ёна лелькуйт. Коркӧ важӧн, буди, чорыда люкасьлӧмаӧсь. Мужикъяс, кыз помнита, крам праздникъяс дырйи, ёна гажмӧм бӧрын, ӧтамӧднысӧ прамӧя шошукӧдыс нетшкылісны, дӧрӧмъяс дзуж-дзаж косявлісны да вирӧсьтісны — бабаяслы нок... Меным сюравліс жӧ, корсюрӧ и тэнад батысянь, Прокӧ Ивансянь. А ӧчаяннӧй морт батыд вӧлі, ерӧмакань! Кодзыштас кӧ — будь-будъ, бокӧ кеж! Но и ме абу блин сёйысь рӧдысь, он кусыньт. Кӧть абу жӧ кокӧ кутчысян пон кодъ. Ладнӧ, кадыс тай кольӧма... Некутшӧм лӧг абу... Ставным ас йӧз, Улдін грездасяс... Но ӧнӧдз помнита, ерӧмакань, ассым радлунӧс, кор пӧчыд Чалльӧг керкатӧ козыналіс! А сьӧмтӧ эз босьт, ӧвтыштчис. Арнас коркӧ сэсса Уразнӧйысь лэч туйӧс сиалі да и узьмӧдчыны Чалльӧгад думышті. Рытладорыс нин локті, рӧмыдланьӧ. Сомной нима понкӧд. Абу татчӧс ним, да? Аслам серам петӧ. Коркӧ медводдзаысь ськӧд, кычинас на, вӧрӧ мӧдӧдчи да «со мной!» мыйлакӧ рочӧн горӧдсис. Сідз нимыс и ӧшйис,— Сомной да Сомной... Ёртъяс первойсӧ вашъялісны ним вылас, аддзӧмыд пӧ, но регыд тай

ланьтисны. Сэтшөм бур пон артмис! Эг каитчыв. Гоз-мөд понлы на сэсся Сомной нимсө сетлі. Бөръяыс урөсмис, да нимсө сэсся вежи... Эх тэ, Сомной... Но вот, локті пöльыд керкаө. Чалльөгас рытнад шуштөм, местаыс ловтö оз кыпöд. А вот асывнас долыд-джык... Мый морла татчö пöльыд вужъясьлöма? Чалльөг ёль усянінсянныс сылы позис вылөджык, Тшак ёльö, поздысны, йöзысь саймовтчыны. А то дзик Од ю бокас! Дерг, водзті пакöс-титчысьясыд эз вöвны, но век жö... Водзö висьтала. Керка пачсö ломті, ывла бипур вылын сьöла шыд пуи, пакулаысь на тшай ырски, виччыси, кор тшыныс керка пытшсьыс разалас... Дзикöдз рöмдыны кутіс. И Сомной понйöс сэк медводдзаысь эг гөгөрво. Мыйкö нора никсö, бипур дорö оз матыстчы, тшамъябокса коз пу дорö мырдөн жмитчö... Мый, мися, ерöмакань, омлялан, лолöс тан уськөдан, важөн ньöрсö эн аддзыв? Эз и лок, трасичаыд, коз улас меститчис. Весиг прамöя эз сөй, аттö пемöс, көть тöдöмөн тшыг вöлі. Висьмис али мый,— думайта... А лунтыр торскун кодь вöлі! Коркö и водан кад суис. И сэк кутшöмкö полан ру меö пырис. Понсянь али мый, ерöмакань? Быттö кыткö абу лöсьыд, быттö деливö... Некор нинöмысь да некодысь вöрын эг повлы, и вот тай тэныд! Ва челядь мозвесиг юр весьтö стөна-на пуртöс сатшки, думышта да, öні на юръяндзим! Но, нюжөдчи нар вылö, а унмöй оз лок. Сідзи куйла... Синмöй, кыз шуласны, оз берд. И вот, видзöда да, керка öдзöсыс вöляникысь, дзуртгтырйи пондіс вössыны, а сэсся и гурйыв вössис. А ме кынми. Колода моз нар вылын куйла. Быттö домалісны. Виччыся, мый водзö лоас... Сэсся быттö нöшкөн юрö шковгисны. Нинöм ог помнит. Палялі — тшамъядорса коз пу улын куйла, понйöй чужöмöс нюлö. А пуртöс коз пуас кутшöмкö мути сатшкöма! Аттö дивö, думайта, первойысь мекöд тайö... Керкаыс, буракö, эз примит, көзьяиныслөн лолыс оз лэдз, бокöвöйөн лыддьö... Коз улас и узи сэсся. Асывнас аслам керкаö тенькийи. А лун-мөд мысти вежöрысь быттö ставыс разаліс. Ас вылын ваксьыны куті. Вот, мися, и мужик, вот и вöралысь! Каститчöмысь повзин? Оз вöрын, а баба юбка улын колö овны! Вежон мысти герой моз бара муні Чалльөгö, узымөдчи, и... Вылысь тай дзуртысь öдзöсыд гурйыв вössис, вылысь нöшкөн баялбөжö шковгисны, бара Сомной чужöмöс нюлö, пашкыр коз улын куйла, и бара пуртöс козъяс мутиыс сатшкöма. Серпасыс сэк меным вössис. Вежөрö зутшкис: збылысь керкаыс эз примит, и нинöм Чалльөгас мен вöчны, туйтö пö татчö вунөд... А коркö сэсся и пöчыдлы ставсö висьталі: мися, верöсыдлөн лолыс Чалльөгсьыс вөтліс. Нюммуніс сэк Микита Ольга, овлö пö, сöмын и шуис... Вот тадз, эскы көть эн.

Паськалөм синмөн сэк видзөдіс Митипер Степан вылö Көсьта. Эскис. Эз ёна чуймы, эз дрөгнит, эз повзы, садьтөг эз усь. Чуйманаторсö Көсьта эз аддзы. Сійö таөдз ачыс нин муліс Чалльөглөн гөгөрвотөм ру пытшті. Ас пырыс тайö ставыс муніс, ас пырыс... Төдö сійö...

...Сизим арöс Көсьталы вöлі. Казьтывсьö, ывлаын — август төлысь помланыс. Зарни ар. Майбыр кад. И вот öтчыд сылы Мирон дядь (мамыслөн вокрыс) шуö:

— Кайлам, Көсьта, пыжөн Од ю кузя! Сідзи, дуригмоз...

Вуграсыштам. Компиянӧс ботайтыштам, артмас кӧ. Майбыр, кос лунъяс сулалӧны, оз на шлявгы... Отсыштан кӧть мен зібъясны, пӧрнӧй мужик нин лоин (сизим арӧснас?), а то ӧтнамлы дышкодь...

А ичӧт Кӧсьталы сійӧ и колӧ! Чери кыйны!? Нӧшта ком вугравны!? Мый бурджыксӧ аддзан? Пыр дась. Торйӧн нин Мирон дядькӧд. Сійӧ чери кыйнытӧ лют, туй вылысь кӧ ва гуран аддзас, кутшӧмкӧ бӧжа лов сэсь кыяс, некор гортас кушӧн оз воы. Йӧзыс тӧдӧны. И Кӧсьта тӧдӧ.

...Мӧдӧдчисны водз асывнас. Кык лун зібъясисны, лыдтӧм-тшӧттӧм косьтъяс чеччалісны (Од ю визув, изъя-косьтъяса). А Мирон дядь Кӧсьтакӧд сёрнитӧ:

— Этія — Кӧина косьт... Водзӧ Дзоля Гриша пьян косьт лас, сэсса Скамъя косьт... Кызвыныс нимаӧсь, абу сідз-тадз... Водзӧ кезлӧ тӧд.

Ёна варовитіс сэк Мирон дядь, весиг чуймӧдіс Кӧсьтаӧс (мужикыс скуп кывъя вӧлі). Быттӧ кутшӧмкӧ поньӧд морт пытшкӧсас мездмыліс, быттӧ кӧсйис юксыны аслас тӧдӧмнас зонкакӧд, быттӧ тэрмасис (мӧд тулыснас, ыджыд ваӧн, Мирон дядь пӧдіс, Кӧрӧг ю вылын аслас дзибрӧс пыжнас гумыльтчис)...

Катлісны сэк Лӧп ёльӧдз. Думыс вӧлі узымӧдчыны татчӧс вӧр керкаас, но витӧн нин сэн катласисны (ас грездсаяс, ком кыйны жӧ локтӧмаӧсь). Быдсӧн забеднӧ Кӧсьталы лои. Но мый вӧчан? Вомгорулад броткыны сӧмын кольӧ. Люзыгӧмаӧсь... Топӧдчӧмӧн, дерт, позис узымӧдчыны, Мирон дядькӧд весиг пыжысь ректысьны нин босьтчылісны... Но берегын ӧдйӧкодъ нянь шӧрӧмӧн нуръясисны да век жӧ горув тойыштчисны.

— Чалльӧгӧ сувтам, сэн узымӧдчам,— шуис, быттӧ керыштіс дядьыс.— Тіян места...

Верст сизим асыра да ярскӧб Од ю горув лэччисны, не-кытчӧ сувтлытӧг. Майбыр тай ва горувтӧ пелькиник пыжнад шывгыны! Бӧжав, сӧмын изйӧ эн веськӧдчы, а то гугасян... Ӗдйӧкодъ Чалльӧгӧдз и воисны. Но шондіыс пуксянвийын нин вӧлі. Кадыс тэрмӧдліс. Кодзувкотъяс моз, визула, ректысисны пыжысь, Мирон дядь медводз керка пачсӧ чайӧн ломтіс (дуксӧ вежны), сэсса ывла бипур дасьтыны уськӧдчис. И сэк Кӧсьталы шуӧ:

— Ерӧмакань, пӧртным да чайникным тай Лӧп ёляд миян кольӧма! А тан, видзӧда да, нинӧм жӧ абу. Гӧгӧр куш. Овтӧгыд... Тшамъяыс восьса, тыртӧм, юрӧс сюйлі нин. Аттӧ дивӧ, лешак машина, кыз нӧ тадз вунӧдчим?.. Лӧп ёль берегас, буди, кольӧма... Мый нӧ вӧчны кутам?

А Кӧсьта чӧв олӧ. Сьӧлӧмыс сылӧн нормис. Чӧскыд юква вылӧ зонка надейтчис, а чибльӧгнад юкватӧ он пу.

Мирон дядь водзӧ сёрнитӧ:

— Колӧкӧ, кайлан Лӧп ёляс? Том морт, кокыд том йӧра кодъ. Тан орччӧн веськыд ордым эм, ю мӧдарас заводитчӧ, абу и ылын, верст нель лоас, гашкӧ. Ог жӧ ӧд ми тӧкӧд юкватӧг кольчӧй, лешак машина?! Пӧрттӧгыд деливӧ. Аски горув колӧ лэччыны, ва паныд зібъясьны дум ни вера эз вӧв... Ветлан?

Кӧсьталӧн кыткӧ топавліс. Дзоляник мортыд ӧд туйсӧ оз

төд, сійө полө мунны. Сизим арөснад абу на верстьө кад! Сэсся вой улө веськалас, со рөмдыштө нин... Но и паныд кыв шуны Көсьта полө жө, Мирон дядь сійөс мөдысь аскөдыс сэсся оз босьт, татшөм трукстө...

— Ветла...— нурбыльтіс Көсьта.

— Но,— нимкодъмис Мирон дядь.— Молодеч. Этаті веськыда косьтсө вуджан, и люкасян ордымас. Некытчө туйыс оз кежав, оз орав, веськыда Лөп ёляс и вайөдас тэнө. Кытчө тай пыжнад сувтлім, сэсь медпервой и корсь пөртсө да чайниксө. Он кө быттө аддзы, отсөг вылө вуграсьсыясөс корлан, артельнад га-жаджык корсьысны...

...Нинөм и шуны, шог сьөлөмөн вуджис Чалльөг весьтса косьтсө Көсьта. Гачсө пөрччыліс, да весиг трусиксө эз көтөд. Ордымтө эськө аддзис, да вөрас пырны шуштөм. Ставыс сэн төдтөм, колөкө, мутияс олоны... Ставыс не сідз дзояник мортлы. Синва вочасөн доршасыны мөдіс. Сэсся и бөрддзис на Көсьта. Төдлытөг шусис:

— Пола... Страк муннысө. Отсалөй мен кодъяскө, пөрысь пөль ли коді ли...

И сійө жө здукас гөгөр быттө вежсис. Ывлаыс мөд пөлөс лоис. Югзыштіс. И кутшөмкө еджыд вуджөръяс орччөн сынөдас вералөны. Зонка аддзө найөс. Кодъяскө шөпкөны Көсьталы:

— Эн повзы... Нинөмысь эн пов, авъя пи. Тайө ми, тэнад пөрысь пөльыд да пөчыд. Ми орччөн, эн пов... Оні тэнө киясө-дыд босьтам, сынөдас кыпөдлам, и лэбөдам кытчө колө. И бөр татчө ваям, эн шогсьы, авъя пиук. А пөртыд да чайникыд кыр йылас, тэ аддзан. Сөмын эн пов, нинөмысь эн пов... Оні синъястө куньлы, и миянлы эскы... Синтө восьтан, и Лөп ёляс нин лан...

Жмитіс ассьыс синъяссө сэк Улдин грездса зонка. И кылө... збыльысь лэбзис. Еджыд кымөрөн. Радпырысь. Повтөг. Отарас и мөдарас небыд кйөн сійөс кутөны пөрысь пөльыс да пөчыс. Еджыд вуджөръяс. Но ичөтик Көсьта төдө: тайө пөрысь пөльыс да пөчыс! И буретш найө, найө зонкаөс нуөны! «Восьты синъястө...»— кылө Көсьта.

Восьтіс. И аддзө — сулалө Лөп ёль дорын, вөр ді бокрын, кушин заводитчанинас. Со тай, Лөп ёль керкаыс неылын тыдалө...

«Тэ, пиук, эн сёрнит некодкөд, некодлы нинөм эн шу, пөртсө да чайниксө кватит, и бөр татчө котөрт... Виччысям тэнө. Виччысям... Эскы»,— шөпкөны сылы.

Тадз и вөчис Көсьта. Төв ныр моз котөртіс, повтөг. Доддявлытөм чань моз. Чуймөмөн сэк видзөдісны зонка вылө бипур дорын пукалысь мужичөйяс, ас грездса йөз.

— Мый нө воштін, Көсьта?— кодкө горөдіс.

Чөв оліс Көсьта. Кватитіс водзынсө пыжөн сувтланінө кольөм чайниксө да пөртсө, и мөдарөсө тэрыб көр моз жө төвзис. Мыйкө пыр на горзісны Көсьталы би дорын пукалысьяс, но сылы — веськодь... Сылы шуөма, сылы индөма — чөв овны! Чөв овны...

Вөр ді заводитчанинын виччысисны нин сійөс. Эз ылөдлыны! Тайө абу вуджөръяс! Тайө пөрысь пөльыс да пөчыс!

И бара сылы шӧпкӧдӧны:

— Эн повзъы, сӧкӧлпи, нинӧмысь ӧд, некор эн пов... Ми тани, ми тӧкӧд, ми век тӧкӧд... Ӧні синтӧ кунь, а ми шуам, кор восьтыны...

И бара Кӧсьтаыд лӧбзис! Эз нин кымӧрӧн ӧні, а збой тӧв нырӧн! А орччӧн — кык еджыд вуджӧр...

Кор синсӧ восьтис,— мӧдар берегысь аддзис Мирон дядьӧс. Пес поткӧдліс мортыс.

— Вот и воим...— шӧпнитисны сылы.— Сет Мирон дядьыдлы пӧрттӧ да чайниктӧ. Эн пов... А сійӧ — повзяс. Ёна повзяс. Кутас кӧ юасыны, висьтав, мый кылін да тӧдмалін. Миронлы позьӧ. Бур мортыс. Жаль, дженьыд нэма. Примитам... А тэ дыр олан, сӧкӧлпи. Но бокӧвӧйяслы — чӧв... Нинӧмла тӧднысӧ... Эн вунӧд, мый ми тӧкӧд орччӧн... Век лоам... Шаньӧн быдмы, эн лёкав... Радуйт...

А мӧдар берегсянь Кӧсьта вылӧ кыйкъяліс Мирон дядь. Нюмъяліс.

— Но мый, ерӧмакань, повзин вӧрас пырнысӧ?— вомтырнас вашъяліс Мирон дядь.— Сідзи и чайті. Тӧдӧмӧн. Но нинӧм, абу ыджыд шог! Тэ местаын кӧ, ме эг жӧ пыр. Дзольджык на тэ, норджык на сьӧлӧмыд. Сідз нин мӧдӧдлі, мися, видзӧдла, косьтсӧ кӧть вуджан он, а вӧр йывсьыс и сёрни абу... Аски асывнас ачым вӧрӧдыс веськыдавла. А черисӧ миянлы тӧкӧд позяс и бипур вылын жаритны. Сідз ӧд? И кӧдзыд ваыс Од юас, майбыр, тырмӧ, тэськасьны оз лӧдз. Некутшӧм тшай оз ков. Час, сӧмын бипур зэвта...

Кор Кӧсьта мыш сайсянныс мыччис Миронлы ыргӧн пӧрт да чайник, мӧдыс пласьтмуніс муас. Керыштӧм пу моз и пӧрис. Синъяссӧ кылӧдіс, киргыны мӧдіс... Кӧсьта сӧк повзис весиг: куліс али мый дядьыс? Но сылы небыда шӧпнитисны: «Эн пов, сайкалас...»

Коркӧ виръяммис жӧ Миронлӧн блед чужӧмыс, и вочасӧн мортыс синнас лапйӧдлыны мӧдіс. Полігтырйи кыйкнитис Кӧсьта вылӧ, шӧпнитис: «К-к-к... кыдзи?» И зонка висьталіс Мирон дядьлы, мый ськӧд лои. Эз ставсӧ, дерт. Мыйсюрӧ дзебис. Кымӧм чужӧмӧн пукаліс му вылын Мирон, пыр на полігтыр видзӧдіс ыргӧн пӧрт вылӧ.

— Этія... Некодлы сӧсся эн висьтав... Оз веритны, ерӧмакань... Йӧйӧн шуасны. Вежӧрыс пӧ детинаыслӧн торкъсьӧма... А тайӧ тӧд колӧ? Ме кык чурка и удиті поткӧдны, а тэ бӧр нин локтін. Чаль мында кад коли! Чаль мында... А Лӧп ёльӧдз ӧтарӧ-мӧдарӧ — кӧкъямыс верст... Йӧзыд оз веритны... Чаль мында... Чаль мында!? Мыйла чаль!? Колӧкӧ, сійӧн и — Чальӧг? А-а-а? Ой, некодлы эн висьтав... Местаыс тан сэтшӧм... Чальӧг... Узям да аски ӧдйӧджык горув лӧччам... И... этія... ӧні тэ пӧрысь пӧчтӧ да пӧльтӧ кылан он?

Ӧтарӧ-мӧдарӧ бергаліс Кӧсьта. Вуджӧръяс эз тыдавны, сылісны... И шӧпкӧм эз кыв.

— О-о-г...— полігтыр да лӧня ӧні шӧпнитис ачыс Кӧсьта.

— Но и слабог,— кокниа ышловзис Мирон дядь.— Но и слабог... Юрбита... Благӧслӧви кристос...

А Кӧсьталы лои жутыль. Быттьӧ мыйкӧ сійӧ ӧні воштис, быт-

тё мыйкө пытшкас ори... Но помнитіс, помнитіс зонка небыд шөпкан кывъяссө: «Эн пов, сөкөлпи, ми тані, век тэкөд...» Эскис. Көсйис эскыны!

Тайо оломас нинөм да некор дзикөдз он дзеб. Адзылысны өд Косьтаөс йөзыд Лөп ёлын, абу синтөмөсь! Коркө грездын силитчисны: мый пө сэк мян дорті йөра моз котралін да весиг бипур дорө эн матыстчыв, сёрнитны эн убөлит? Төв ныр моз волін, и пыр жө вошин...

Кызкө кокниа сэк мынтөдчис Косьта. Шуис: да, пөртла пө волі, Мирон дядь мөдөдліс, вунөдсьөма мян да ёна тэрмаси, кадөй эз вөв, рөмдіс нин...

А кысянь да кызз воліс — некодлы эз висьтав.

...Мөд вонас Мирон дядь пөдіс. Збыльысь, вылісяньыс төдөмөн шөпнитлөмаөсь Косьталы — дженьыд нэма Мироныс... Примитам... Зонкалөн гусяторйыс өтнаслы коли. Ловъя душ оз төд. Некор да некодкөд сійө сэсся эз сёрнитлы Чалльөгын лоөмтор йылысь. Сідз и гуалас, тыдалө, ассьыс гусяторсө. Чорыда өд шулісны, бөкөвөйяскөд — чөв... А вот ас рөдвужкөд? А Иллякөд, пөльөн шуыськөд? Мыйкө кыскис Косьтаөс висьтасыны, мыйкө кыскис... Та вөсна думсьыс и корис катөддыны Чалльөгас. Дөзмасны оз рөдвужлөн ортыясыс, висьтасяс кө Иллялы? Мөвпалө дзормөм Косьта. Думайтө. Катласьө... Майшасьө.

— Пөль, видзөд, мый ме аддзи!— друг кыліс Косьта Иллялысь гөлөссө.

И аддзис: шутялялігтыр сы дорө матыстчө Илля, кутө мыйкө киас.

— Зарнитө эг аддзы, но ыргөн сюри!— вашъялө Илля.— Чветмет, сдایتны позяс, сьөм вичмас! Видзөд! Керка дорсьыс, нитш увсьыс, сюрис!

И петкөдлө Косьталы... ыргөн пөрт. Буретш сійөс, Мирон дядьбыслысь... Косьта төдө. Помнитө. Но кызз? Кызз тайо пөртйыс веськаліс татчө? Мирон дядь өд Чалльөгас сэсся эз нин воы, эз нин удит, некызз нин эз удит — пөдліс!

...Малалө ыргөн пөртсө Косьта. Бөрдө. Повзьөм синма орччөн — Илля. Пөльөн шуысьыс. И кодкө бара шөпнитіс Косьталы: «Эн пов... Ми тэкөд, ми век тэкөд... Олін төлкөн, эн янөд мянөс... Регыд аддзысям, примитам... А Иллялы — висьтав... Абу бөкөвөй морт, мян... Мед төдө...»

Бөрдө Косьта, сёрнитө Иллякөд. Пөльөн шуысьыслөн серамыс вочасөн сыліс, чужөмыс зумышмис. Кывзө Илля, сюся кывзө. Видзөдө ыргөн пөрт вылө. Но эскө али оз? Код төдас... Ловшыыд — пыдын, рөмпөштанысь сійөс он аддзы.

— Пөльө, позьө ме тайо ыргөн пөртсө аскөд босьта, гортө нуа, видзны кута?— юасьө Илля.

Но эз удит вочавидзны Косьта. Илля шемөсөн горөдіс:

— Пөльө, пөртйыс нө көні? Öні на кыын вөлі! Дзебин? Дзебин?

Но мыйлакө эз весьөпөртчы Косьта. Синва сорөн сійө видзөдө Илля вылө. Пөртйыс... Воши... Сылі. Сынөдас. Асъя руөн...

«Тадз...— мөвпаліс Косьта.— Тадз... Тадз и колө... Воліс-муніс. Воліс-муніс... Петкөдчыліс тай. Иллялы. Сылы, этия зонмыслы.

Ӧні сылы — эскыны-не эскыны... Шӧпнитісны тай меным, мый Илляӧс ас дінас сибӧдісны, мукӧдысь торйӧдісны. Мед, мед... Ӧні пӧль-пӧчлӧн ортыясыс — сыкӧд... Тадз и колӧ. Тадз и колӧ олӧмас. Бур... А мен — кокни... Аттьӧ. Ставныдлы аттьӧ... Юркопыр ставныдлы... Юркопыр олӧмлы... Кокни...»

Югзьӧм синмӧн ӧні видзӧдіс сійӧ Илля вылӧ. Синвасьыс косьмӧм синмӧн.

— Но мый, сӧкӧлпи!?— долыда вашъяліс Кӧсьта.— Мый юртӧ ӧшӧдін? Жаль али мый тэд нэмӧвӧйся пӧртийыс? Вунӧд, ерӧмакань! Касьтитчис тэныд, буди? Чалльӧгыд сэтшӧм, тан вежӧрыд мортыдлӧн торксьылӧ. Но тэ эн пов. Тэнад олӧмад ставыс лоас бур! Тайӧ ме тэн шуа, пӧльыд! Кылан, Илля? Ме радла, ме ӧні став йӧз вӧснаыс радла! Медпервой — тэ вӧсна. Пукалыштім, и ладнӧ... Вай бӧр лэччӧд гортлань, Од юыслы дышӧдіс нин миянӧс виччысьнысӧ!

Чуймӧмӧн видзӧдіс Илля пӧльыс вылӧ. Нурбыльтіс:

— Лэччам кӧ и, лэччам... Тэнад кыв... Моторыд нуас. Но пӧртийыс, пӧртийыс! Вӧлі? Вӧлі! Кылан, пӧльӧ!?

— Вӧлі, вӧлі...— нюмъялӧ Кӧсьта.— Вӧлі кӧ и, вӧлі... Аддзылін кӧ — аддзылін... Тэнад кӧ — сюрас, эн шогсьы. Некор эн шогав, авъя пи! Тэ олӧмас абу ӧтнад. Тэ пытшкын — ӧтувъя вын... Долыд олӧмӧдыд кывтны, кор выныд эмышт на... Олӧм юыд абу Од ю... Коньӧрыс пӧ ваын олӧ... А тэ югыдас ов, авъя пи, ов! Но Чалльӧгсӧ эн вунӧд. Кыв сет. Кылан? Питӧ ли нуктӧ коркӧ вайлы! Кор лоасны, кор чужасны, кор быдмасны, кор верстяммасны... Виччысьӧны тан... Виччысьӧны. Ёна виччысьӧны. Чалльӧгас. Отсаласны.



Анжелика ЕЛФИМОВА



Өкта стрөкаяс...

* * *

Кыкыдлы — и енэжыс векньыд,
Өтнадлы — и лабичыс паськыд.
Мелань, дона мортанöй, пет нин.
Кыа рöма муслунö пасьтöд...

* * *

Разі-пельö шыблалöм
Өкта стрөкаяс.
Кималасөн корсьыся
Вошöмасьыс.
Мед эз лоны ме понда
Өтка пöткаяс.
Медым быдөн коркö да
Кывбурасис.

* * *

Тулысыс пö локтас на,—
Эскöдöны мырдөн.
Сöмын бөръя эбöсöс
Эргысь тöлыс мырддьö.
Голяöдз нин толаыс,
Да öд колö собны.
Медым тэнад вольпасьöдз
Воöчыны, водны...

* * *

Ми тэкöд олам аминь дыр,
Ми дышöдтöдз дзик олам.

Ми чужтам челядь керка тыр,
И пöчöясөн лоам.

Дерт, гозъяыдлы уна ног
Быть ковмас кужны ворсны —
Öд шудыд мырсытöг оз лок...
Мем коли тэнö корсьны...

* * *

Ме гудöкасьны прамöя эг сяммыв...
Но быттö кужысь морт моз пуджлі сос.
Öд гудок няжгём любö вöлі мамы:
«Вай нöшта, нылук, мыйкö меным ворс...»

Эз кывзысь менсьым чусмём мека гудок,
Ни горзёмöй, ни нöйтёмöй эз йидж.
Со яндзимöйла ланьтöдчöма шудöй...
А кывбурад кöть мыйсö сэсса гиж...

* * *

Мамуклөн синъясöй,
Батьöлөн вом дорöй.
Бöрсяньыд менам тшöтш
Тапиктö томдырöй.

Шудасьыс-шуда,
Мый татшöмөн чужтід.
Тіян, дерт, тіян,
Но и аслам тшöтш чужём.

Пашкыртчём синъясöй,
Векньыдик тшöкаöй.
Талун ми батьöкөд
Лоимöй тшöтшъяяс...

* * *

Пос помын
тöлыс
«шеваысь»
ворсöдö
коръяс,
Здук кежлö
ловзьöдлö
косъмём
да быгалём
ловъяс.
Синваöй
доршасьö:
дженъыд жö

олöмыс
коръяслöн.
А пуясыс
шогсьöны:
матын жö
нэм помыс
мортыслöн...

* * *

Пукся велик вылö,
Лэбышта кыр йылö.
Сөнöй, ёна зэлав,—
Ки-кок мед эз тiр.
Вая Эжва весьтö
Кывбур тыра пестер.
Эжва водзöс сетас
Зарни бöжа сир...

* * *

Тöлыс öдзöс вугсö нетшкö
Чиганöн.
Сöмын некод тай оз восьты,
Игана.
Сöмын некод тай оз некөн
Вочавидз.
Гольöдчысьыдлысь оз юав
Ним ни вич.
Код тöдас нин, кöнi олысь-
Вылысьыс.
Мырдөн шудсö корсьö матысь-
Ылысь-ö.
Гашкö, сьölöмыс оз-оз, да
Ыркмунлö,
Кодыр кывлö, кыдзи сиктыс
Сыркъялö...

* * *

Шойччы-шонтысь — паччөр куш,
Няньöй пöсь и мöскöй лысьтö.
Весиг мöвпыштны эг куж,
Мый тэ талун воан кыськö.

Кöсьян — висьтась, кöсьян — эн.
Мырдөн юасьны ог понды.
Веськыд пельöсланьыс — Ен,
Шуйга öшиньланьыс — Шондi.

Воин кö и воин. Мед.
Сöмын коркö, сё во колиг,

Дум вылад кө уся тэд,
Кильчө өдзөссө эн гольөд...

* * *

Сукар косьтөма. Пуөма шыд.
Лөня панясям кыв ни джынтөг.
Тэ он дивит. И ме ог вид.
Рытыс паръясөс
Нюлө-кынтө.

Тасьті пыдөсысь корсьысям вөт,
Кодөс аддзылім сөмын кыкөн.
Тэ он пөт. Да и ме ог пөт.
Көні шудным, вай висьтав.
Кытөн?..


* * *

Висьталасны кө, мый кулі —
Эн эскы.
Прөста лоис паськыд муыс
Дзескыд
Бобув-ловлы, кывбур өктысь
Ловлы.
Тадзи быдөнкөд пө коркө
Овлө.

Со и лэбзис лолөй ылө
Да ылө.
Көні эм на дітор райбокса
Тылөн,
Медым кыпөдны ыль керка,
Кытөн
Кутам нэмсө овны тэкөд
Кыкөн...

❖ ❖ ❖

Сентябр 9 лунö пасйö квай-
тымынöд чужан лун нимала-
на коми гижысь, Россияса ги-
жысь да журналист Котыр-
ясö пырысь, журналистика
юкёнын Коми Республикаса
правительстволөн премияа
лауреат, Республикаса «Эзысь
борд» литературной конкурс-
лөн «Публицистика» юкёнын
куимысь лауреат, Коми Рес-
публикаса заслуженной уджа-
лысь, Александр Васильевич
Ульянов.



Александр Ульяновс казя-
лисны нин пединститутын ве-
лөдчигас, кор том морт смел-
мөдчис да вайис медводдза ичот висьтъяссö «Войвыв
кодзув» журналö. Ыджыд нима гижысьяс Иван Торопов,
Геннадий Юшков, Пётр Шахов дзик пыр и казялисны
сылысь чужан кывнас пыдди пунктöмön вöдитчöмсö,
мөвпъяссö кужöмön серпасалöмсö, олөм вылас аслысси-
кас видзöдлассö.

Енмön сетöм став тайö сямсö Александр Ульянов уна
во чöж сöвмөдіс-паськөдіс, джудждаммөдіс-сөстөммөдіс
аслас очерк-статьясын.

1992 воын коми лыддысьысылы донъялöм вылö ги-
жысьлөн петіс «Сьöд ар» висьт-повесьтъяса медводдза
асшөр небöг.

И öні оз сöмын паськыд Коми муын, тшöтш и Россия-
ын да суйöр сайын тöдöны нималана прозаик Александр
Ульяновс.

Мед жö Енмыс сетас тэныд, Александр Васильевич,
крепыд дзоньвидзалун нимкодъöдны и уджъёртъястö, и
став коми войтырсö мича, зумыд, сибöдана гижöдъяс-
над. Мед чужан мулön вөр-ваыс да сынöдыс пöттöдзыд
уджöдасны тэнсьыд дой-радлуныслы восьса сьölöмтö. Мед
и тэ да тэнад геройясыд ёна на нимöдасны коми русö,
коми оласногсö, коми ловсö.

ГИЖЫСЬ КОТЫРСА ЁРТЪЯС.

Кулөмдінын чужлөм коми гижысь, публицист, журналист, «Войвыв кодзув» журнал редколлегияса член, миян бур ёрт Александр Васильевич Ульянов став олөмсö сиис коми литературалы да печатьлы. Он и куж шуны, коднанныс босьтöны тöдчанаджык пай сылөн олöмын да творчествоын.

*Аслас олан туй, гижан удж да сёлөмсö вөрзёдысь лөмторъяс йылысь Александр Васильевич юксё **Иван Белыхкөд ёрта сёрниын.***

Шуда, мый чужи тайö шонді улас...

— *Александр Васильевич, тэныд тырис квайтымын. Позьö нин вöчны кутшöмкö кывкөртöд. Удайтчис эз бергöдны сійöс, мый көсйылін? Он-ö каитчы олөм вояссьыд?*

— Некымын кывйөн зэв сёкыд вочавидзны тайö аслыспөлөс юалөм вылас. Быд морт öд көсйö олөмас шедöдны мыйкö да мыйкö, бергöдны ас вын-эбöс серти тöдчанаджык могъяс. Сэк жö водзвыв он бура тöд, мый тэ эськö көсян. Мөвпъясыд том кадад вежласёны. Сідз, школа помалөм бöрын ме көсйи пырны велöдчыны Коми пединститутö. Радейта вöлі коми кыв да литература. Но эг здукөн сэтчö веськав. Школа помалөм бöрын во уджалі ас школаын лаборантөн. Историяысь миянөс сэки велöдіс Василий Ильич Шергин, зэв аслыссыкас оласнога да видзöдласа морт. Öнөдз син водзын, кызди сійö миян дасöд классын гын сапöгөн восьлалігмоз куритö «Беломор» папирос. Тайö мортыс и вöзйис меным лоны историкөн. Лаборантөн уджалігөн лыдди история кузя уна небөг. Сдайті сыысь институтö пыран экзаменсö «пять» вылö. Сэк жö сэтчöс велöдысьяс пöвстысь кодсюрö пыр и кутісны юасьны, мыйла пö коми зонлы историяыс. Вудж пö коми кыв да литература велöдан группаö. А ме небыд сёлөма морт. Босьті да и вуджи сэтчö. Мекöд орччөн велöдчисны Владимир Шомысов, Раиса Вагнер, Эльвира Михайлова, Василий Тимин, Надежда Лыткина, Ольга Ивашева, кодъяс öні бура тöдсаöсь республика пасьта. Сэсянь колис уна во. И öні позьö нин шуны, мый меным мыйсюрö удайтчис вöчны. Сэся өд и олөмыд абу сöмын сьода-еджыда, а зэв уна рöма. Пыр мыйкö вежсьö, пыр мыйкö сэні виль чужö. И мам кө менö чужтіс да ола тайö шонді улас ог öти во, мыйла нö кута каитчыны. Век муні да муна аслам туй визьöд.

— *Талун тэнад нимыд бура тöдса коми лыддьысьысьлы. Кызди тэ воин литератураас? Водзвыв нин мөвпалін лоны гижысьён?*

— Аттьö бур кывсьыд. А пыри коми литератураас, кызди и уна мукöд коми гижысь. Школаын велöдчигөн на босьтчи гижны стенгазетö. Сэся куті йöзöдчыны ас районса «Ленин туйöд» газетлөн челядьлы сйöм «Спутник» лист бокын. Гижі ёнджыкасö школаса олөм-вылөм йылысь. А мөвпъясыд öд сэки менам, кызди и уна мукöд том мортлөн, пыр вежласисны. Көсйылі лоны геодезистөн. Сэся окота лои мунны мореходнöй

училищеё. Кыскис менё и милиционерлөн уджыс. Бать дыр кад чөж зілис участкөвөйөн Дереванной сиктын да. А мам вөлі сөмын шуас менё кывзём бөрын: олөмыс пө ачыс петкөдлас, кодөн да мыйён тэныд лоны.

Тадзи вочасөн сэсся и менё кутіс кыскыны гижан уджыс. Коми пединститутё пырём бөрын нин куті ёртасыны «Войвыв кодзув» журналкөд. «Мамө» нима медводдза кывбур сәні йөзөдісны 1973 вося мартын. Прометей Чисталёв пыр жө гижөма сы вылө шылад. Меным тайё вөлі дзик виччысьтөмторйөн. Сетісны весиг бур гонорар, стипендияыс кык пөв ыджыдджыкөс. Сы бөрын гижи «Аттё ставсьыс, Иван дядь» висьт. Но журналөн сійё кадся веськөдлысь, нималана коми гижысь Иван Торопов шуис: эн пө тэрмась, зонмө, тайё гижөд вылас уджышт на. Сәки и гөгөрвои, мый висьтъястө гижөм могысь колө медводз олөмсө бура төдны. Тайё, дерт, эз сувтөд менё. Пединститут помалөм бөрын уна во уджалі «Красное знамя» да «Югид туй» (өні «Коми му») газетъясын. Дерт, газетад зільөмыд кутшөмакө падмөдө висьт-повесьтъяс вылын уджтө. Но и унатор сетө. Быд боксянь да пыдісянь кутан гөгөрвоны олөмсө. Тайё и йөткыштис нөшта менё гижан уджө. Но бара шуа, мый водзвыв эг мөвпавлы лоны гижысьөн. Гашкө, збыльысь меысь вермис артмыны бур милиционер либө геодезист. Кыдзи нө водзвыв верман ставсө төдны олөм-вылөмад?

— *Быд морт, ме думысь, аслас гижөдъясын казътылө и коркөя челядьдырсө. Кутшөмөн сійё тэнад вөлі?*

— Ме зэв сөстөм кывъясөн казътыла ассьым челядьдырөс. Вель уна висьт гижи челядьдырся олөм-вылөм йылысь. Сійё воясся лоөмторъяссө өні донъялөм бөрын гөгөрвоан, мый найё вөліны медся югид да мича кадө. Онөдз сувтлывлөны менам син водзө Дереваннойса школаөй, Эжва дорын чери кыйөмтъяс, батькөд вадорө да вөрө ветлөмтъяс, найё нэм кежлө йиджтысис-

ны сьөлөмө. Помнита, коркө өтчид, тувсовъя ыджыд ва дырйи, мунім батькөд вөйтавны кулөмтъяс. И виччысьтөг миян пыжным катовтчис да бать усис тыё. Бур, удитіс кутчысьны ваас орччөн сулалысь кыз пуө. Сэсся кызкөмыйкө сійё бөр кавшасис пыжө. Сәки лун джын миянлы ковмис косьтысьны. Ладнө на, ставыс лючки помассис...

А өтчид мөдөдчим утка кыйны. Батьлы и шуа, вай, мися, ме көть өти утка лыя. И со ваын уялысь утка дорө ружьёон кысся. Лыйи өтчид, а мөдар берегсяныс кутшөмкө мужичөй яра горзө, мыйла пө менам резина уткаө камгин. Бөрд көть серав сэсся. Оз менам вунны и тьоткалөн, баб чойлөн, Уллынаса монастырын



олöм йылысь висетьясыс. Сэки сийö казтывліс, кытчöджык да кыдзи дзеблöмаöсь революция дырйи сэтчöс манакъясыд манастырса зарнисö. А öтчыд челядьдырйи, вильшасигöн, ме усылі трактор додь вывсянь да дойді киöс. Весиг садьöс воштылі. И гортö ог лысьт мунны. Пола, мый бать-мам менö пиняласны. Но сідзи ставыс и колис. Бөртиджык, карын олігöн нин, öти тулысö бара усылі сийö жö ки вылас. И врачыд менсьым доймöминöс видлалöм бöрын шуис, тэ пö челядьдырйиыд китö чеглöмыд. А менам сэки пырмунігмоз ставыс и прöйдитіс. Со öд кыдзи овлö.

— *Гижöдъясад, Александр Васильевич, сюрöсөн творчество пырыд мунö Дереваннойыд, чужан сиктыд. Мый тэнад олöмын сийö?*

— Ме абу карса морт. Чужлі Кулöмдінын. Сэсся батьöс мөдöдісны Дереваннойö милицияса участкөвöйöн. Пöчлөн керкаын миян семьяным и овмөдчис. Тайö олөмсö медсясö и петкөдлöма менам творчествоын. Дереванной сиктлөн историякөд топыда йитчöмаöсь нималана поп Д.Я.Поповлөн, кыв да литература велöдысь Александр Чевскийлөн олөм-вылөмныс, ыджыд коми гижысь Тима Веньлөн челядьдырся кадыс. Та йылысь пыр и казтыла аслам гижöдъясын. Сэсся школаын уджыштöм бöрын муні карö. Но Дереванной век вөрзöдіс менсьым сьölöмөс. И со тайö важся

сиктыслөн 350 во тыригкежлö удайтчис лэдзны Дереваннойлы сийöм медводдза небöг. Ассьыныс пай тайö уджас пуктісны сідзжö миян сиктысь петлөм журналистъяс да гижысьяс Дмитрий Борисович Антоновский да Николай Алексеевич Тюрнин. Таво сідз жö öтувъя



вынъясөн миянлы удайтчис лэдзны Дереванной йылысь мөд небöг. Таысь торйөн окота аттьöавны сиктса библиотекаөн да краеведческой музейөн веськөдлысь Татьяна Николаевна Удортанаöс. Эм мөвп водзö нуöдны тайö бур традициясö. Ме думысь, колö корсьны-чукортны гортса снимокъяс да лэдзны сиктыслы сийöм мича фотоальбом. Кöсья шуны, мый Дереванной — сийö битор, коді пыр öзйö менам сьölöмын. Кытчöдз ме ловъя, сийö оз кус. Дереванной йылысь тöдöны Россиялөн быд пельöсын, весиг уна мукöд странаын. Тані гожйöдчөм да быдтысьöм бöрын лэбöны лунвылö уна лэбач-пöтка, а сэсся бөр локтöны поздысьны гортаныс...

— *Помнита, кутшöм шоньыд да сьölöм вөрзöдана висът тэнад петаліс «Сельская жизнь» газетын Валентина Дмитриевна мам йывсьыд. Уна гижлін и аслад бать Василий Павлович йылысь, кодöс ме бура тöдлі. Кыдзи тэ, öні ачыд нин ва-*

жөн баты да и пöль, казтылан шонъянöй баты-маттö? Мый тэын наён пуктöмыс? Кутшöм пас? Мыйыс копырыс?

— Баты йылыс гижы «Войвыв кодзулын» неважөн йöзöдöм «Олöмыдлөн пыдöсыс оз тыдав» повесытын. Мам кувсис, кор ме «Югид туй» газетын нин вöли уджала. Тыри сэки сылы сöмын на 58 арöс. Овны да овны на эськö тайö меным зэв дона да муса пöсь сёлöма аныслы. Öд сідзи эг и удитöй сыкөд став йывсьыс помөдз сёрнитны. Век чайтан, мый удитам на...



Коркö муним мамкөд Дереваннöйын ытшкыны гөрбуш косаөн. Луныс вöли зэв жар. Сійö сэки и

шуис, кула пö нин регид, тыдалö, кокöй ёна мудзны кутіс... Ме вочавидзи, мися, эн сөр нинöм абусö. Но мамöй водзвыв ставсö тöдöма, тöлыс мысти и кулі. Сылөн вöлöма insult. Батöй сы бöрын дас көкъямыс во öтнасөн оліс. Öні жалита, мый гежöда воывлі ас гортö. Кор вöли локта, баты мыччас меным паччöрыс шоныд гын сапöг, дугöдас телевизор да шуас: вай нö ми тэкөд сёрнитыштам. И дыр варовитам. Медводз казтылам томөн кувсöм мамös, пöль-пöчös, ылі война кадсö...

Öні некоднанныс нин абу ловъяös, сиктса шойнаын, мича пожöма ягын куйлöны. Муөдзыс копыр висытала аслам муса мам-батылы, Валентина Дмитриевналы да Василий Павловичлы, сыыс, мый быдтісны, велөдісны, вывті бур сёлöмаös вöлісны. Мам век тöдчөдліс: тэныд кө пö лёк вöчасны, тэ воча буртор вöч. Сöмын бурөн верман омөльсö венны.

Позис кө öні, эськö быд лун воывлі баты-мам дөрö. А талун кык пöv чині Дереваннöй. Том йöз мунöны. Олöмаяс кувсьöны...

— *Тэньсыйд уна гижөд лыддьöм бöрын чужö ыджыд шог-майшасьöм ас войтырлөн олөм-вылөм вöсна. Весиг нюкыртлывлö сёлöмтö. Кутшöм мог пуктан ас водзад гижөдъяс вылын уджалігад?*

— Збыль, меным унаыс шулывлісны, зэв пö шогös гижөдъясыд. А мый сэся вöчан? Олöмыс миян сэтшöм. Киссисны колхоз-совхозъяс, леспромхозъяс. Сідзжö и миян Дереваннöйын. А найö öд и сетлісны олөмсö коми сиктъясыслы. Эз жö вöv ставыс сэтшöм омөль воддза олөмас. Сійö жö пионеръяс, октябрёнокъяс, комсомолечъяс дугдывтöг гызьöдісны, ловзьöдісны олөмсö. А öні мый? Паськалö наркомания, вина юөм. Йöзыс оз адзыны аслыныс удж. И киссьöны-бырöны сикт-грездъяс. А меным сэтшöм окота эскыны, мый йöзыс оз жö дзикөдз воштыны водзтіджык чөжлөм лов донаторъяссö. Торйөн нин шог сыыс, мый чинö и чинö коми войтырыс. И кодарö нö ми öні мунам? А важөн нин воис кад кодарланькö бергөдчыны, öд кытчөдз оз ло сиктас уджыс, сэтчөдз сійö мөдас киссьыны.

А сийö жö сиктсаяньыд вахта вылö ветлöдлöмыд абу петан туй. И гижысылöн талунъя могыс — восьсöн петкöдлыны öнiя тöжд-майшасьöмъяссö коми сиктыслысь, коми войтырыслысь, садь-мöдны лыддысьысьöс. Мед аслас геройяс пырыс гижысь аддзас сьöкылдунъяс венан туйяс. А öд талун ас сиктса шойна вылö волiгöн тшöкыда усьöны син улö том йöзлöн гуяс. Налы эськö овны да овны. Сьöлöмсянь уджавны, быдтыны челядьöс. Но кывлан сöмын, мый кодкö лыйсьöма, кодкö джагöдчöма, кодкö вина помысь пагалöма. А меным сэтшöм окота эскыны, мый дыр кезлö на колясны коми йöзыс, дыр на кутас юргыны мича коми кывйыс.

— *Кодöс эськö, Александр Васильевич, шуин аслад велöдысьöн? Журналистикаын, гижан уджын, а гашкö, и олöмас?*

— Медводз казтышта медся бур кывъясöн найöс, кодъяс велöдисны Дереваннойса школаын, отсалiсны петны олöмлöн паськыд туй вылö ылi сиктса ныв-зонлы. Найö эз сöмын сетны миянлы бур тöдöмлунъяс, но и отсалiсны лоны зумыд да веськыд видзöдласа, вежавидзысь войтырöн, кодъяс мöдысьджык сьöлöмсянь кутасны тöждысьны ас чужан мулöн сöвмöм-дзори-дзалöм вöсна. Тайö Василий Ильич Шергин, Наталья Егорьевна Нестерова, Мария Андреевна Чувъяурова, Вера Ивановна Чувъяурова, Николай Александрович Ракин, Альбина Ивановна Ракина. Бур пас колисны менам сьöлöмö Коми пединститутса енбиа велöдысьяс: Елизавета Андреевна Меньшикова, Валентина Андреевна Попова, Тамара Александровна Скиба. А гижан уджын менам медся бур туйдöдысьясöн вöлины Василий Егорович Кушманов, Геннадий Васильевич Ткачёв, Геннадий Васильевич



Беляев, Пётр Федотович да Борис Федотович Шаховъяс, Иван Григорьевич Торопов, Владимир Васильевич Тимин. Быдöн на пысь пуктiс кутшöмкö да бур пай менам олöмлöн ордымтi восьлалiгöн. Коркö вöли чуйдöдыштасны-индыштасны, коркö ошкыштасны, коркö и дивитана

кыв шуасны. Но тайö войтыртöгыс меным эськö зэв сьöкыд вöли восьлавны водзö. Некор ог вунöд, кор öтчид Пётр Шаховкöд ветлiм сылöн чужан Пожöг сиктас. И меным сэки торйöн нин паськыда воссис тайö ыджыд гижысьыслöн мичлуныс, йöз дорö сибыдлуныс, вежавидзöмыс.

— *Тэ некымын во зiлин «Войвыв кодзулын» редакторöс вежысьöн, директоралiн Коми книжнöй издательствоын, нэмтö коми печатьын. Позьö шуны, бура тöдан литература олöмсö. Кыздзи эськö донъялан коми литературасö? Тöрытъясö? И талунъясö?*

— Тöрытъяыс коми литератураыслöн зумыд вöли. Кымын

кодзув пöртмасисны сэні. На лыдын Яков Рочев, Василий Юхнин, Геннадий Юшков, Иван Торопов, Пётр Шахов да мукöд. И сійö кадö Совет власьтыд зумыда кутіс чужан кыв вылын литературасö. Со и вылын тшупöдын вöлі коми литератураыс. Весиг Москваын паськыда нуöдлісны-пасйылісны коми литература лунъяс.

Но олöмыс восьлалö водзö. Мыйкö сэні вежсьö. Мыйкö вайö выльöс. Талун эськö, ме ногön, колö тшöкыдджыка петавлыны коми гижысьяслы сійö жö Кулöмдінас, Помöсдін вожö, мукöд-лаö. Öд талунъяыс миян литературалөн абу жö шыбитана. Кöть и вежсис олөм вылас видзöдласыс, но олан биясыс эз лаймавны, эз кусны.

Со мыйта во нин Кулöмдінын нуöдö литературнöй кружок паськыда тöдса поэт да прозаик Василий Григорьевич Лодыгин. Кымын гижысь сэні быдмис. Да и дзоньнас коми литератураыс озырмис поэзияса да прозаа уна выль гижöдөн. Лыддьысьны радейтысьяслы бура тöдсаöсь Виктор Напалков, Владимир Тимин, Александр Шебырев, Олег Уляшев, Алексей Мишарин, Иван Ногиев, Михаил Елькин, Алёна Ельцова, Нина Обрезкова, Евгений Козлов, Алёна Шомысова, Елена Афанасьева. А олöмыс водзö вежсьö. И водзö чужöны литератураын выль нимъяс. И мед жö тадзи и лоö пыр.



— Талун уна комиöс майшöдлö войвывса вөр-ваыс. Мый водзö кезлö кольö асланым внукъяслы да правнукъяслы, да и аслыным көні овны? Öд вөр-ваыс и сетіс, да и сетö миянлы олан вынсö. Тайöс тэ тöдчöдан жö аслад гижöдъясад. Мыйджык тэ мөвпалан та йылысь?

— Збыль, вөр-ваас миян, коми йöзлөн, олöмыс. Со и менö ёна майшöдлö, мый миян бöрын кольö. Дугдісны весавны юяс. Бöрсö тшöкыда пöрöдöны сиктъяскöд орччөн, туйясянь неылысь, юяс бердысь. Гырысь машинаяс жуглöны сиктса туйяс. Этшаджык лоис звер-пöтка да чери. Тадзи торкöны коми мортлысь нэмöвöйся оласногсö. А менам челядьдырйи вөр-васö оз на вöлі сэтшöм ёна дойдавны. И ме ногön, сиктын олысь мортлы колö лоны идöра көзяинөн ас му, ас вөр-ва вылас. Со тай кывсьö, уна тонна мусир бара на веськалöма Колва юö, а сэсянь сылөн колясьясыс кывтöны Печораö. И кор пö дугдасны пежöсьтны миянлысь чужаніннымöс. Та йылысь оз позь вунöдны ни гижысьяслы, ни журналистъяслы. Оз позь чöв овны, кор сёрниыс мунö чужан мулөн дзоньвидзалун йылысь.

— Бöргя воясö ёна чинö комиöн сёрнитысьыс, да и комиыс тишöтш. Бырисны нин, позьö шуны, посньыдджык коми сиктгрездъяс. Том йöз мунöны каръясö. Рочмöны. Мый виччысьö ко-

мисö, колянсн-ö сикт-грездъясö коми йöзыс аски? Кыдзи тэ чайтан?

— Чайта, мый коми сикт-грездъясд век жö колянсн. А талун тадзи тай артмö, мый ылі сикт-грездыс том йöз вуджöны овны юрсиктö, сэтыс локтöны Сыктивкарö, сэсса мунöны Санкт-Петербургö да Москваö, а Россияыс төвзёны Америкаö. Медсясö йöзыс мунöны велöдчыны, бурджык олөм корсьны. А сиктас öд, мöдарö кө, найöс некод ёнасö оз и виччыс. Сэк жö сиктын талун колö овмöдчыны велöдчöм йöзлы. Сэки и сійö вильмас-ловзяс. Талун олöмыс вежсьö да тшöктö вежсьыны и сиктлы. Век жö кута лача, мый сиктъясын олöмыс вочасөн бурланö кутас бергöдчыны. Сэні олö этносыс, коми вужвойтырыс. Сійö и сетö коми оласногыслы вынсö. Та йылыс оз позь вунöдны миян власътъяслы.

— *Сидзкö, кутиöмджык туйвизь колö нуöдны миян власътъяслы коми кывсö, коми грездсö видзöм могысь?*

— Öнi миян политикъяс, чиновникъяс ёна большöны та йылыс. Но öд збыльвылас колö тöждысьны сійö жö коми кыв вöснаыс. Ме ногөн, бур эськö вöлі дон босьттöг гижöдны йöзсö коми газет-журнал вылö, мед найö бөр бергöдчасны чужан кывланьыс. Öд сійö жö 1991 воас «Коми мулөн» тиражыс вöліс 8600 экземплярöдз. «Войвыв кодзув» журнал воддза воясö судзöдлісны 7 сюрс сайö морт. И колö, мед бөр бергöдчис тайö бур важыс. А та могысь медводз колö могмöдны сиктса олысьöс уджөн. Мед оліс сійö тыр-бура аслас оланінас да дугдіс ветлöдлыны кытчöкö уджавны, бокин кынöмпöт корсьны. Власътъяс-ыдлөн эмöсь та вылö позянлунъясыс, но оз, буракö, көйыны нинöм вöчны. А сöмын тайö отсалас видзны и коми кывсö, и коми оланногсö.

— *Газет-журналын уна во уджалігөн тэ лоин бура тöдса финн-йöгра мукöд республикаысь да и суйөр сайысь гижысьяс-көд, журналистъяскөд. Мыйöн найö олöны? Төжд-могъясным öткодьöсь кымын? Мыйö да ёна-ö позьö велöдчыны öта-мöдным-лысь?*

— Ме пыра финн-йöгра журналистъяслөн Россияса ассоциациялөн секретариатö. Волывлі Мордовияö, Удмуртияö, Марий-Элö, Коми-Перым кытшö. Налөн татшöм кымынöсь жö тöждъясыс да майшасьöмъясыс. Медводз окота шуны, мый Марий-Элса Йошкар-Ола юркарын лöсьöдöмаöсь бур йитöдъяс сиктса олысьяскөд. Да и Россия шөрланьын туйясыс бурöсь, йöзыс öта-мöдыскөд орччöнджык олöны. Со и сэні олöмыс ёнджыка пуö. И миянлы колö водзö ёнмöдны öта-мöдкөд йитöдъяссö. Кадыс кадö овывлöны финн-йöгра печатьлы сиöм фестивальяс, рöдвуж кывъя журналистъяс волывлöны öта-мöд орданыс, нуöдöны семинаръяс. Öнöдз помнита Изъваын фотожурналистъяслыс семинар, сы бöрын и петіс «Ижма одна на планете» бур фотоальбом. Мед эськö тайö уджыс и водзö эз кус.

— *Гижысьтö пыр стрöга донъявлісны и лыддьысьысьяс, и критикъяс. А талун миян критикаыд оз тыдав. Öнi литературнöй олöмсö туялысьяс омöля кывсьöны. Тэ ногөн кө, мыйджык талун оз тырмы коми литератураыслы? Кутиöмön колö лоны талунъя коми гижысьлы?*



— Збыльысь, литература критикаыд миян талун оз тыдав. Та йылысь и сёрнитчим матысса кадö юксыны мөвпъясөн öта-мөд коласын Коми наука шöринысь Кыв, литература да история институтса литература секторён веськөдлысь Татьяна Леонидовна Кузнецовакод.

А водзтіджык литература туялан уджö тöдчана пай пуктылісны Александр Александрович Вежев, Дмитрий Васильевич Конюхов, Владимир Николаевич Дёмин, Геннадий Васильевич Беляев. А öні татшöм критикъясыс оз тыдавы. Мөдар боксянь кө, талунъя гижысылöн оз век тырмыны öнія олöм-вылöм йылысь джуджыд видзöдласа-мөвпъяса висът-повесътъяс. Сы йылысь, кызди вежис мортсö тайö кадыс. Гежöда аддзылан и публицистика юкöнын ёсь да пыдісянь подулалöм гижöдъяс. Со и окота эськö, мед миян гижысяс вöліны веськыд кывъя, сöстөмас лача кутысь йöзöн да петкөдлісны öнія олöмсö сэтшöмön, кутшöм сійö эм.

— Александр Васильевич, тэнад гижöдъясыд петалисны и рочöн, весиг торъя книгаöн. Кокни-ö тайöс вöчны, пискөдчыны мөд лыддысьысь дорö? Ёна-ö торъялö республикаын коми да роч литератураыс? И мый, тэ думысь, йитö найöс?

— Роч кыв вылын менам петалис кык книга. Öні көсйöны лэдзны торъя книга мари кыв вылын. И мукöд кыв вылын сёрнитысь гижысяскöд да лыддысьысяскöд татшöм сикас бур йитöдъясыс колöны. Көть и абу кокни найöс лöсьöдны. А миян республикаын коми да роч гижысяс костын артмисны бур да топыд йитöдъяс. И медводз найöс кутö öтувъя уджыс, öтувъя тöждъясыс. Ми огö юкöй öта-мөдöс.

— Кутшöм лолөн тэ чеччан пызан сайсьыд выль гижöд помалöм бöрын? А выль гижöд кызиджык панан? Шуда овлан? Али выль майшасьöм чужö? Со неважөн на петис «Войвыв кодзулын» «Олöмыдлөн пыдöсыс оз тыдав» повесът, а гашкö, бара нин выль мөвпъяс бергалöны юрад?

— Пызан сайсьыд гижöд помалöм бöрын чеччыны овывлö и кокни, и сьöкыд. Кокни, кор гөгөрвоан, мый артмис гижöдыс, мый вермин шуны асьыд колана кыв. А сьöкыд, гашкö, сійөн, мый юрад выль мөвпъяс нин воöмаöсь да жуöны. Артмас оз нö? Збыльысь, сьöкыд панны выль гижöдтö. Колö кутшöмкö кадколаст. Колö мөвпалыштны гөгөрбок. А тайö абу кокнитör.

Шуда, дерт, овлö сьölöм вылад, кор гижöдтö помалан. Но оз дыр кeжлö. Век мыйкö пессьö морöсад. Кызди шуліс сибырса öти ыджыд гижысь, гижан уджыд пö сьöкыд крестөн öшалö морöсад. И тайö крестсö колö олöм помöдзыд нуны. Збыль, сідзи и эм. Чужöны нин выль мөвпъяс. Окота эськö менам бөръя повесътлысь мөд юкөнсö гижны. Окота и видлыны вынъ-

ясöс пьесаын, водзö нуöдны публицистика юкөн. Но вочасөн ставсö вöчны, здукөн нинöм оз артмы.

— *Кыдзи тэ, гижысь морт, донъялан ставнас öнiя олöмсö? Мый бурыс? Мыйджык сылы оз тырмы? Мыйджык виччысян томъяссиянь?*

— Бурыс и омöлыс эм öнiя олöмас. Шуа тай: сийö абу сöмын сöда-еджыда рöма. Вочасөн олöмыс вежсьö. И бурыс, дерт жö, чужö. Но майшöдлö сийö, мый йöзыслөн кутiс вошны бур оласногыс. Водз-

ти найö шаньджыкöсь, вежавидзысьджыкöсь вöлины. Öнi тайö бурлуныс, ме серти, эз кут тырмыны. Окота сины öнiя олысьяслы, тшöтш и быдмысь внук-внучкаяслы, мед эз чорзыны сёлöмнаныс, тöждысисны чужан кыв вöснаыс. Пыдди пуктiсны ассьыныс бать-



мамнысö. Эскисны аския лунас. И мед олiс миян Коми Республиканым, мед ылöджык юргис коми кывным.

— *Александр Васильевич, тэ асьтö лыддiан шуда мортөн? Вöли кö эськö мöд олöм, кыдзи олин?*

— Кöть кутшöм эз вöv олöмыс, век жö шуда, мый чужи да ола тайö шондi улас. Шуда, мый менö коркö чужтiсны муса бать-мам Эжва йылын. А вöли кö мöд олöм, тайö олöмнас жö эськö и олi...

Снимокъяс вылын:

1. Александр Ульянов мамыскöд, Валентина Дмитриевнакöд.
2. «Дереваннöй сиктöй — менам сёлöмишöр» книга нимöдöм. А.Ульяновкöд Кулöмдiн районса сэкса юралысь С.П.Каплин. Дереваннöй сикт, 2008 вося юль 7 лун.

3. А.Ульянов пöчыскöд да мам-батьыскöд гортас, Дереваннöй сиктын.

4. Нималана коми гижысь Б.Ф.Шаховкöд.

5. «Югыд туй» газетөн веськöдлiгөн.

6. Ёрта сёрни коми литература туялысь В.Н.Дёминкöд.

7. А.Ульянов гöтырыскöд да челядьыскöд.

Снимокъясыс Александр Васильевич Ульяновлөн гортса архивысь.



«Көсйим лоны депутатон...»

ДОКУМЕНТАЛЬНОЙ ОЧЕРК

...1989 вося апрель төлысьын менө индісны юрнуодны республикаын коми кыв вылын петысь «Югид туй» газетон. А сыодз эг жö коми печатьсьыс дзик бокрын уджав, бөръя кадас веськөдлі партия обкомын газет-журналъяс секторон. Нöшта водзджык, вит во чöж, Питерö велöдчыны мунтöдз, зіли-мырси «Югид туйын» жö, тайö радейтана да важ коми петасас. Босьтіс менö сэтчö нималана журналист, коми литература туялысь, филология наукаысса кандидат, «Югид туй» газетса редактор Геннадий Васильевич Беляев. Öтвылысь сэсся и уджалім, кытчöдз авъя да вежöра морттö сэкся КПСС Коми обкомса первой секретар В.И.Мельников ёрт мырдöн-сорөн эз «мөдöд» юрнуодны Коми Гостелерадиоон. Но тайö, кыз шуласны, торъя сёрни...

Апрель колис да гожöм воис. Сэсся кузь ар бöрын лымъя төв пуксис. Во помнас нин, помнита да, декабр 19 лунö, Коми мулön юркарын муніс республикаса журналистъяслön быд кад-ся чукöртчылöм (съезд). Газет вöчысь-лэдзсысяс дорö воліс да пöся сёрнитіс Коми АССР-са Верховнöй Сöветон веськөдлысь Ю.И.Семуков. И лои гөгөрвоана, мыйла петкөдчыліс миян водзын Юрий Иванович. Локтан вонас республикаын вöлі индöма нуодны власьтлön быд тшупöдын бөрйысьöмъяс, и чина морт нöшта öтчыдысь казътыштіс тайö кывкутана лоöмтор йывсьыс Сыктывкарö чукöртчöм журналистъяслы. Сэкся съезд дырйи менö гижысь ёртъяс бура ёна шензьöдісны: öти-кö, дзик виччысьтөг бөрйисны Коми республикаысь журналист котырса веськөдлысьöн, мөд-кö, тайö съезд вылас жö Эжва йывса «Ленин туйöд» газетын зілысьяс вöзйисны менö öттшöтш, медым матыстчысь бөрйысьöмъяс дырйи лои Коми АССР-са Верховнöй Сöветö депутатпуөн (кандидатон). Чужан Кулөмдін районса 170 номера Дереваннöй кытш (округ) кузя. Сэні пö тэнö унаөн төдöны да кокниджык лоö писькөдчынытö. Нöшта «Югид туй» газеттö Эжва йылад пыдди пуктöны, окотапырысь судзöдöны-лыддöны сійöс. Со, мися, ерöмаканьяс, öти лунön быдса кык ноп ме вылö öшöдінныд... Но пыксыны гижысь ёртъясысь эз вöв лöсьыд, быть лои сійö ылі воясас бөрйысяна венад пырöдчыны. Томджык на вöлі да, сы понда, тыдалö... Мися, ми öд, журналист-войтырыд, мукöд уджалысьясысь абу жö омöльджыкось. Юрным эм, и ки-кокным колана местаын. Мыйысь нö, сідзкö, повнысö? Тадзи кымын ме сәки мөвпалі ас кежысь, пöсьвывсьыд тырвыйö эг на гөгөрво, кутшöм ыджыд кывкутöм босьта йöз водзын. Бöрынджык эськö тайö майшасьöмыс топыдакодъ личкис морöсöс, муткырасис пытшкын, но öтарö-мөдарö шыбласьны сьölөмöй эз ләпты...

Лыддысьысьяслы казътышта, мый 170 номера бөрйысян кытшö öта-мөдкөд вермасьны ми веськалім куимөн: КПСС об-

комса секретар, экономика наукаесса кандидат Н.В.Гусятников, Дереванной лесопунктса начальник Р.Ф.Ракин да ме, сэки «Югид туй» газетса редактор.

Депутатпуясон вөзйом бөрын, вежон мысти кымын, сэсса став гудыр-гадырыс и кыпөдчис веркөсас. Вочасон да тэрмась-төг. Со, мися, абу весьшөрө кодкө шулома, политикаыд пө няйт удж-делө... Сы бердө кө инмөдчан, ачыл на верман ёнакодь льякөссыны. А он кө кут льякөссыны, няйтөсьтнытө, майбыр, өдйө отсаласны. Найө, кодлы тайө зэв колө...

Коркө рытланьыс нин уджалан жырйын триньөбтис телепон. Звөнитис Куломдинсянь партия райкомса мөд секретар И.А.Логинов да веськыда шуө: тэнө пө, дона ёрт, миян районса журналисьяс вөзйөмадь депутатө кандидатнад бөрийсян Оланпас торкөмөн. Ме пө та кузя весиг прокурор дорө шыөдчылі, думыштлы гөгөрбок, мед зык эз кыпты... Аттьөалі, дерт, сійөс татшөм «төждсьыд», көть эськө сьөлөмөн кылі: мыйкө неладнө гартө-бергөдлө чина мортыд да. Партийной власьтлы нө мыйла быть суйсьыны депутатпуяслон венас, став правосө тані сетөма бөрийсян комиссияяслы. Кымынөдыськө нин лои лыддыны бөрийсьөм йылысь сәкся Оланпас, содтөд ветлыны да сёрнитны республикаса Шөр бөрийсян комиссияса кывкутысь ёртъяскөд. Найө лөньөдісны менө: некутшөм ногөн пө республикаса бөрийсян Закон абу торкөма, ставсө вөчөма лючки-ладнө. Но райкомсаыд быттө сирасис ме дорө, регыдъя кадөн бара на йитчыліс телепон пыр. Нөшта пө өтчыдысь думыштлы, колө-ө пырөдчыны тайө тыш-венас. Эз лёкысь сёрнит, төждысяна-велөдана гөлөсөн. Бать моз дзик мургис-намгис...

Сэсса коркө-некоркө дзик виччысьтөг корис менө ас ордас КПСС обкомса мөд секретар В.С.Осипов. Рытланьыс, рөмдө нин вөлі, пыри сы дорө. Вениамин Саватьевич пукаліс кабала-ясон тырөм паськыд пызан сайын да өчкисө чышкалігмоз пыр жө юаліс менсьым:

— А мыйла нө тэныд, газетса редакторлы, депутатлөн чиныс? Ёні со партия обкомса секретар Гусятников ёртлы туйсө потшан. Сійөс өд 170 номера Дереваннойса кытш кузя жө вөзйисны. Гөгөрвоан он, мый вөчан? Ёта-мөднытө кутанныд дзескөдны-пөвсавны. Сьөкыд лоө Николай Васильевичлы Эжва йылад вермасьнытө, торйөн Дереванной кытш кузя. Ракиныдкөд ті кыкнанныд сэтчөс йөз, а Гусятников бокөвөй, локтөм морт, артмө. Көть и выныс сылөн тырмымөн, век жө партия обкомса юралысь...

— Но и мый, мед миянкөд орччөн венласьө дай,— чепөсйис менам прөст вомысь, быттө бөръя лун ола вөльной светас.

Төді өд: эг ачым нетшкысь-суйсьы депутатпу лыдө, газет-журналын уджалысь ёртъяс съезд нимсянь вөзйисны.

— Позьө на өд и мукөд ордым корсьны да сы кузя мунны. Тэ, шуам, тышсьыс бокө кежан, он кут венласьны тайө округас. Тадзикөн Николай Васильевичлы прамөя отсалан, сэки, миян артыштөм серти, депутатнад Гусятников и лоө. А Рем Фёдоровичтө ми важысянь төдам, кызкө-мыйкө воам сыкөд өти кывйө,— кыпөдчис аслас пызан сайсьыс да мелань сетчыштис В.С.Осипов.

— Ётарө-мөдарөасьны ме ог вермы, Вениамин Саватьевич.

Мыйла? Журналист-ёртъяслысь вöзйöмсö пыдди пукта, ог көс-йы найöс конйыштны-пöръявны,— эг кут нинöм дзедны ме обкомса мöд секретар водзын.— Дзик та вöсна и мöда венласьны аслам кытшын. А мый таысь артмас, олöм-вылöмыс сэсса петкöдлас...

Чина морткöд киасьтöг и лыйышти-петі В.С.Осиповлөн югыд бияса лöнь жырйысь, сэсса и ыджыд чинаяслөн зумыд тэчаса керкаысь.

Вениамин Саватьевичлөн партия обкомö корлöмыс, дерт, вель ёна кырыштіс менсьым сёлöмöс: öнi лои тырвыйö гөгөр-воана, мый вöсна татшöм ёна Кулöмдінса партия райкомысь мöд секретар «тöждысис-висис» 170 номера Дереваннöйса кытшын бöрйысьöмъяс вöсна, некымынысь звöнитліс удж вылö, газетлөн редакцияö. Олöмад тай öта-мöдыскöд ставыс йитчöма-гартчöма. Бöрйысьöмъяс дырйиыд сідзи жö вөлöма, тшöтш и чужан Кулöмдін районын...

Ассянь окота шуны некымын кыв В.С.Осипов йылысь. Морт-ыс эз лёк вöв, чужöма-быдмöма Сыктивдін районса Ыб сик-тын, ачыс коми. Зільöма-старайтчöма да воöма ыджыд чина мортöдз. Помнита, тшöкыда кежавліс-воливліс Печать керкаö, тшöтш и миян ордö, коми газетö. Торйөн нин партсобраниеяс вылö. Но мукöд моз эз чиршöдлы ни эз велöдлы, бурсö вöлі казялас газетсьыд, и тырмытöмтор йывсьыд веськыда казтьыш-тас. Синмад шыбитчис, мый сюся лыддьö мам кывъя петастö обкомса секретар, оз öнiя веськöдлысьяс моз көнкö да кодлөнкö висьталöм серти донъяв коми газет-журналтö. 1990 вося тулы-сын Вениамин Саватьевичöс Сыктивдін районса войтыр бöрйис-ны Коми АССР-ысь Верховнöй Сöветса депутатөн. Ме думысь, сы отсөгөн жö карбердса районад бöрйысьнытö вуджис и обком-са секретар-ёртыс, Н.В.Гусятников, код вöсна сэтшöм яра сула-ліс да корліс менö ас ордас В.С.Осипов. Но та йылысь миян висьталöмным водзын на...

А Вениамин Саватьевич некор сэсса эз бергöдчыв бöрйысьöм кузя сэкся сёрни дорад. Быттьö нинöм абу и вөлöма. Эз пысась-лы удж кузя ни, эз зіль водзöс босьтны чина мортыдлысь кывзысьтöмысь ни. Тöлка-вежöра веськöдлысьöн асьсö петкöд-ліс, гашкö, быдмис нöшта на ыджыдджык мортöдз, эз кө ло чужан Ыб сикт бердас, чорыд веркöса туй вылын, сьöкыд не-минуча. Гозъя, вөлөмкö, мунöны асланыс «Жигулиөн» Кировса санаторийö шойччыны, а воча локтысь-тöвзъысь машинаыслөн, грек вылад, нем виччысьтöг чепöсьяс-орö көлесаыс да, колö жö тадзи лоны, сійö швачкыяс-зöргас гозъялөн «кöрт вөлö». Кыкнанныс пыр и кувсьöмаöсь. Тайö лекторйыс лои 1997 вося ар помын, октябр тöлысьö...

Морт олöмыд тай и збыль пыдöстөм юкмöс кодь. Он вермы тунавны, мый аски либö вежон мысти лоö. Эг, дерт, и ме тöд... Но водзö мунысь, дзулькйөн пуысь олöмыс петкöдліс: абу жö весьшöрö ыръянитсьöма менам обкомса мöд секретар ордад. Депутатпуясöс вынсьöдöм (регистрайутом) водзвылын Кулöмдінсянь бара на триньгисны-звöнитісны да юөртісны: туйыс пö 170 номера бöрйысян кытшаныд восьса, Н.В.Гусятников гижис шыöдчөм да вуджис... мöд районö, öнi тышкасьöй-верма-сьöй Р.Ф.Ракиныдкöд кыкөн. Со, мися, дивö. Кутшöм осьтер

Гусятников ёртыд, сы өдийö сяммöма Эжва йывсянь Сыктывдін районö «чеччыштны». Бөрйысьöмъяс пансигён на чина мортöс кулöмдінсаяс республикаса Верховной Сöветö вöзйисны, ошкисны чукöртчылöмъяс дырйи: бур да колана депутат пö мян районсянь лоö, а Николай Васильевич босьтöма да карлань матöджык уйкнитöма. Мед дзик стöча нин веськавны власьтлөн вылі тшуподас. А Эжва йылад, Дереваннойса бөрйысян кытшын, код тöдас, мый да кызди на эськö артмис... Бокöвöй мортыдлөн. Мед сэнi чужлөм-быдмылөм войтыр и венласьöны öта-мöдыскöд, пессьöны-тильсьöны, аддзысьлöны сикт-посёлөкса войтыркöд... Öнi думайта да, таdzi кымын мөвпаліс сәки Гусятников ёртыд. Бөрйнджык нин, кор депутатён лои, паныдаслам карын вöлі да, нюмсö дзедиг казтыліс:

— Кулөмдінсаяс кындзи, менö öд нöшта на Сыктывдін районса олысьяс вöзйылісны депутатö кандидатнад. Бура тöда татчöс сикт-посёлөкса войтырöс, налысь тöжд-дойсö. Матö көкъямыс во Зеленечса совхозөн веськöдлі. Быть лои кык районысь öтисö бөрйыны. Сьölөмöй тай мыйлакö Сыктывдінлань кыскис-а. И эг сорсьы, ерöмакань...

Ёсь ныриса вöлöма чина мортыд. Ставсö артыштöмаöсь и партия обкомлөн зумыд тэчаса керкаын. Николай Васильевич збыль эз сорсьы: локтысь бөрйысьöмъяс дырйи, 1990 волөн март 4 лунö, Н.В. Гусятников лои Коми АССР-ысь Верховной Сöветса депутатён. Вильгорт сиктысь 142 номера кытшса унджык бөрйысьысьыс эскисны обкомса секретарлы, сувтисны Николай Васильевич дор. Эжва йылад, ме серти кө, Гусятников ёртыд öдвакö вермис чукöртны та мында гөлөстö. Мед көть и партия обкомса секретарён уджаліс. Ас кадö, зэв ас кадö муніс-төвзис Эжва йывса бөрйысян кытшсьыд чина морт. Быттö кодкö йөткалис сійöс тайö воськовсö вöчны. Но мянлы Р.Ф.Ракинкöд чина Гусятниковлөн «пышйöмысь» нимкодъджык эз ло. Мөдарö на, вен-тышыс бөрйысян кытшас ёсьмис. Шензьöй көть энöй, а Коми АССР-ысь Верховной Сöветса депутатö 1990 вося тулысын пырöдчис тшöтш и В.С.Осипов, КПСС обкомса мөд секретар. Гусятниковöс моз жö Сыктывдін районсянь ыджыд морттö бөрйисны. Та бöрын и збыль кутан эскыны, мый мян олöмын быд лоөмтор öта-мöдыскöд йитчöма. Торйөн нин политика юкөнад.

...Гусятниковлөн Эжва йывса бөрйысян кытшысь мунöм бöрын мянлы Р.Ф.Ракинкöд венласьны лоö сьöкыджык. Вермам кыкнанным ворссьыны, оз кө мян пиысь öтиным босьт бөрйысьысьяслысь джын гөлөссö. Джöмдам кө öттшöтш, быть ковмас нуöдны Дереванной кытшын нöшта öти бөрйысьöм. Кызд шуласны, ставсö выль пöв заводитны. Но мянтöг нин, сәки мукöд депутатпуюсöс вöзъясны татчöс сикт-посёлөкын олысьяс. Таdzi вöлі пасйöма сійö кадся бөрйысян Оланпасын.

Вильвося гажъяс бöрын, 1990 вося январын, окружной комиссияяс босьтчисны гижавны-вынсьöдавны йöзөн вöзйöм депутатпуюсöс. Меным, дерт жö, лои кайлыны Дереваннойö. Сельсöветлөн кыпид жырйын и муніс тайö вынсьöдöмыс. Окружной комиссияяс председатель, Дереванной шöр школаса велöдысь Л.С.Нестеров, төдмöдіс чукöртчöмаясöс регистрация кезлö

дасьтөм кабалаясөн, юөртис налы, мый 170 кытш кузя вөлі вөзйөма куим мортөс, но өти кандидат, Н.В.Гусятников ёрт, гижис комиссиялөн ним вылө шыөдчөм, көні корис мездыны сійөс бөрйысян тышысь. Леонид Степанович лыддис мөдөдөм гижөдсө да вөзйис комиссияө пырысь войтырлы могмөдны Николай Васильевичлысь корөмсө, а такөд өттшөтш вынсьөдны Р.Ф.Ракинөс да менө Дереваннойса бөрйысян кытшсянь Коми АССР-са Верховной Советө депутатпуясөн. Паныд некод эз сувт... Сійө лунсянныс ми Рем Фёдоровичкөд, өти сиктын быд-мөм-верстяммөм йөз, лоим өта-мөдкөд депутатлөн ним вөсна венласьысыасөн. Быдса кык төлысь кезлө, март 4 лунөдз...

Леонид Степанович, шань да вежавидзысь коми морт, чолө-маліс миянөс тайө ыджыд лоөмторнас, топөдліс Р.Ф.Ракинлысь да менсьым кияснымөс, сэк жө төдчөдіс: эска пө, мый веныс лоө ёсь, но өта-мөдөс дойдтөг да ниятөн коявтөг-резтөг. Рем Фёдоровичкөд тайө здукас ми и збыль вөлім шудаөсь, сөмын эг төдөй, мыйөн помасяс депутатлөн ним вөсна пансьөм тышыс. Туналім кө водзвыв, гашкө, сёысь мөвпыштлім, колө-ө пырөдчыны миянлы, важ коми сиктса верстьө йөзлы, тайө төдтөм венас да... Но мый пө оз вөчсы миян олөм-вылөмын, ставыс бурлань мунө, ставыс колана да ас местаө лөсялө. Весиг лөкыс мукөддырйи отсалө бурыслы, сідзи жө, кызди сьөд вой бөрын пуксьө дыр виччысына асыв...

Янсөдчим Рем Фёдоровичкөд сельсоветын бур ёртъяс моз. Юкнысө кык дереваннойсалы и збыль вөлі нинөм. Олім-вылім өти сиктын, позьө шуны, өта-мөдсянь орччөн. Ракинъяслөн мича керкаыс тутвидзис-сулаліс Пөжөм грездлөн мыльк йылын, а миян муртса улынджык, Ягвыв грезд шөрын, вөр посёлоклань да Кулөмдіно мунан туй бокас. И гижны кө веськыда, некор мөвпыштлыны эг кууж, мый меным коркө мойвиас бөрйысьөмтьяс дырйи венласьны Дереваннойын, пөди, медся нималана да вына морткөд, водзын мунысь, асьсө бур боксянь петкөдлысь вөрпунктса веськөдлыськөд. Рем Фёдорович меным, позьө шуны, бать пыдди лөсяліс. Быдса дас квайт арөсөн ыджыдджык, ачыс дереваннойсаяс пөвстысь. Нэмсө вөр дорын зільө-мырсьө. Трактористсянь быдмис лесопунктса начальникөдз. И дас сизим во нин веськөдлө татчөс вөр котырөн. Вонас ыджыд овмөс лэдзө-пөрөдө шөркодя 120 сюрс кубометр вөр, кыпөдө асланыс уджалысыяслы выль керкаяс, лавка-магазинъяс, посни челядьлы ясли-сад. Рем Фёдоровичөс төдөны да пыдди пуктөны Аныб вожсянь Носим сикт-посёлокөдз, ставнас район пасьтала. Содтөд на, Р.Ф.Ракинлысь вөр дорын дыр кадся зільөмсө донъялөма кык орденөн, сылы сетөма Коми АССР-са народной овмөсын уджалысьлысь почёт ним. Со, мися, и вермась татшөм ярьюгыд сиктсаыдкөд, здук-мөдөн и сюркнялас менө, сылы воча сулалысьтө. Мыйта вын-эбөс муткырасьө сы пытшкын, нөшта лесопунктса начальниклөн бур нимыс дас сизим вонад вөчис жө асьыс делөсө, быдөнлы лои төдса... Сэсся сійө Дереваннойын, чужан сиктас олө-уджалө, быд лун йөз пөвстын бергалө, а ме насянь ылын, карын зіля, коми газет вөча-лэдза. Гөгөрвоана, мый Рем Фёдоровичлы ёна кокниджык вермасьнытө. Сы кийн ставыс да: и вөрыд, и машина-тракторыд, и посёлокад олані-ныд, и удж вичмөдөмыд... Мися, нырыштас дай, көть и воча

сулалысьыс газетса редактор, коть и дереваннойса жö. Тайö мовпъясьыс морöс кудйын быдсөн кодзавліс; торйён нин сэки, кор регистрация дырйи вörпунктса технорук, Р.Ф.Ракинлөн доверенной морт М.В.Михайлов уна ошкана да пöсь кыв висьталіс аслас начальник йылысь. Йирис вежөрöс и мöд дум: гашкö, мися, и збыль меным эз ков суйсьыны политикаад, кывзысьны В.С.Осиповлысь да ас кадö петны-вешйыны депутатлөн чин вöсна тыш-венсьыс? Майшасьомойлы помыс эз тыдав... Но бöрынтьчыны вöлі сёр нин. Ачым öд венас нырччöмысь мыжа жö. Та вöсна коли сöмын лолöс пыкны, бөрйысьысьяскöд лючки аддзысьлыны да виччысьны март 4 лунсö. Сы бöрын ставыс ас местаас пуксяс...

...Сельсоветын депутатпуясöс вынсьöдöм мысти, помнита, топöдлі Рем Фёдоровичлысь зу кодь чорыд кисö, чолöмалі сійöс бөрйысян туйын медводдза вермöмөн. Мортыд паськыда нюмъ-ёвтис воча, шамыртлис мыччöм киöс да вежавидзана шуис: видзöдлам пö, мый на таысь артмас-тэчяс. Гашкö, бур, гашкö, лёк лоö... Гөгөрвои öтитор: сылы сьölöм вылас воис, кызди талун, регистрация мунігөн, морттö донъялісны ас сикт-посёлок-са войтыр. Ошкисны, вылö кыпöдісны, уна бур кыв шуисны. Öні Р.Ф.Ракинлы позис юрö лэптöмөн водзö венласьны-пись-кöдчыны. Депутат нимлань...

Медым тырвыйö ясыд лои сэкся бөрйысян серпасыс, вайöда татшöм лыдпасьяс: республика пасьта Коми АССР-са Верховной Сöветö 1989 во помнас да 1990 во заводитчигөн вöзйисны 638 депутатпуöс, унджыкыс, 539-ыс, медводдзаысь на пырöдчисны бөрйысян тышö. На пöвстысь окружной комиссияяс вынсьöдісны 569 депутатпуöс. Но сöмын 180 морт, медся буръясыс, кутшöмкö кад мысти лоöны Верховной Сöветса депутатён. А та-öдз коліс на тайö ыджыд ним-чин вöснаыс пöсь петмөн венласьны. Быд кытшын, быд кандидатлы. Öд депутатлөн öти места вöсна тышкасьны мöдасны шөркодя куим морт...

Лыддысьысьяслы окота висьтыштны сэкся 170 номера Дереваннойса бөрйысян кытш йылысь. Сійö вöлі вель ыджыд. Аслас борд улын кытш öтувтис Кулöмдінсянь Эжва кывтчöсысь вит сельсоветувса дас öти сикт-грезд да вör лэдзысьяслысь посёлок, көні оліс куим да джын сюрс бөрйысьысь. Паспом посёлоксянь (Носим сикт дорын сулалö) Ичöt Аныб грездöдз. Татчöс войтыр вужъясьöмаöсь Эжвалөн öтар и мöдар берегас, скöt видзöны, вör лэдзöны, быдтöны-велöдöны челядьöс. Сійö кадö тані некодлөн на юрныс эз вись удж абутöм вöсна; мый коть эн шуой, но Сöвет власьтыд ёна зілис, медым миян сикт-посёлокъясын дзужгис пила да камгис чер, медым ас овмöсьясын баксісны сюрукъяс, мед сöвмисны-ёнмисны совхозъяс, а весь олысь, төв чужъялысь морттö вöлі тунеядечөн и нимтöны. И власьтыд, ковмас да, öдйö на и топöдас-пуксьöдас дась нянь сёйысьтö, оз кö дышöдчысьыд аслыс удж аддзы. Либö сельпо-ысь, либö совхозысь, либö лесопунктысь. Позис и мукöдлаö инасьны. Уджыд сэки ачыс морттö корсис, а эз мöдарö вöv, öнія моз... Дерт, кызь куим во саяд бурыскöд тшöтш и тырмытöмторйыс уна паныдасьліс. На йылысь висьталісны-крапöдісны сикт-посёлокса олысьяс миянкöд, депутатпуяскöд аддзысьлöмъяс дырйи нин. Веськыда, нинöм дзебтöг, мукöддырйи вель скöрысь, сьölöм дойөн да дöзмöмпырысь.

Бѣджд аттѣ колѣ шуны бѣрѣйсѣн коммиссияса пред Л.С.Нестеровлы. Сѣѣ сѣлѣмнас эз усь, пыр ышѣдіс менѣ, томджык мортѣс. Эн пѣ ѣна шогав, весиг ворссѣн кѣ, он ѣд батѣдлысь мѣстѣ ворссѣы. А бѣрѣйсѣм пырыс воськовтѣм-мунѣмѣд удж-олѣмад бура на отсалас, сы мында ѣѣзкѣд тѣдмѣсѣн да, налѣн тѣжд-дой ѣылысь бурджыка тѣдны кутан и. Сылы, кѣдзи коммиссияѣн веськѣдлысьлы, некод дор сулавны эз позѣ, но ыджыдджык ѣртлѣн ышѣдана сѣрниѣд шонтѣс сѣлѣмѣс, содтѣс вын, ызѣѣдіс водѣѣ восьлавны нѣургиг-нѣргытѣг, бѣрѣйсѣн лунѣдзѣс венласѣны Р.Ф.Ракинкѣд.

Леонид Степановичкѣд ѣтлаѣн моз и петѣм сѣки сѣльсѣветѣсь. Мѣѣдчим мир тѣѣ кузѣ сикт помланѣ. Кок улын азыма дзуртѣс весьт судта усьѣм лым. Прамѣя нин вѣлі рѣмдѣма-пемдѣма; Пѣжѣм чѣѣ ѣывсѣнѣ лѣччигѣн тыдовтчисны Дереваннѣѣ посѣлоклѣн югѣд бѣясыс. Школѣса велѣдысь шавксѣѣдіс водѣѣ, тайѣ бѣясыслы вѣча, ичѣтик ю сайын пѣжѣма нѣрыс бѣкѣ то-пѣдчѣм керкаѣсланѣ. Сѣѣ олѣс вѣр посѣлокас да тѣрмасис: аски пѣ уна урок да колѣ на кѣжлѣ дѣсьтысьны. А ме, киаси Леонид Степановичкѣд да, сикт помас кѣжи шѣѣгавыв, асланым керкаланѣ. Мам кувсѣм бѣрын батѣ олѣс ѣтнас, виччысис нин менѣ гортын, жѣдзис ѣти ѣшиньсѣнѣ мѣдѣ. Тѣрыба кѣйлѣс гѣбѣч ылѣ, лѣччѣдіс сѣтысь ыджыд юра гын сапѣг:

— На, вѣѣ кѣмав, коктѣ шонты. Карса бѣтинки дорсѣѣд таѣѣ, майбыр, сѣ пѣв бурджык. Кокыд паччѣрын моз кутас узьны.

Кысь нѣ медматѣсса мортѣдлысь он кывзѣсь, пѣрччысѣм-личѣдчѣмкѣд ѣттшѣтш и вѣжи кѣмѣс. А батѣ локтѣгѣжлѣ пѣсь тшѣѣ пузѣѣдѣма, пызан шѣрѣ сѣѣн-юан лѣптавны мѣдіс. Посводѣѣ петалѣс, чуланѣ пыралѣс. Нинѣм ѣг шу да, ачыс и юалѣ:

— Кѣдзи нѣ делѣѣсѣд кандидатлѣн? Вынсѣѣдісны эз Рем Фѣдоровичыдкѣд?

— Вынсѣѣдісны, вынсѣѣдісны,— бурмѣді батѣлысь сѣлѣмсѣ ме да ошѣѣсьштѣ:— Со весиг эскѣданпас сѣтѣсны.

Батѣ синсѣ читкѣртѣмѣн дыр видлалѣс-лыддис чорѣд кабала ылын гѣжѣматорсѣ да эскѣданпассѣ мыччигмоз вѣштѣвтѣс: ѣнѣ пѣ депутат креслѣланѣѣд тѣѣѣс восьса. Венласѣѣ-тышкѣсѣѣ сы вѣсна, том ѣѣз. А ми, пѣрысь вѣѣтыр, кѣдзкѣ-мѣѣкѣ тайѣ ыджыд чинтѣгыс нин олам...

Мѣд кывѣѣс батѣсѣнѣ ме ѣг и виччысь. Сѣѣ вѣлі нѣмсѣ шмонлив, содтѣд ѣѣрш кодѣ ѣсь, олѣм ылѣ аслас синмѣн видѣдысь ѣртѣн. Таѣсь тшѣкыда и сѣравлѣс эськѣ мортѣдлы, сиктсѣ ногѣн кѣ, Паш Васѣлы. Быдлаѣ нырсѣ сѣѣѣмысь. Кѣммунисталигас на. Но ловѣѣ лѣвтѣ тай кѣрт тувѣѣс моз здукѣн он веськѣд: ѣтшыс сѣдз и коли вѣѣна пыр мунѣм мортѣдлѣн ас ногѣн, кутшѣмѣс коркѣ Ёнмыс сѣтлѣма. Гѣшкѣ, тѣтшѣмѣн и колѣс лѣны да? Мѣѣнлы. Мед ѣта-мѣд ылѣ ѣгѣ мунѣѣ вѣжѣра кык кокаѣс тайѣ вѣлнѣѣѣ светас...

Вѣѣ шѣр гѣгѣрѣдз варгим-сѣрнитѣм батѣѣѣѣ. Быдтор ѣѣѣсѣс. Сѣмын политика юкѣнѣ ѣгѣ сѣѣѣсѣѣ, бѣрѣйсѣм кузѣ — кыв ни джын жѣ. Батѣ, тыдалѣ, сы вѣсна, медым менсьым сѣлѣмѣс тѣдзѣкѣн не дойдны-вѣрѣѣдны, ме — сѣлѣн ѣдѣѣ пузѣѣс ѣтш пондаѣс: ызѣѣдан вѣѣ кѣжлад пѣрысь морттѣ да пѣгѣбѣ сѣсѣѣ вѣштас, мѣѣ вынсѣсѣс вензѣѣны кутас, югдытѣдз

пукодас орччон, пызан сайын. Мися, вежон-мод мысти бөрйи-сьысьяскөд аддзысьлыны вола, да сәки нин водзö тёлкуйтам-варовитам.

Аскинас ме бөр ләччи карö. Коліс лючки-бура дасьтысьны бөрйи-сян кытшса олысьяс водзын сёрнияс кезлö, лөсьöдны депутатпулысь уджтас (программа), модöдны сійöс Куломдін районса газетö, йитчывны аслам доверенной йөзкөд, мед нöшта стöчмöдны, на пöвстысь коді да кор вермас волыны сикт-посёлокын аддзысьлөмъяс вылö, шуны депутатпу йылысь бур кыв да тадзикöн отсавны меным. Тöжд-нокыс кызкө виччысьтöг, тувсов шор моз ылькнитіс кандидатъястö вынсьöдöм бöрын. Бөрйи-сян лунöдз кадыс этша коли, а быттö нинöм на абу вöчöма...

Медся ёна, дерт, майшöдліс менö йөз водзын петкөдчöмыс. Кутшöмакö повзбöдліс весиг. Рем Фёдоровичыдлы нö мый? Велалöма нин тані олысьяс пöвстад бергавнытö — веськөдлысь-лөн уджыс тшöктö на син улын лоны. И сёрнитнытö сяммö, коми көть роч мортыс. Ачыс нәм чөж олö-уджалö Дереваннöйын, сöмын лесопунктас начальникалö дас сизим во; миян бөрйи-сян кытшын сійö, гашкө, быд олысьöс тöдö да. И Ракинöс, гөгөрвоана, быд пельöсын пыдди пуктöны, унаöн, аддзасны да, ылісянь на чолөмасьöны. А ме нö коді? Коми газетса редактор, ручка-перöөн легöдысь, медаль ни орден морöсын; Дереваннöйын жö быдмөм морт эськө, но быттö абу нин дзик татчöс, абу дзик ас. Шняч карсаөн лыддьöны... Та йылысь ме гөгөрвои бөрйи-сьысьяскөд медводдза аддзысьлөм дырйи, Аныб сиктса клубын на. Юр вежöрын сәки гартчис-бергаліс мөвп: со, мися, грек вылад, мунлысьсöма тай коркө Сыктывкарö велöдчыны, а сы бöрын и карас кольчыны... Таысь öмöй мыжа жö? Öд лоны кө веськыдөн, сикт джынйыслөн ныв-пияныс велöдчöны-уджалöны бокын, карысь öтдор, Коми му да Россия пасьтала, весиг суйөр сайын. И мунөмсьыныс быдөнөс он пиняв да крукышт.

...Сиктса клубын аныбсакöд аддзысьлөм дорад ме бергөдчыла на бöрынджык. Мыйла? Тайö вöлі кык депутатпулөн йөз водзын медводдза петкөдчөм да бур боксянь йиджтысис-колис вежөрö. Көть мыйсюрö и парсыштіс морөс кудйöс... А карад ләччывнытö меным быть коліс. Печать керкаын, редакторлөн жырыын лунмөд лои пукавны да дасьтыны депутатö кандидатлысь уджтас, модöдны сійöс аслам доверенной йөзлы — мед лючки-бура тöдмасысны да, колö кө, мыйкө содтасны-чинтасны. Налөн öд куим юр, а менам öти... Такöд тшöтш, тöд вылö босьтасны бөрйи-сян кытшса быд тöжд-дой. И сиктса олөмын, и вөр юкöнын, и видз-му овмöсын. Меным отсасьысьяс, кызь куим во мысти тадзитö верма шуны, сьölөмсянныс уджалісны йөз пöвстын. Көть Куломдін районса милиция отделөн вöвлөм веськөдлысь, менам бур ёрт да öтлаын школа помалысь А.Н.Удортин, көть орчча Руч сиктысь видз-му бурмөдысьяслөн мастер В.И.Ульныров. Йөзкөд быд аддзысьлөм дырйи пыр вöлі орччон да яра сулаліс ме дор Эжва йылын петысь «Ленин туйöд» газетса сәкся редактор В.А.Кирушев. Ме эськө шуи сы йылысь со мый: шань сьölөма, вежавидзысь да олөм вылö ёсь синмөн видзöдысь морт вöлі. Ачыс чужöма-быдмөма орчча Руч сиктын.

Сылөн ыджыдджык Ёльоксан воыскөд ми кык во велөдчим өти классын, 1970 вося тулысын помалім Дереваннойса шөр школа. Стөчмөдөм ради содта: сійө кадас Руч сиктысь 9-10 класса ныв-зон босьтисны төдөмлунъяс орчча Дереванной сиктын, налы шөр школасө эз на восьтны-лөсьөдны да. «Вөлісө» шуи сы понда, мый Василий Александрович Кирушев абу нин ловъя, газет редакциясьыс мунөм бөрын виччысьтөг кувсьыліс. А сәки, кольөм нәмлөн 90 воясө, асьсө зумыда на кыліс, топыда кутіс киас районса коми петаслысь веськөдлан вөжжисө. Мед көть и лажмыд тушаа, быттё лөниник, но кор ковмас — зэв збой да тэрыб. Пыр водзө видзөдіс, олөмсьыс выльсө да бурсө кужис казавны. Чорыд этша да асныралысь земляк-өртөс унаысь босьтчылісны топөдны-песовтны, медясө Эжва йывса чина войтыр, власьт дорын пукалысь, райком-райисполкомын уджалысь коммунистьяс. Мый вынсьыс зілісны өтдортны морттө, быд ногыс чиршөдлісны, мед сөмын ыръянитысь журналисттө бертыштны-чегны, сәсся и тодмышкавны да редакторлөн улөс вылө ас мортөс пуксьөдны. Сыысь, мый оз кывзысь чинаялысь, сетө-йөзөдө Эжва йывса «Ленин туйөдын» веськыд кывъя да ёсь гижөдъяс. Василий Александровичлы лои весиг шыөдчывны республикаса газетъясө, журналистъяслысь отсөг корны. И отсалім, дерт. Мыйөн да кызди вермим...

Ас костын, син саяс төдсаяс шулісны-нимтісны Кирушевөс дзоля Васьөн. Ме серамсорөн содтылі: чинаяслы, мися, йөрш Вась-а. Көть ичөтик, а зэв на и бытшласысь. Но Кирушев, тыдалө, кывлөма нин выль, лөсьөдөм нимнад шуөмтө да, миян ордын узылігъясөн, өта-мөдкөд сёрни дырйи, таысь некор эз дөзмыв. Мөдарө на, вашъяліс-ньюмъяліс. Шмонитнытө сійө и ачыс мастак вөлі. Быд коми сиктын пө ыджыд и дзоля Васьяс паныдасьлөны. Енмыс кө пө сетөма меным татшөм туша-мыгөр, татшөм этш, мый сәсся вөчан. А мортыдлысь этшсө миян олөм-вылөмным шыльөдө-мольөдө, ас инас пуксьөдө-лөсьөдө. И таысь пө ме некор ог дөзмы ни ропкы.

...Бөрйысян уджтастө гоз-мөдысь шыльөді-мольөді, сәсся дөверенной йөзкөд сёрнитөм да налөн помшуөм бөрын мөдөді миян районса коми кывъя петасө. Вежон мысти, бөрйысян кытшысь сикт-посёлокса войтыркөд аддзысьлөмъяс водзын, Р.Ф.Ракинлысь да менсьым уджтасъяс йөзөдіс «Ленин туйөд» газет. Дзик орччөн пунктөмаөсь кык депутатпулысь гижөдъяссө, мөд лист бокас. Ёні лыддя найөс да нюмөй петө: ёнасө миян уджтасъяс оз и торъявны өта-мөдсьыс. Мый Рем Фёдоровичлөн, мый менам. Кыкнанным көсьям йөзлы бур вайны: мездысьны КПСС-лөн ыджыдалөмысь, сетны збыль властьсө Советъяслы, бырөдны кар да сикт костын торъялөм, сөвмөдны чужан кыв да коми культура, ловзёдны районса сикт-грездъяс, нюжөдны налань биару, сьөлөмсянь төждысьны вөр-ва вөсна, тупкыны районысь К-231 паса колония, дугөдны молльөн вөр кылөдөм, сувтны паныд, медым орчча Коми-Перым кытшын эз лэптыны атомной электростанция, да сідз водзө. Таысь кындзи, и мукөд вөзйөм эм депутатпуяслөн: кыпөдны Кулөмдін дорын Эжва ю вомён пос, лөсьөдны Носим сиктсаянь Дереваннойөдз чорыд веркөса туй, Ручын стрөитны кирпичысь выль школа, пуысь лэптылөмыс дзик нин киссьөма, шогмытөм... Мөд кывйөн кө,

вөзйөм-көсйөмъясным кык кандидатлөн тырвыйо лөсялісны йөзлөн корөмъяслы, вөрзөдісны татчөс олысьяслысь медшөр төжд-дойяссө. Сэки, кольөм нэм помын, олөмыс дзулькйөн пуис да, меным, том мортыдлы, збыль кажитчис: вуг кө сюрас, му шарсө вермам бергөдны. Сэтшөм ёна эским, мый выль олөм пуксяс, мый вужвыйөн вежсяс ставыс, югыд аскиыс торкөдчө мян өшиньясө. Выль олөмыд, дерт, коркө и пуксис, сөмын эз сэтшөм, кутшөмөс виччысисны, кутшөмөс көсйисны коми сикт-грездса да вөр посёлокса войтыр. Дзик мөд пөлөс, гудыр-гадыр олөм...

Регыд мысти, коркө февраль заводитчигас, бөр кайи Дереваннойо. Карсянь ветлысь автобусон. Батьлы, дерт, пиылдлөн воөмысь нимкодъ — бара на паныдасим, бара на гажода ыджыд керкаад пöрысь мортөс. А менө локтігчөж бөрйысьысьяс дорө матыстчысь петалөм-волөмъясыс майшөдлісны. Окружной комиссияса юралысь, школаын велөдысь Л.С.Нестеров зэв кывкутөмөн босытчөма бөрйысян уджад: водзвыв индалөма, кутшөм лунө, кымын часын да көні кутам аддзысьлыны татчөс олысьяскөд, кодъяс сәні лооны, сёрнитчөма сельсөветса предъяскөд йөзөс чукөртөм кузя... Могыс вөлі татшөм: февраль 5 лунсянь февраль 13 лунөдз мянлы Рем Фёдоровичкөд коліс гөгөртны бөрйысян кытшысь став сикт-грездсө да вөр посёлоксө. Комиссияса председателькөд да асланым дөверенной йөзкөд, дерт, өтвылысь. Леонид Степановичлөн пасйөд серти, медводдза аддзысьлөмсө урчитөма нуөдны Аныб сиктын, Дереваннойсянь кызы верст сайын. Карсянь локтөм бөрти лун мысти нин...

— Мыйла нө асьтө песан? Аныбсаыд вежавидзысь йөз, шнич комияс, оз кутны бокөвөйтө топөдны-өтдортны,— зілис личөдны сьөлөм дойөс батьо. Рытнас, узьны водтөдз.— А олөмыд быдторйө велөдас. И йөз водзад сёрнитны. Сөмын эн пөръясь да вермытөмасө эн көсйысь...

Аныбөдз Л.С.Нестеров, В.А.Кирушев да ме лэччим Кулөмдинсянь ветлысь автобусон. Йөзыс уна вөлі да, ковмис сулавны. Но эз дыр: час джынийөн и воим сиктөдзыс. Ывла вылас прамөя нин рөмдіс-пемдіс, лэчыд төв сотышталіс бандзибъяс. Кок улын варскис-дзуртіс чорыд лым... Леонид Степанович, шонтысьөма ради, удитіс пыртөдлыны на мянөс важ төдса ордас, татчөс школаын велөдысь Т.Г.Нестерова дорө. Тшай юим да сәсся веськөдчим мир туй бокын сулалысь югыд бияса клублань.

Өти бөрся мөд аныбсаяс, том и олөма, локталісны депутат-пуяскөд аддзысьлыны. Таөдзсө воліс юрө: гашкө, мися, оз и чукөрмыны да, сиктад уджыд век помтөм-дортөм, төв көть гөжөм, но весьшөрө майшассьөма — индөм кад кежлө йөзыс клуб тыр өкмис, весиг содтөд улөсьяс сувтөдалісны кино петкөдлан жырйө. Кор ми кайим клублөн посйөд вылө, сьөлөмөй прамөя и ыркнитліс, весиг кывйөй сибдыліс вом пытшкө. Та мында йөз водзад некор на эг сёрнитлы да, кызд висьтавлөны, ки и кок тіраліс. Ловъя лов өд. Абу изйысь вөчөма-тэчөма. Но мортыд тай быдтор дорө велалө. Вочасон и полөмсьыд, вөлөмкө, позьө мездысьны...

Медводдзаон аныбсаяс кыв сетісны бөрйысян комиссияса пред Л.С.Нестеровлы. Леонид Степанович эз дыр мөжгы, дженныдика юөртіс локтан бөрйысьөмъяс йылысь. Сёрни сертиыс

төдчис: челядь пөвстад уна во уджалігөн мортыд велалёма ас-
сьыс мөвпъяссө висътавны ясыда да стөча; кывйыс сөмын
жбыргис-бергаліс школаса велөдыслөн, быд шуом пуксис ас
местао. Сэсса вель дыр ошкис Р.Ф.Ракинөс лесопунктса техно-
рук М.В.Михайлов, Рем Фёдоровичлөн доверенной морт. И кы-
дзи нө он кыпөд ассыд начальниктө! Быдөн эськө сы ног жө
вөчис, вөлі кө технорук местаын. Михаил Васильевич абу татчөс
морт, боковой, Комиад кыскө роч муысь веськавлёма. Миян-
лысь кывтө эз төд да, сылы быть лои рочасыны. Висьтасьом
помас Михайлов ёрт пасйис: бөръянныд кө пө Р.Ф.Ракинөс
Верховной Советса депутатөн, онө ворссьой. Ни сиктса войтыр,
ни вөр дорын уджалысьяс. Сійө уна буртор вөчө йөзлы, а лоө
кө власьтлөн вылі тшупөдын, нөшта унджык на вөчас-бергөдас.
А карсаясыд, кодъяс көсйөны босьтны депутатысь ним, миянлы
оз лөсявны...

Михаил Васильевичлөн сёрни помыс медся ёна гудыртіс
морөс пытшкөс. Торйөн парсыштіс сьөлөмөс «карса» кывйыд.
Содтөд Рем Фёдорович, коді пукаліс техноруккөд орччөн, ошкана
довкйөдліс юрнас: стөча пө, дзик стөча висъталан, Михаил Ва-
сильевич. А кор аслыс депутатпулы сетісны кыв, бара жө, ов-
өс индытөг, медводз «карсаясөс» нөшаліс-мыждіс — налөн пө
шоньд патераяс эмөсь, а век на мыйкө олөманыс оз тырмы,
депутатлөн креслөо со нетшкысьөны. Сиктса олысьясөс жө быд
боксянь өтдортөма-топөдөма, виньгыртөны, коньөрөйяс, газ ни
пөсь ва на керкаясө оз во, шоньд ни.

Коркө-некоркө и меөдз воис сёрниыс сиктса клубад. Первой
төлкөн-ладөн, кадсө нюжөдтөг висъталіс аслас депутатпу йы-
лысь «Ленин туйөд» газетса редактор В.А.Кирушев. Бур кыв-
йыд, ставныс казялісны, и меным, дерт, вичмис Василий Алек-
сандровичсянь. Но такөд тшөтш казътыштіс чукөртчөмаяслы:
абу пө мича юклыны, депутатпуө вөзйөм йөз пөвстысь коді
карса, а коді сиктса. На пиысь быдөн көсйө да зільө вайны
чужан мулы да тані олысь войтырлы буртор. Сідзкө, та кузя
вензьөмыс дзик ковтом, пур костысь ва койөм кодь. Пуксис
улөс вылө, а клубын чөв-лөнь, менсьым, мөд депутатпулысь
висътасьомөс аныбсаяс виччысьөны...

Полөм-тіралөмыд та мында йөз водзад, сёрнитны заводиті
да, вөчасөн вешйис кытчөкө, воши-муніс... Быттьөкө ме сө во
төдса тані олысьяскөд, быттьөкө ме налөн рөдвуж, пи ли, вок
ли. Тадзи лои, тыдалө, и сы понда, мый клубын пукалысь
войтыр эз шөпкөдчыны өта-мөдныскөд, эз жөдзны да пырны-
петны, а сюся кывзісны бокысь воөм мортөс. Кывзісны сёрни
помөдз. А ме веськыда висъталі, мый көсья вөчны, лоа кө де-
путатөн, төдмөді, Ракин моз жө, аслам уджтасөн, торйөн казъ-
тышті: шөр могыс чина мортлөн — татчөс сикт-посёлокъясса
йөз вөсна төжд. Налөн талунъя олөм-вылөм понда висъөм-пес-
сьөм.

Помнита да, аныбсаяс ёна юасисны миянлысь, кык депутат-
пулысь, кыдзи видзөдам странаын мунысь вежсьөмъяс вылө,
кутшөм ногөн донъялам Горбачёвөс да Ельцинөс, вөзйисны
бурмөдны ас сиктын туйяс, лөсьөдны котельной, мед керкаясө
воис шоньд, элясисны, матігөгөрын пө вөр эз кут кольны, ве-
сиг гид да пывсян кыпөдны нинөмысь. Майшөдліс найөс, мый

овны пыр съёкыджык, власът дорын пукалысьяс вунёдöны сиктса йöзöс, омöля кылöны налысь тöжд-дойсö. Сёрнитисны эз ызи-базі, горшнысö нетшкиг, а тöлкөн да ладён, содтöд мича коми кывйён. Тöдчис: йöзлы абу веськодъ чужан сиктыслөн аския луныс. Депутатпуяскöд паныдасълöм сиктса клубын кыс-сис вель дыр да помасис сёр рытын. Буретш аныбсаяскöд ад-дзысьлöм бöрын пельпом вылысь пудъя ноп уси: бöрйысян ве-нын лои вöчöма медшөр воськов, а ме, кöть мыйта поли-майша-си, ньöти эг янав сы мында йöз водзад. И таысь морöс пытшкын сöстöм да югыд лои. Ыджыд аттё тшöтш и Аныб сиктса вой-тырлы, кодъяс волісны сійö тöвся рытö клубö да бур съөлöмөн вочаалісны депутатпуясöс. Абу сорсьöма менам бать: аныбсаыд тай и збыль вöлöмаöсь асьнысö пыдди пуктысь, шань коми йöзөн. Öні нэм тöдны кута...

Тадзи кымын муніс бöрйысьысьяскöд депутатпуяслөн мед-воддза аддзысьлöмным. Кодлы кызди, а сійö бурногөн ышöдіс менö, сетіс содтöд вын, личöдіс лолöс.

...Ылі коми сиктсыань йöткыштчöм бöрти бöрйысьöмлөн «гö-гыльыс» мöдіс öдöбөн гартчыны-бергавны. Рем Фёдоровичкöд öтвылысь, öкмыс лун дорвыв аддзысьлім йöзкöд. Кытшовтім Аныб, Руч, Дереваннöй, Носим, Куж сиктъяс, Озьяг, Уллыана, Паспом да Дереваннöй посёлокъяс... Тшöтш и посни грездъясö кежалім. Коді кызди вермис да сяммис. Ёна отсасисны депутат-пуяслөн дöвереннöй йöз, районса «Ленин туйöд» газет тшöтш жö син улас кутіс Дереваннöйса кытшын венласьöмсö, тшöкыда гижис та йылысь. Кöть редакторнас сэні вöлі менам дöвереннöй морт В.А.Кирушев, сійö эз вывтіась, öтарö ни мöдарö эз сетчы; газет уна гижöд йöзöдіс миянкöд вермасьысь Р.Ф.Ракин йы-лысь. Шуам, Куж сиктын аддзысьлöм бöрын, коді муніс Аны-бын моз жö кыпыда да пинь-зыктöг, газетлөн февраль 24 лун-ся номерын петіс татчöс олысь А.Гуляевлөн «Тöда важысянь» юрнима пасйöд. Со кызди кужсаыд донъяліс Рем Фёдоровичöс: «Рем Фёдорович Ракинöс тöда важысянь нин. Быдмис съöкыда. Батьыс уси война вылын, а мамыс доймис удж дорын да лои инвалидён. Но Рем Фёдорович аслас зільлунён да кöсийöмөн пыськöдчис олöмö, воис веськöдлысьöдз. Сійö эз пышйы сиктысь, эз корсь кокни удж. Ас йöзкöд орччөн олігөн тöдö налысь тöждлунъяссö, бура котыртö лесопунктлысь удж. Кужбаса олысьяскöд аддзысьлігөн висьталіс, мый кольöм 1989 онас лесопункт ас вынён кыпöдіс бур оланінъяс, кытчö петіс 15 семья. Дум вылö уси öтитор. Öтчид ассыводзнас, удж юаліг-моз, веськалі ме лесопунктса кантораö. Кылі, кызди Рем Фёдо-рович кодлыкö шуис: «Тэнö, Мария Ивановна, ме лэдза, тэнад талун пес ваян лун». Татшöмсö ме некысь на эг кывлы. Со татшöм сійö, Рем Фёдоровичыд. Шыöдча бöрйысьысьяс дорö: сетöй гөлöсьяснытö Коми АССР-са Верховнöй Сöветö депутатö кандидат Р.Ф.Ракин вöсна».

Сикт-посёлокъясын йöзкöд аддзысьлöмъяс, дерт, эз быдлаын мунны шылбыда-мольыда, зык-вентöг. Торйён нин Носимын да Уллыанаын гора гөлöса мужикулов шызьöдісны клубсö, öта-мöд вежмөн юасисны, мыйла меным колö тайö ыджыд чиныс, лоö-ö кутшöмкö тöлк, бöръясны кö депутатён, а сёрни помас

кодкө крапкис-шуис: өнiя кадö пö некодлы да некутшöм власът-лы огö эскöй. Бара на пöръяланныд... И йöзöс позис гөгөрвоны. Сэки, кольöм нэмлөн 90 воын, миян страна öти кокнас сулалiс на социализм му вылын, а мöднас воськовтiс нин рынок кадö. Кольö-лэбыштас нöшта во, и вына компартия киссяс-пазалас. Сöвет власът мöдас жö резыдыны. Тайö крут вежсьöмтьяссö сэки нин кылöмаöсь бöрйысьысьяс. Сьöлöмнаныс да ловнаныс. Кылöмаöсь, мый став сьöкыдлуныс олöмтö чегигөн медводз на вывтi мунас. Эжва йывса сикт-посёлокъяс пыр. Рöкыд вылö, бöрынджык сiдзи и лои...

А февраль помланъыс «Ленин туйöд» газетын петiс Коми АССР-са Верховнöй Сöветö бöрйысьöм кузя 170 номера окружнöй комиссиян юрнуöдысь Л.С.Нестеровлөн ыджыдкодъ гижöд. Сэни Леонид Степанович тöлкөн-ладөн висъталö, кызди депутат-пуяс аддзысьлисны бöрйысьысьяскöд, кутшöм вöзйöмъяс сетiсны налы сикт-посёлокса олысьяс, мый дойдö-вöрзöдö талун йöзöс. Позьö шуны, миян уна лунся уджлы вöчö аслысьяма кывкöртöд. Мед лоны тырвийö стöчөн, сета Нестеровлөн гижöдысь неыджыд юкөн: «...Ставсö бöрйысян кытшын нуöдöма 15 собрание. Ме вöли быд аддзысьлöм вылын да көсья юксьыштны аслам мöвпъясөн. Медводз-кö, сьöлöм вылö ёна воисны Коми АССР-са Верховнöй Сöветö депутатö кандидатъяс да налөн дöвереннöйяс, кодъяс эз ныйтöсьны öта-мöдсö, быд сёрнитигөн кутiсны асьнысö вылын да бура.

Бöрйысьысьяс ошкисны Р.Ф.Ракинлысь да А.В.Ульяновлысь бöрйысянводзвывса программаяс, көни найö ыджыд тöждлун сетöны сикт да посёлок сöвмöдöмлы, татчöс йöзлысь олöм бурмöдöмлы... Сэсся кандидатъяс тайö аддзысьлигъясас тöдмалiсны йöзлысь зэв уна тöжд-дой. Аныбын корöны нуöдны центральнöй отопление. Ручын киссян выйын восьмилетнöй школа. Дереваннöйын да Ручын корисны, медым öдйöджык вöчисны веськыд туй Усть-Куломö Носим пыр, а сiдзжö Деревянск ю вомөн пос. Лёкöсь туйяс Носимын, посёлокас шогмытöмöсь олан условияс, этша кыптö выль керка. Куж сиктын рытнас пемыд, оз öзйыны уличывса лампочкаяс, совхоз отделениеын абу шоньд гараж. Уллынаса клубын зэв көдзыд. Озъягын элясисны, мый шыбитсьö уна вөр, кад нин восьтыны посёлокас вөр обработайтан цех...

Кыпыд сьöлöм вылын сыысь, мый кыкнан кандидатыс да бöрйысьысьяс (посёлокъясын кындзи) сёрнитiсны коми кыв вылын. Аныбса восьмилетнöй школаын велöдысь Татьяна Геннадьевна Нестерова шуис: «Татшöм сöстöм коми кывсö, мамлысь да баблысь кывсö, важөнкодъ нин эгö кывлöй». И сиктса йöз корисны, медым коми драмтеатрса артистъяс, коми гижысьяс частöджык волiсны сиктъясö, петкöдлiсны спектакльяс, тшöкыдджыка аддзысьлисны лыддысьысьяскöд...

Медбöрын көсья тöдчöдны, мый öнi уна бöрйысьысь оз эскы некодлы да весиг оз көсйы локны бöрйысьöм вылö. Меным кажитчö, мый тадзи вöчны оз ков, да кора март 4 лунö быдöнлы локны бöрйысян участокö, сетны гөлöсьяс на вöсна, кодъяслы медся ёна эсканныд».

...Бöрйысян лун кежлö ме тöдöмөн лэччи карö. Мед сьöлöмöс не песни-дэльöдны да гартчыны сиктсаяслөн син водзын, лич-

кыны на вылө. Сёрнитчи водзвыв Л.С.Нестеровкөд, мый юёртас телепон пыр, кор бөрйысян комиссия вөчас ассыс кывкөртөд.

Коркө асъядорыс триньөбтис гортса телепон. Мися, Дереван-нойсянь, буди. Сідзи и вөлөма. Шыасис Леонид Степанович, съөд вой, а шмонитө:

— Пөся чолөмала Рем Фёдоровичөс да тэнө...

— Мыйөн нө чолөмалан?— эг гөгөрво ме, пельөс чошкөді быдөн. И мыйла кыкнаннымөс өттшөтш казътылө? Гашкө, сорсис кабалаяснад ноксигөн да.

— Мыйөн пө? Из усьөмөн. Морөс вывсьыныд. Мися, ни тэ, ни Ракин энө вермөй. Джын гөлөсыс некоднанныдлөн эз чукөр-мы. Оні выль бөрйысьөмъяс ковмас нуөдны, но тиянтөг нин,— кывкөрталіс комиссияса пред, сәсся гылыда содтіс:— А тэныд нө мый шогсьынысө? Зато район джынсө кытшовтін, гортад волін, батытө аддзөдлін. Коми газеттө судзөдысьыд содас и...

Тайө войө менсьым быттьө унмөс гуисны. Отитор да мөдтор юрын бергалө. Син водзө сувтөны йөзкөд аддзысьлөмъяс, налөн сёрни-юасьөмъясыс, эскана синъясыс. Ачымөс песігад ичөтик кывбур весиг тэчсис вежөрын:

Көсйим лоны депутатөн,
Буртор йөзлы вөчны мед.
Шудыс вөлі быттьө матын,
Сөмын миянлы эз шед...

Бөркыв пыдди шуа: Дереваннойса 170 номера кытшын 1990 волөн май 6 луно мунісны выль бөрйысьөмъяс. Коми АССР-ысь Верховной Советса депутатөн лои «Ручевской» совхозса директор В.В.Есев. Сылы ме ньөти эг вежав: ас синмөн аддзылі, мыйта төжд-дой чукөрмөма сиктсаяслөн да. И бур, гашкө, мый татшөм «шудыс» меным сәки эз усь-шед. Кызь куим во сайын. Шеді кө, верми-ө збыльвылө отсавны сиктса йөзлы? Тайө юалөмыс парскө и парскө сьөлөмөс, но вочакывйыс өнөдз на эз сюр...



«Войвыв кодзув» журнал редакция да редколлегия чолөмалө Александр Васильевичөс тшупөда пасөн!

Сьөлөмсянь сиам крепьд дзоньвидзалун, гижан уджын выль вермөмъяс! Кузь нэм да бур шуд!



Йӧг каллян*

РОМАНЫСЬ ЮКӦНЪЯС

* * *

Со и мамӧ воча меным петӧ —
Му вылас мен медся мича ань.
Меліника топӧдла ас бердӧ,
Му вылас код меным медся шань.

Еджыд быгйӧн пуӧ чужъя сурыс,
Вӧлӧгаӧн пызан вылыс тыр:
Видзӧда да, тайӧ здукас муртса
Керкаӧдзыс град йӧрнас эз пыр.

Лӧсьӧдыштис бабаюрсьыс кӧртӧд,
Пуксим воча. Сӧрни, майбыр, эм.
Нимкодъысла сьӧлӧмыс кызз бӧрдӧ —
Кыла ӧтнам. Кыла сӧмын ме.

Ветымын куим арӧса Шупчик Иван Наста — сьӧд сэтӧр кодъ мича синъяса, шыльыд на чужӧмбанъяса, пеляс кузьмӧс исергаа кызъ вит во нин дӧвуйтысь нывбаба любӧпырысь видзӧ-діс аслас кодъ жӧ сьӧд синъяса, кызъ ӧкмыс арӧса «кага» вылас и дась вӧлі шыльӧдыштны юрсисӧ. Куим чоя-вока пӧвстын Викентий бӧръяыс, сы вӧсна и мамыслы пыр кежлӧ кольӧ кагаӧн. Пӧчыс, Исак Иван Паладь, пукаліс внукуыс бокӧ топӧдчыштӧмӧн. Викентий рад сыысь, мый пӧчыс ас кока на, бура кылӧ, тшӧтш и аддзыштӧ.

— Аддзышта на, дитя, аддзышта, кӧть и ру пиын ставыс,— внукуыслӧн юалӧм вылӧ вочавидзӧ пӧчыс.

— Энька, ен сыкӧд, нинӧм вылӧ ёнасӧ оз ляб. Паметъыс бур на да, важ олӧм йывсыйд юасьны унаӧн воливлӧны: газетсыйд и, велӧдчысь челядь и. Серафим Андреевичыд быдтор зэв радейтӧ юасьны.

— Ваньӧ вок да Текуса чой частӧ воливлӧны?

— Волӧны. Челядьныс эськӧ гожӧмбыд танӧсь да.

— Мамӧлӧн и пӧчӧлӧн, кыкнанныдлӧн зэв мича ковтаньд. Текуса, надейнӧ, тиянӧс тадзсӧ пасьтӧдіс.

— Вокуд и, чойыд и быдтор вайӧны. Ставыс миян тырмӧ. Но тая ковтаясыс Анфисасянь гӧстинеч, дзӧлядырсясӧ абу вунӧ-дӧма да тӧрыт воліс миянӧ сьӧрас козинъясӧн.

— Пятакова али мый?

— Сія, кага, сія. Самӧвар пузьӧдім да тшай юим, вель дыр

* Заводитчӧмыс тавоя 6, 7, 8 номеръясын.

варовитім. Зэв шань да мича нывбаба, օтарօ тэ йылысь юасис. Вок семьясօ видлыны Сывшорад волօма. Тօрыт кօ звօнитін, талунтօ эськօ эз на и лэччы-а. Талун асыв совхозыдлօн машинаօн муніс, Сыктывкарօдз пօ самолётօн лэба. Миян օшинь улօ сувтліс машинаыс, Анфисаыд пыраліс миянкօд прօщайтчыны. Аттօ бур невестапу эськօ тэныд да, ылын олօ.

— Тօді кօ, мый таdzi лоас, звօнитлі эськօ тօрыт,— каитчис Викентий.

— Аски кладбище вылօ ветлам, важօн нин эн вօв ыджыд мамыдлօн да пօльыдлօн гуяс вылын. Пօчтօ тшօтш нулам, сօмын машина ковмас-а.

— Совхозлысь корлам, сэні зэв шань шоперыс.

— Кузьмичсօ шуан?

— Сійօс, мам.

— Пօльтօ, дитя, помнитан?— юаліс пօчыс.

— Помнита.

— Пօльыд вед томօн на куліс да...

— Эз жօ нин томօн, кօкъямысдас кык арօсօн,— стօчмօдіс моньыс.

— Ме серти томօн,— шуис Исак Иван Паладь и нюмдыштіс, кык водз пинь весиг тыдовтчыліс.— Васька куйлօ нылыслօн да Мирон зятыслօн гукօд орчօн. Кула да, сэтчօ жօ, Васькакօд орчօн, и дзебօй. Лиза об йывсьыд висьтоллі нін Викеньлы.

— Висьтавлін, пօч. Талун машинаօн локтігօн Серафим Андреевич казтьыліс и.

— Пօльсянныд тэныд гօстинеч эм. Дзօля на вօлін да, ловъя-дырйиыс эз сет. Шуліс мен: быдмас пօ да сетан. Воис сійօ кадыс.

— Кутшօм сэтшօм гօстинеч да ещօ и пօльсянь?— Викентий повзис, чайтіс, мый пօчыс выживалօ, и видзօдліс мамыслань.

— Настук, петав кумад, менам сундукын куйлօ, менօ дзебан кօлуй вылын.

...Наста важысянь тօдіс тайօ «гօстинеч» йывсьыс, но эз тօд, кор и кутшօм внуклы сійօ мойвиас. օд Григорийысь ыджыд-джык пиыслօн, Васька Мишлօн, օти нылысь օтдор куим пи. Микайлօсօ, Сталин-вождьօс ен туйօ пуктан воясօ, пуксьօдісны тюрмаօ, и пукаліс Човйын. Сэні и кувсис. А судитісны йօзлы бур вօчօмысь: ас овмօс кутысьяслы сетіс позянлун ытшкыны турун ылі видзяс вылысь, кытысь кօрымсօ чукօртны колхоз эз вевъявлы. Мыждісны Васька Мишօс, колхозса предօс, сталинской колхозлысь подувсօ жутօдօмысь и шуисны контрреволюционерօн.

Сьօкыда, тшыг нисьօ пօт, быдмисны Васька Мишлօн челядыс, котыртісны семьяяс. Медыджыдыс, Анатолий, армияс пограничной войскаясын дыр служитօм бօрын гօтрасис роч ань вылօ, уджалօ орчча районса Приозёрной посёлокын. Карса газетын нин корреспонденталігօн Викентий кыкысь сэтчօ воліс командировкаօ и узис воча вокыс ордын. Толялօн чойыс, Лиза, коды сетօмаօсь лыйлօм Лиза обыслысь нимсօ, верօс сайын жօ. Мужикыс белорус, вօвлօм власовец, Пас лесопунктын медбур пօрօдчысьясысь օти. Жежемкаса колхозын трактористаліс шօркодь вокныс — Микайлօ օльօксан, Льбмдінса МТС-ын век вօлі медбуръяс лыдын. Кувсис во сизим сайын, гожօмнас.

Локтас гортас пажнайтны, пуксяс пызан саяс, и друг сувтас сьолёмыс. Викентий уджаліс сэк Льёмдінын и воліс Кежемкаё колльодны воча воксё медбөрря туйё.

Медічотыс, Михайлө Ёгор, чужлөма комын квайтөд воын, Викентий серти кык воён водзджык. Тшак да картупель вылын батътөг быдмөм Ёгор лоис зумыд, мича зонмөн. Мугёминик чужома, сьод кудриа юрсиа зон вылө петліс вежыс уна нывлөн. Вежлаліс мусукъяссө, но армияөдз эз гөтрась. Служитіс Германияын, велөдөмаось шоперө и локтіс Кежемкаё, багатыр да и ставыс. Сэки армияыс воём том йөз асланыс сиктлысь эз адзыны аския лунсө, инасьлісны уджавны вөр лэдзан предприятиесө. Колхозъяс сөвмөдөм йылысь примитлісны эз этша постановление, но бурланьё воськовъяс эз төдчыны. Ветымын витөд воын КПСС ЦК постановление серти кольчысь колхозъясөн веськөдлыны мөдөдісны коммунист-тридцатитысячникъясөс. Но и тайё нинөм эз сет.

Сэк жө, Льёмдін районуи өдйө сөвмис вөр лэдзөм. Сикт-грездъясын кө эз кыптыны ни олан керкаяс, ни культурно-бытөвөй объектыс, районуи стрөитісны выль посёлокъяс, кытчө и йөзыс сиктыясысь пышйисны быдса семьясөн, воисны и роч обласътыясысь да мукөд республикаясысь. Крестьянаөс ёна сконйыштіс и сійө, мый Никита Хрущёвлөн индөд серти кутісны бырөдавны ас овмөсьясысь скөт, эндөдавны өшинь ув градъяс. Тайё эз отсав колхозъяслы кыпөдчыны пидзөсчань вывсьыс. Мөдарө, лавкаясын содісны сёян-юан вылө очередьяс.

Радейтө чужан сиктсө Михайлө Ёгор, но татчөс колхозө уджавны оз кольчы. Ичөтдырийыс оліс да быдмис тшыг нисьө пөт, и мөдысь овны мөд сэтшөм олом оз көсйы. Бура на помнитө сійө кадсө, кор колхозникъяс оломнысө өткодявлісны адын оломкөд. Эм көть абу картаад скөт, вонас колө сдایتны государстволы комын кило яй. Оз кө видз некутшөм пемөс, кысь босьтас мортыс яйсө? Сьөкыд тайөс гөгөрвоны тыр вежөра мортлы. Быд ыжысь коліс сетны государстволы кыксө грамм вурун, оз кө ло сы мындаыс, көть киняув гөнтө шыр да содтөд пыдди ну. Быд мөслысь сө литр йөв колө вөлі нуны вый вөчанінө.

Колхозник кө эз вермы нажөвитны колана мында трудодень, поставка мынтан нормаыс содліс ветымын прөчент вылө. Крестьянствоөс пөдтан аграрнөй политикасө партия да правительство заводитісны нуөдны колхозъяс мырдөн котыртан медводдза воясянь. Уналөн на паметяс оліс и странаын комынөд воясяя тешитчөмыс — зільджыкъясөс да судзсянаджык олысьясөс кулакалөмыс.

Михайлө Ёгор көть и вөлі шопер правоа, ветліс катерывывса мотористъясөс велөдан курсъяс вылө, и куим навигация — ю воссьөмсянь наридз петтөдз — шлывьяліс Эжва кузя, медсясө буксируйтлісны гырысь пуръяс. Төвнас Затонын дзоньтавлісны суднояс. Квайтымын кыкөд воын, жалитіс мамсө да, Ёгор эновтіс катера уджсө и локтіс Кежемкаё. Эз, эз ло колхозникөн, а инасис Сывшор лесопунктө пөрөдчысьөн. Уджаліс гортсянныс ветлөмөн. Сы кодыс Кежемкаын вөліны морт дас, ставныс мужичөйяс и өти нывбаба — лесопунктса кассирыс, верөстөм, но эм быдтас. Рыт-асывсө найөс новлөдліс автобус.

Выль во водзвылын Ёгорлы воис кык письмө: өтиыс Сыктив-

карсянь, мӧдыс Краснозатонскӧй посёлоксянь. Восьтис водзджык карса письмӧсӧ, гижӧма комиӧн: «Егор Михайлович! Поздравляй-там тэно вьл, 1963 воӧн. Сиам быд бурсӧ олӧмад. Пиыдлы ты-рис нин арӧс, а тэ эн на и адзыв. Тэ быттӧ ляскӧмыд сылы ассыд чужӧмтӧ: тэ кодъ жӧ кудриа сьӧд юрсиа. Волан кӧ кар-ад, пырав мянӧс видлыны. Эн пов алиментсьыд, ме тэно ог судит, ме ӧд кутчысьлі тэкӧд ас кӧсйӧмӧн. Тэно радейтысь Та-ся да тэнад зарни Ростик пиыд. 1962 вося декабрь 25 лун». Дженъыдик письмӧсӧ нӧшта нуӧдіс син пырыс и сюйис конвер-тас.

Мӧд письмӧыс роч кыв вылын и романлӧн автор комиӧдіс сійӧс: «Егор! Эг виччысь ме татшӧмторсӧ: мунӧмыд гортад и мен весиг та йылысь эн юӧрт. Та йылысь тӧдмалі удж кузя тэ-над ёртсянь, висьмӧма пӧ мамыс и муніс. А ме чайті, мый тэ ме вьлӧ гӧтрасян, да чужті нывкаӧс. Либӧ воы да ну мянӧс сьӧрсьыд, либӧ чукӧрта документъяс алимент вьлӧ. Бӧрйы ачыд. Миян подъездын став олысьыс тӧдӧ ме ордын узылӧмтӧ, найӧ и лоасны свидетельсӧн. Глаша. 1962 вося декабрь 24 лун».

Водза письмӧыс кӧ кыпӧдіс Ёгорлысь сьӧлӧм русӧ, мӧдыс — уськӧдіс. Некоднанныслы сідз эз и мӧдӧд некутшӧм вочакыв. Квайтымын коймӧд воын аръявылыс Михайлӧ Ёгор гӧтрасис лесопунктса кассир вылас, шуисны Аннаӧн. Овмӧдчисны верӧ-сылӧн мам ордӧ. Локтан вося июньын гӧтырыс чужтіс нывкаӧс. Сэки жӧ воис и исполнительнӧй лист, Глашаӧн алимент перйӧм йылысь...

Наста пырис кумысь киас неыджыд тубрасӧн, мыччис энъка-ыслы. Исак Иван Паладь сартас кодъ косіник чуньяснас разис тубрассӧ, кӧні вӧлі... быгалӧм лы рӧма, лы кодъ шылыд неыджыд каллян.

— Тая и эм пӧльсяньыд гӧстинечыд,— ёна нин чусмӧм синъ-яснас пӧчыс видзӧдіс Викентий вьлӧ, сёрнитіс ньӧжйӧ, но быд кыв шуаліс гӧгӧрвоана. Каллянсӧ сетіс внуыслы киас.— Пӧ-лыыдӧн вӧчӧм татшӧм каллянысь куритчылісны батыд и батыд-лӧн воыс — Михайлӧ дядьыд.

Викентий топӧдыштіс пӧчсӧ, окыштіс бан боксӧ, каллянсӧ киас бергӧдігыр шуис:

— Дзик вьл кодъ, быттӧ сӧмын на вӧчӧма.

— Эн вошты, дитя. Тэ менам медічӧт нук, тэныд и видзи.— Сэсся пӧчыс ньӧжйӧ да дыр, шойччылӧмъясӧн, висьталіс Лиза обыс да Мирон дядь йылысь, тшӧтш и каллян йывсьыс.

Рытнас Викентий ветліс воча воыс ордӧ. Пызан сайын пука-лігмоз юисны водка сулея. Гӧтырнас и олӧмнас дӧвӧлен, и сӧмын нин прӧчайтчиганыс Викентийлы кывмӧнъя Ёгор шуис:

— Видзчысьмӧнджык кут асьтӧ нывъясыдкӧд, а то менлы моз и алимент вермасны судитны.

— Ладнӧ, босьта тӧд вьлӧ. Висьтав привет начальникиды. Жаль, кад тырмытӧмла ог вермы адзысьлыны Светозар Яковле-вичкӧд.— Каллян йывсьыс Викентий мыйлакӧ чӧв оліс.

— Висьтала.

Аскинас Кузьмич нуліс Викентийӧс, мамсӧ да пӧчсӧ кладби-ще вьлӧ. Волісны матыссясыслӧн важ и вьл крестъяса гуяс вьлӧ. Исак Иван Паладьӧс шӧракостаныс босьтӧмӧн новлӧдісны

моньыс да внукус. Гортас воём бёрын, ёшинь улас, Викентий мамсё да пёчсё унаысь снимайтис. Воліс Серафим Андреевич, вайис мича почеркён гижём вель кузь статья, ыджыдсьыд век нин артмас колана мындаыс. Ывлаыс шоныд, шондіыс ветлө выліті на, көть и кытшлалан туйыс дженьдаммис нин пёшти кык час вылө. Шондіа, лөнь шоныд лунъясё Исак Иван Паладь пукалө лунвылө паныда кильчө лабичын.

**Ывла ымралө. Енэжыс сөдз.
Ставён удж вылын — верстьö и томъяс.
Кильчө лабичын пукалө пөч,
Шонді югöрсö няклялө вомас.**

Мыйта олөма тайö му вылас! Мыйта шог-печаль тöддöма та дыра олiгад! Гашкө, бөръяысь нин и аддзö Викентий пöчсö ловъянас. Но Викентий сёлöмын сійö некор оз кув, и, медводз, пöч йывсьыс пыр кутас казътивны пöльысөн на вöчлөм йöг калляныс.

Сельпо лавкаö Викентий ветліс куритчанла. Сэні висьталісны, Лёмдінсянь пö вот-вот воас груз тыра машина, ректысям пö и бөр лэччас. Тайö вöлі Кузнецовлы зэв кивыв. Пыраліс сельсö-ветö, предыс эз вöв, и секретарыс, Эмилия Викторовна, пуктіс командировочной удостоверениеас печать да кырымпас. Öт-тшöтш вель дыр сёрнитісны öттор-мöдтор йылысь. Сэсянь жö көсйис звөнитлыны аэропортö аски кежлö карöдз билет йылысь.

— Аэропортас бухгалтерён уджалö менам воча чой, ськөд и йитчылам,— шуис секретарыс, ар комына нывбаба, и пыр жö босьтчис звөнитны.— А-а, босьтіс трубкасö. Ало! Зина, Зин, здравствуй, ме тэ дінö могөн: аски кежлö Сыктывкарöдз колö öти билет. Ме? Ме некытчö ог лэб. Кавалерöй лэбö. Кутшöм кавалер? Но и мый, көть и мужика... Ладнö, öні серьёзнöя. Татчö, Жежемкаö, гортсаяссö видлігмоз, командировкаö воліс «Коми ордым» газетысь Викентий Григорьевич Кузнецов. Тэ, ме думысь, сійöс бура тöдан. Вот и бур, тöдан кө. Да, да, öчкиа. Сылы и колö. Лоас? Пасибö. Гашкө, волан Жежемкаад вотчыны? Миян таво тшак-вотöстö көть зырийөн зырт. Чöд и, пув и, ельдöг и. Йöзыс весиг повзёмаöсь: бур водзö пö тайö али лөк водзö? Мый водзö? Но и шуин на. Давай корсь кад и воы, ветлам вотчыны. А билет кузяыд сёрнитчим. Пока.

— Мый водзö нö пö?— юалис Кузнецов.

— Зина вед, партийной мортыд, Енлы ни беслы, некутшöм приметаяслы оз эскы. Великой Октябрлы ветымын во тырöм честь кузя пö сы мында тшак-вотöсыд петіс. Серам дай толькö. Сёрнинымöс кывлін, билетыд лоö тэн.

— Пасибö, Эмилия Викторовна.

Викентий муніс гортас, висьталіс, регыд пö воас потребсоюз-лөн машина и сыөн лэччас Лёмдінöдз. Мамыс босьтчис чукöртны ыджыд сумкаö öттор-мöдтор, шуалис жалитана:

— Тэсся сэн, карад, тшыг нисьö пöт и олан, көнкö. Карковмис, сэтшöм лöсьыд удж вöлі Лёмдінад да. Пöра нін гөтрасьны да семья лöсьöдны. Тэнад арлыдөн батыдлөн куим челядь нін вöлі.

— Мам, менам арлыдӱн батыӱ эз нин вӱв ловъя. Мен ӱни кызь ӱкмыс, а батыӱ усис кызь кӱкъямысӱн.

— Ме сы йылысь жӱ-й висьтала да.

— Батыӱ эз аддзыв олӱмсӱ, ме и сы пыдди тшӱтш кӱсъя овны. Правда, карад лӱччытӱдз на ырыштчылі гӱтрассыны, да эз артмы.

— Эсійӱ нылыскӱд, кодӱс тай татчӱ вайлін?

— Сійӱ нылыскӱд, кодӱс татчӱ вайӱдлі, миян челядь ворсӱм вӱлі.

— Ог гӱгӱрво, кутшӱм ворсӱм тӱ висьталан.

— Сӱки льӱмдінса газетад ме сӱмын на заводиті уджавны, вот и тӱдмасьлім. А вӱлӱмкӱ, сы бӱрся мӱд зон вӱтлысьӱ. Мыйӱн тӱдмаліс, тайкӱ эз нӱйт менӱ.

— Насеруаныс, кутшӱм веськалӱ нывъяскӱд эн тӱдмась. Код-кӱд эськӱ кӱсйылін гӱтрассынысӱ?

— Льӱмдінын уджалӱ, Госстрахын, ачыс нырдінса.

— Мый эськӱ падмӱдіс?— пи йывсьыс быдтор вӱлі окота тӱдны Шупчик Иван Насталы.

— Нылыс дась вӱлі петны ме сайӱ, а батыс паныд сувтіс,— веськыда висьтасис Викентий.— Армияын пӱ сылӱн жӱникыс, кодлӱн батыкӱд важӱнсянь кӱсйысьлӱмаӱсь лоны сватысьсӱн.

— Мый нӱ сідз оз везит тӱн нывъяснас?

— Оз-оз, да и везитас коркӱ. Мам, эн беспокоитчы, менам ставыс бур. Мед сӱмын тӱ да пӱчӱ вӱлінныд дзоньвидзаӱсь. Менӱ лекторъяссьыс кутасны видзны дзӱлядырйи пӱчӱӱн на вӱчлӱм пернаыс да Мирон дядылы пӱльӱӱн на вӱчлӱм калляныс. Найӱ пыр лӱӱны мекӱд сӱӱрысь талисман пыдди.

— Винаыдлы эн сетчы, лӱк йӱзкӱд эн партитчы,— велӱдіс мамыс.— Батыд толькӱ праздникясӱ неуна юыштліс. Вина помад став лӱкыс. Бӱръя кадас том йӱзыд ӱнджыка кутісны юны. «Виль олӱм» газетад юӱртлісны да, Льӱмдінад весиг пальӱдчанін ковмӱма восьтны. Дас вит мортӱс пӱ ӱтпырйӱ вермӱны йӱршитны сӱтчӱ, веськавлӱмсьыс пӱ дас куим чӱлкӱвӱй босьтӱны. Да гиж письмӱтӱ миянлы. Ачыд кузь статьяяс гижан, а миянлы кыв-мӱда письмӱтӱ дышӱдчан мӱдӱдны.

— Гижа, мам, гижа.

Кадыс ӱтарӱ топӱдіс. Лавка дорӱ чукӱртчӱм йӱз отсалісны ректыны машина кузолысь грузсӱ. Викентий прӱщайтчис пӱчыс-кӱд: топӱдліс да окаліс сійӱс доршасысь синвасӱ чышкалігтыр, гӱрддзасис горшыс и кывсӱ шуны оз вермы. Лӱнныштліс да шуис:

— Пӱчук, дыр на ов.

— Ола, дитя, ола. Мыйта ӱн шувӱма, сы мында нін и колмас олны.— Пӱчыс пернапасаліс внуксӱ.

Наста кольӱдіс писӱ машина дорӱдз. Викентий нуис киас мамысӱн дасьтӱм ыджыд сумка.

Вылысь аддзысьлытӱдз, Кежемка!

Льӱмдін катыдпомӱ воӱм бӱрын шоперыс юаліс:

— Викентий Григорьевич, кытчӱ тӱнӱ чеччӱдны?

— Гостиница дорӱ.

— Абу кӱ местаыс, лок миянӱ. Со, эсійӱ керкаас и олам,— мир туйбокса керкалань индіс шопер.

— Пасибö.

— Машинаöс сувтöда гаражö и ме лоа гортын. Аски асыв бара рейсö. Туйяс тшыксьытöдз колö нуны унджык груз, сиктса лавкаястö кушöн кольны оз позь.

Викентий восьтис гостиницаö пыран öдзöссö и ныр на ныр паныдасис... Гликериякöд.

— Бур лун, Гликерия!

— Здравствуй, Викентий Григорьевич!

— Вой кежлö öти места сюрас?

— Прöст номерыс абу, но тэныд узяніныд эм.— Гликерия ас бöрсяыс нуöдис Викентийöс дежурнöйлöн узылан комнатаö, көні зонмыд колльöдис нин эз öти чöскыд вой.— Сьölöмөн кывсьöма, мый тэ волан на, вот и кольччи ме татчö, а мамöс мöдöдi гортö.

— Абу тэ морт, а ангел,— сöмын и артмис Викентийлөн. Öдзöссö пöдлалöм бöрын топöдис бадь кодь вöсньыдик да нюдз нылöс, босьтчис окавны.

— Нөрöвитлы. Ме кытшовта кыкнан судтасö и локта. Тэа-меалөн водзын быдса вой.

* * *

Шондi югöрсö кокалігтыр вылітi тювкъялісны тэрыб бордъяса сырчикъяс да пышкайяс. Кокни сьölöмөн Викентий Кузнецов восьлаліс аэропортлань. Воськыдладорас паськыд кодза муяс, шуйгаладорас неыджыд вөр dі, сы сайын и аэропортыс. Ас районö волöмыс корреспондентлы мойвиис. Эм мый гижны командировкаö ветлöм йылысь отчётö. Век жö, майшöдліс сійöс Гликериякöд мусукасьöмыс. Жалитіс нылöс, но эз каитчы ськöд кутчысьлöмысь. Аддзысис кө Льöмдінын на уджалігөн, Гликерия эськö вермис лоны и гöтырөн. Оз позь не радейтны ключ ва кодь сöстöм нылöс. Радейтис эськö!

Нывъясöс, кодъяс паныдасьлісны Викентий Григорьевичлөн туй вылын, радейтліс ставнысö и кутас радейтны водзö. Гашкö, сы вöсна и оз гöтрась, мый окота радейтны унаöс, а оз öтиöс. Быд мортлөн аслас олöм, и огö кутöй дивитны таысь Викентий Григорьевичöс. А öд ставыс вермис лоны мöд ног, эз кө разнöйлаын овны Анфисакöд; эз кө вöv жöник-салдатыс Светланалөн; Юмов Ликöыс кө чöскыд кампет моз сибдiс Льöмдінын уджалігөн. Лöсьыд казтылöмъяс овмöдчöны Викентийлөн сьölöмö. Ми-ча думъяс локтöны юрас:

**Шоныд төвруыс юрсинам дурö,
Вайö сьölöмöс ышöдан ма көр...
Тадз жö шырсигөн малавлö юрöс
Небыд чуньяса ныв-парикмахер.**

Лыддис ачыс аслыс тайö строкаяссö и нюмыс петіс: друг да и збыльысь коркö веськавлас шырсьыны Юмов Ликö ордö?

Кокниджык овнытö, кор тэнö кытшалöны бур йöз, кор мыйöнкö да вермöны отсавны. Зинакöд Кузнецов вочаасис аэропорт öшинь улас; аныд, вöлөмкö, сійöс виччысьö нин.

— Самолётыд Сыктивкарысь петöма, час джын мысти лоö тан,— билетсö Зина мыччис Кузнецовлы. Мöдыс мынтысис и аттьöалис. Аньыд сиис корреспондентлы бур туй.

Воысьясöс чеччöдöм бöрын самолётö пыр жö корисны карö мунысьясöс. АН-2 торйöдчис муысь и нывкöса кыпöдчис сынöдö. Нырдин сикт весьтти лэбис зэв на улiтi и Кузнецовлы самолётлөн гöгрöс öшинь пыр бура тыдалiс Öнтип Миколлөн, кодi эз кöсйи лоны Викентийлы тестьөн, ыджыд керкаыс. Жаль, эз мойви овны сэни Светланакöд. Гашкö, колiс гöтрасьны Анфисакöд и мунны Воронежас? Ковмис эськö инасьны кутшöмкö лавкаö грузчикөн и пыр кeжлö кольны некодлы тöдтöмөн да некодлы ковтöмөн. Эз, татшöм воськовсö эськö эз вöч весиг сэк, муса нывбабасö кö вöли вöчöма ставнас зарниысь либö шоколадысь.

Гашкö, öвтыштны кар вылас и бөр локны Льöмдинö, корны кисö Гликериялысь? А во-мöд мысти кö паныдасяс Юмов Ликöысь на юмовджык ань? Сё дивö тай! Мыйся морт тэ, Кузнецов,— быд нывбаба вылö вед любитчыны оз жö ков. Мый нö озыс, аньясыс кö асьныс сетöны вöлясö радейтöм вылö. Со тай, карса кöзьяйкаыслөн нылыс, Машöыс, ачыс водзджык пондысьны кутiс; кагаа нин да, кужö зонмыдкöд ышмынысö. Но и мед. Зэв жö мичаник да мусаник Машöыс. Викентийлөн гажыс нин бырöма. Сы дыра нин кутчысьлöны, и век на абу умöма. Гашкö, сэсся Машö кодь аньыс Викентийлы оз нин и тшуклы да. Мед эськö тшуклас на жö... Быдпөлöс думыс локтö Кузнецовлы юрас самолётлөн öтнога жуныгöм шы улын. Лэбысьяс пöвстын быдөн мыйкö варовитö öта-мöдыскöд.

Корреспонденткöд орччөн пукалiс ас кодыс кымын арлыда нывбаба — нёптола бан бока, пельнёняс сыръя исергаа. Чужöмыс тöдса, но нимсö эз тöд. Самолётлөн быд лайкнитлiгөн вомсö тупкыштлiс еджыд носöвикөн, тыдалö, морттö вукöдiс.

— Мыччыны эсiйö бумага мешöксö?— вöзйис Кузнецов.

— Позьö, а то гудрöдлö сьölöмöс.

— Нёрыньт юртö менам пельпом вылö, и лоö кокниджык. Ачыд льöмдинса?— зiлис сёрнитöдны аньöс Викентий, сiдзсö озджык кут вукöдны сiйöс.

— Уджала Льöмдинын.

— Кöни?

— Загсын. Ачым сiдзсö нырдинса. Помнитан, öтиысь волiн загсö и менсьым босьтiн интервью, юасин: кымын виль гозъя чужисны, кымынөн юкиссны...

— Помнита, а вот ним-овнатö вунöдi.

— Тася, Таисия Фёдоровна.

— А ме — Кузнецов Викентий. Нимöс мамöлы да батьöлы пöчö вöзйылöма. Кызь öкмыс во нин ме татшöм нима.

— Тöдса тэнад ним-овыд районад, газетчикъясыдлөн сэтшöм профессияыс. Ме тэнö частö аддзывлi, кор удж вывсяньыс Нырдинö мунiгөн кольöдлiн Светлана Николаевнаöс. Светаыдкöд ми ичöтсянь пöдругаяс. И öни öтлаын ветлам удж вылö и удж вывсянь

— Кыдз бара-й олöны Павелыскöд-а?

— Быть öд ов, петöма верöс сайö да.

— Мыйла быть?

— Муслунтөг оломыд дуб шыд панялөм кодь. Оз радейт Светаыд верөссө. Уджаслив и быдтор эськө Павелыс, винанад оз вывтась ни, но оз радейт дай ставыс. Радейтлі пö өтиөс и вунөдны ог вермы. Ачыс мен Светаыс висьтасьліс, ськөд миян өта-мөдыс абу некутшөм гусятор. Төдан, коді өтиыс?

— Ог.

— Сійө тэ, Викентий.

Сёрнитісны сөмын өта-мөдыслы кывмөнья, пөшти пеляныс. Таисия Фёдоровна и збыльыс вунөдіс сьолөм гудрасьөм йыв-сьыс.

— Карас дыр кезлө?

— Удж кузя кык лунся семинар миян.

— Воан гортад и висьтав мясянь ыджыд поклон Светланады. Ме сійөс радейтлі жö и радейта, и некор ог вунөд.

— Бытьөн висьтала.

Сынөдын самолётыс час джын нин. Колис лэбны мөд сы дыра. Сёрнитігад и кадыс өдйө лэбө.

— Верөсыд нө коді?

— Кык во нин ме дөвуйта.

— Кыдз сідз?

— Төдлін, надейнө, прокуратураын уджавліс следователь Гилев.

— Да, төдлі.

— Сійө и вөлі менам мужикöй. Ёна радейтліс вөравны, чери кыйны. Кывлін Яково пөчинок йылысь? Сыланьын и вөлі Гилев-лөн вөр керкаыс, кыйсьысь другыскөд стрөитісны. Кайисны вежон кезлө, а век абуөсь и абуөсь. Мунісны корсьны, и мый жö? Вөр керка местаад тшынасьыс сэрапомъяс да кык сотчөм мортлөн колясыс.

— Дивө тай тэ висьталін. Кыдзи-мый лоөма, туялісны эз?

— Быдсикас сёрниыс паськавліс, а кыдзи збыльысьсө вөлі, туявны эз вермыны.

— Ыджыд ускөттө тай лоөма. Уна челядьөн колис?

— Нывка эм, таво школаө мунас.

— Мый лоны — лоөма, водзö олом йылысь колө думайтны. Тэ зэв на том и зэв мича, оз ков усьны сьолөмнад, — ышөдана кывъяс корсис Викентий.

— Тэ кодь арлыда ме.

— Ме ачымөс лыддя томөн на. Гашкө, сы вөсна и ола керка ни карта, челядь ни баля.

— Абу весь шулөмаөсь: кытчөдз пö он гөтрась, пыр том лан. Воас кадыс, и ставыс на лоас тэнад. Мед вөлі юр, а юр сюяніныд век лоас. Сэсся-й, өтиыды өти мында и колө, кыкы — кык мында, куимлы — куим мында нин. Вот и бөрийы на пиысь медбурсө.

— Прав тэ, Таисия Фёдоровна. Быдөнлөн аслас олом, аслас судьба. Кутам надейтчыны: аскиыс лоө бурджык талунъя серти. Со и тыдовтчис Сыктывкар. Ме эськө тэкод орччөн лэби на и водзö.

— Ме эськө тожө.

Викентий Григорьевич кольөдіс Таисия Фёдоровнаөс автобу-сөдз. Ачыс Парижөдз мөдөдчис подөн.

* * *

Ӧшинь пыр тыдаліс зарнийӧн вералысь посни гыяса Сыктыв ю. Кузнецовлӧн неыджыд комнатаыс ойдӧма югыд шонді югӧръясӧн. Колӧ вайӧдны тыр пӧрадоко став чукӧртӧм гижӧдъяссӧ. Бумагаяскӧд орчӧн пызан выло пуктіс и йӧг каллянсӧ. Кадыс сӧмын на дас ӧти час, но талун редакцияӧ оз мун. Гортас дас-тас кутшӧмсюрӧ материал и аски асывсянныс сетас печатайтны машинисткаяслы.

Пузыӧдіс электрочайник и пуксис пызан саяс мамысӧн пӧжалӧм шаньгаӧн чаюйтны. Вескыда инмысь шондіыс мед эз ӧр синъяссӧ, ӧшиньяссӧ тупкис газетъясӧн. Чай юигмоз еджыд лист выло пасъяліс строкаяс:

**Кӧть и омлявлӧ вой тӧв,
Да и тшӧкмунлӧ лов,
Коми пармалы, ӧртӧй,
Пӧсьджык шонді оз ков.**

**Вобыд гожйӧдчӧ пожӧм,
Сьӧдӧдз кисьмывлӧ льӧм,
Миян чужӧмӧ гожӧм
Кольӧ шонділысь рӧм.**

Мыйта кывбур эськӧ позис гижны, вермин кӧ овны найӧс гижӧм помысь! Гашкӧ, кодкӧ и олӧ ыджыд роч поэтыс пӧвстысь, а комиы сы йылысь нинӧм и думайтны. Бӧрйин кӧ журналистлысь профессия, вот и «ныр» ассьыд статьястӧ «пӧтлытӧм» газетад, перйы кынӧмпӧттӧ. А бур статьятӧ гижны овлӧ ӧна сьӧкыджык кывбуртӧ гижӧм серти. Кывбуртӧ кӧ чужтӧ аслад сьӧлӧмыд, то статьятӧ — тӧнӧ кытшалысь лоӧмторъяс, а найӧс, овлӧ, аддзыны зэв сьӧкыд.

Век жӧ, абу йӧмкӧ Викентий Григорьевичлӧн сьӧлӧм вылын. Ас районас тайӧ волӧмыс коляс сьлӧн олӧмын югыд, некор чусмывтӧм лист бокӧн. Пукалӧ ӧні бумагаӧн тырӧм пызан сайын, и ставыс сулалӧ син водзас. Кинокадръясын моз сувтлас то ӧти серпас, то мӧд, то коймӧд. Быттӧ кылӧ весиг совхозса шопер Никон Кузьмичлысь гӧлӧссӧ, аслас олӧм йылысь сылысь висьтасьӧмсӧ. Со и Сывшор посёлокса том коммунист Андрей Холопов, стрӧйтӧ коммунизм и кӧсйӧ овны коммунизм дырйи. Кӧні тэ талун, Анфиса Пятакова,— Викентийлӧн челядьдырыс и томлуныс? Со, ӧшинь увсянныс Викентийлы ӧвтчӧ нырдінса Светлана. Со, голи гӧгӧрыс бӧръяысь кутыштлӧ зонмӧс льӧмдінса Гликерия. Со, Викентийлӧн пельпом выло нӧрыньтіс юрсӧ том дӧва Таисия Фёдоровна... Олӧм, олӧм... Мед ставсӧ тайӧс петкӧдлыны, оз сюрны кывбурлы ни колана строкаясыс, ни колана рифмаясыс. Сӧмын прозаын тырвыйӧджык поэӧ петкӧдлыны олӧмыслысь гутсӧ и бансӧ, юмовлунсӧ и курыдлунсӧ. Поэзияысь эновтчытӧг Викентий Кузнецов бытӧн босытчас прозаӧ. Аслас быдлуныя олӧмыс и лоӧ повесытӧ ли, романӧ ли материал чукӧртӧмӧн. Тырмас мӧвпавны, Викентий! Уджыд юр выв тыр.

Киас ручка босытлытӧг медводз лыддис статьяссӧ Дӧминлысь да Игнатовлысь. Гижӧмаӧсь делӧсӧ тӧдӧмӧн, но быть ковмас пуктывны кисӧ и журналистлы. Пӧшти оз овлы сідз, мед кутшӧм-

кӧ да начальниклысь гижӧдсӧ сетны газетӧ нинӧм вежлавтӧг, мӧд ног кӧ, шыльӧдтӧг-мольӧдтӧг. Кыкнан авторыслӧн статьясыс вель кузь, но Кузнецов чинтавны оз кут. Ыджыд-ӧ места сетас кывкутысь секретар, тыдовтчас планёрка дырйи. Коляс вежон кымын, медым блокнотса пасйӧдъясысь вӧчны ас нимсянныс статьяс. Ковмас унджык пукавны рытьяснас.

А сэтшӧм окота гижны кывбуръяс, кӧні абуӧсь килограммъяс, кубометръяс, квадратной метръяс, а сӧмын сьӧлӧмкылӧмъяс. Кӧсийыссьӧ чужтыны художествоа сэтшӧм гижӧд, медым лыддысьысь босьтис сійӧс сьӧлӧм бердас, электролампа кусӧм бӧрын ӧзтис карасина дзузган би и лыддис на водзӧ. Гижысьыд асьсӧ вермас шуны писательӧн ли, поэтӧн ли сӧмын сэк, кор сійӧс лыддӧны. Кузнецов помнитӧ ӧти философлысь кывъяссьӧ: «Только великая боль рождает великие произведения». А ыджыд дойсӧ чужтӧ Олӧмсӧ, му вывсьыс став ловъя ловсӧ и вӧр-васӧ радейтӧм.

Но медыджыд радлуныс и дойыс — ныла-зонма костын Мус-лун. Оз сет спокойсӧ Викентийлы нывъясӧс радейтӧмыс. Оз ӧд весь шуны: любовыд пӧ мирса литератураын куслытӧм тема. Эк эськӧ, Викентий Кузнецов кӧ вӧлі Тургенев либӧ Толстой моз дворянинӧн и эз ков перйыны кынӧмпӧтсӧ статьяс вылын «нускӧмӧн», гижис эськӧ радейтчӧм йылысь мича поэма либӧ повесыт. Геройяссьӧ эськӧ эз ков нёнявны чунь помсьыс. Со найӧ ловъясыс-ловъяӧсь, акань кодъ мичаӧсь, кымӧртӧм тувсов енэж кодъ сӧстӧмӧсь — Анфиса, Светлана, Гликерия... Вот-вот уджсӧ помалас и пырас тайӧ комнатаас Маша, кодӧ куим во чӧж нин югзӧдӧ Викентийлысь ӧтка олӧмсӧ.

Эм нин, эм повесыт гижмӧнъя материалыс. Вештышт статьяс-тӧ бокӧ, вомад суй Анфисаыдлӧн кодъ чангыль ныра каллянтӧ, мед ӧбликнад мунін збыль писательлань, и гиж. Кывбуртӧ кӧ позьӧ сочинитны кыкнан китӧ гач зептад суйӧмӧн, прозаыд сідзтӧ оз артмы. Ок, думъяс, думъяс... Сэтчӧдз, кытчӧдз кутан уджавны «Коми ордым» газетын, прозаӧ босьтчӧм йылысь нинӧм и думайтны. Кӧстьян кӧ лоны збыльысь гижысьӧн, эновтны колӧ тайӧ газетсӧ, корсьны сэтшӧм удж, кӧні лоӧ унджык прӧст кад.

Вель дыр сёрнитис Викентий ачыс аскӧдыс. Кодкӧд сэсся сёрнитас, тайӧ ыджыд короминаас сійӧ ӧтнас на да. Ӗшиньсӧ восьтлӧмӧн куритис фильтра сигарет, и босьтчис гижны командировкаӧ ветлӧм йылысь отчӧт. Лӧмдінса нӧрӧм нужник йывсьыс сэтчӧ нинӧм эз пасйы. Друг да фельетонсӧ йӧзӧдтӧдзыс на вальдас? Сэсся и жалитис асьыс чужан районсӧ, республика водзын янӧдны оз кут. Чайтӧ, интересной статья артмас сылысьяслӧн «Эжваса дзоридзьяс» ансамбль йылысь. Очерк сямаӧс дасьтас хирург Липинлӧн семья йылысь. Редакцияс кывкутысь секретар кодзыда примитӧ бур йӧз йылысь статьястӧ, мед пӧ гижӧны на йылысь районса да карса газетъясӧ, а «Коми ордым» пӧ республиканскӧй, и сэтчӧ колӧны гижӧдъяс, кӧні кыпӧдӧма тӧдчана проблемаяс.

Газетын эз вӧвны ни тематическӧй, ни литературной лист бокъяс, кывбуръяс да висьтъяс пӧшти эз йӧзӧдлыны. Зато кор-лісны, мед быд номерын вӧліны «Партийной олӧм» либӧ «Идеологической уджын воӧдчыны быд мортӧдз» юрпаса статьяс. Гаж-тӧм и газетлӧн коймӧд лист бокас, кӧні ТАСС-лӧн да АПН-лӧн

комиӱдӱм юӱрӱяс. Босӱтны кӱ тематика боксянь — номерысь номерӱ то кӱрым заптӱм, то скӱтӱс тӱвӱӱдӱм. «Коми ордым» чужӱмнас и пытшкӱснас мунӱс видз-му овмӱс министерстволӱн газетлань. Видз-му овмӱсыс вӱлӱ, но сиктса йӱзлӱн олӱм-вылӱмыс газет лист бокӱясын эз вӱв. Тайӱ эз кыпӱд газетлысь авторитетсӱ и судзӱдӱсны этшаӱн.

Викентий Кузнецов ӱтарӱ надейтчис, мый Влас Ефимович вежыштас бурланьӱ газетлысь нырвизьсӱ, но некутшӱм вежсьӱм эз ло. ВПШ помалӱмьд оз на висӱтав, мый лоин бур журналистӱн либӱ бур редакторӱн. Мед лоны бур редакторӱн, мыйкӱ колӱ нӱшта и Енсянь. Но коммунистьяс тайӱс тӱд выланьыс оз босӱтны. Эм кӱ тӱнад партбилет, тӱ и Енмӱн юртӱ малышттӱг верман лоны начальникӱн. Сӱмын вот кытчӱдз вайӱдасны странанымӱс татшӱм начальникӱясыд-а?

Дасӱтӱм гижӱдӱяссӱ Кузнецов сюйис папкаӱ, аски сӱӱрсьыс босӱтас редакцияӱ. Аски жӱ асывсянньыс звӱнитлас Кежемкаса сиктсӱветӱ Эмилия Викторовналы, корас висӱтавны мамыслы: Викентийыд пӱ воӱма карас лючки-бура. Оз-ӱ позь рытнас адзысьлыны Таисия Фӱдоровнакӱд и нуӱддыны кино вылӱ? «Север» гостиницаыд абу ылын, позьӱ ветлыны и юавны: ветлас-ӱ? Оз нин помнит, кор бӱрӱяысьсӱ театрас вӱлӱны Машӱкӱд. Йӱз син водзӱ ськӱд ӱтлаын важӱн нин эз петкӱдчывны. Пыксыйӱс Машӱ. Мыйла? Зонмьд стӱчасӱ эз тӱд, но ылӱсалӱс: том нывбаба мыйыськӱ полӱс.

Викентий лӱсьӱдчис петны комнатасьыс, кор посводзас кыӱсны кок шыяс. Сӱсся и ӱдзӱсас тотшнитӱм.

— Маша, ме гортын, пыр,— тотшнитӱм сертиыс Кузнецов тӱдӱс том кӱзьякасӱ.

— Здравствуй! С приездом, Викентий Григорьевич,— нылыд чупнитӱс патерантыслысь чужӱмбансӱ.

— Пуксьы, висӱтась, мый выльторӱясыс?

— Помасьӱ, Викентий Григорьевич, тӱа-меа костын мусукасян романным...

— Ме тайӱс водзджык нин гӱгӱрвои, сӱмын чӱв олӱ. Ассияныд виччыси висӱтасьӱм.

— Вот и воис висӱтасян кадыс.

— Кывза.

— Леночкалысь батьсӱ, Дорофейӱс, мездӱны. Амнистия улӱ веськалӱма.

— Дыр пукалӱс?

— Кор сийӱс пуксьӱдӱсны, ме вӱлӱ нӱбася. Шулӱм гӱтрассыны кага вайӱм бӱрын, но эз артмы, кыдзи кӱсийсьлӱм.

— Мыйысь мыждылӱсны?

— Лавка пельӱс «кӱтӱдӱмысь».

— Нинӱм эг гӱгӱрво.

— Ветлӱма ӱртыслӱн нимлун вылӱ, и гортас локтӱгӱн тӱрӱпитӱма. Сувтӱма ӱти керка пельӱсӱ, и буретш милиция машина лӱсялас. Кык милиционер петасны и кутасны кыскыны Дорофейӱс машинаас, мед нуны пальӱдчанӱнӱ. Мӱдыс водзсасыны кутас, оз сӱв, косьӱ воӱмаӱсь. А Дорофей зӱв ӱн, дыр абу сетчӱма.

— Сӱдзнад, батьыс эз на и адззыв ассьыс нывкасӱ.

— Адззылӱс снимокӱяс вылысь. Ми вед Дорофейкӱд письмӱа-

сим, витнан восё. Прөстит, Викентий Григорьевич: тэкөд кутчысылі, а письмөаси мөдкөд.

— Ачыд прөстит, ме та йылысь нинөм эг төд. Төді кө, сёравно эськө кутчысылім. Кор ме воськовті тіян керка порог вомөн, мен вөлі кызь квайт арөс. А тэн?

— Мен кызь вит. Тэнад локтөдз ме эг видзөдлы некутшөм мужик вылө, менам олөмын тэ лоин мөд.

— Каитчан?

— Ог.

— Төдмалас кө Дорофейыд?

— Карыд абу деревня. Парижад патерантыд абу сөмын тэ, ас керкаясад унаөн олөны локтөм йөзыд.

— Аскиянь кута корсьны выль оланін. Көсья, мед Дорофейыдкөд ставыс лоө бур тэнад.

— Ёнасө эн тэрмась. Бөръя письмөас юөртөма: лэдзасны пө Великой Октябрлөн юбилей кезлө. Көсьян кө, петкөдла письмөсө.

— Оз ков.

— Август помасьтөдз на кызь лун, а водзын ещө сентябр дай октябр на... Велалі ме тэ дінө и вунөднысө лоө зэв сьөкыд. Эз кө вөв Леночка, ме эськө тэнө гортысь некытчө эг лэдз.

— Пасибө тэныд и мамыдлы, тіянын овны мен вөлі зэв лөсьыд. Висьтасы веськыда: некод кө тэнад эз вөв, ме эськө тэнө важөн нин нуөдлі загсө.

— А ме эськө муні окотапырысь.

— Пөдлиннө, Дорофейыд нө көні уджавліс?

— Механической заводын — СМЗ-ын, слесарөн.

— Зэв бур профессия.

— Кытчөкө мөдөмыд, а ме тэнө маниті.

— Тэ менө некор он манит. Көсьи куритчыны петавны.

— Сы дыра эг аддзысьлөй... Гажыд эз быр?

— Юалан дай. Бырис.

— Менам бырис жө.

— Кадысь кадө аддзысьлам тадзсө, вот и бырө гажным өта-мөдсьыным.

— Регыд и некыдз ог кутөй аддзысьлыны. Дум вылад кута усьлыны али ог?

— Сөмын медъюгыд казыхылөмгясөн. И мед лоө тіян зумыд семья.

— Пасибө тэн, Викентий, он дивит менө да.

— Нинөмысь дивитнысө. Ми медводдзаысь аддзысим сэк, кор куйм арөсөн томджыкөсь вөлім. Да и өні на миян олөмын дзоридзалан кад. Вермис-ө лоны мөд ногыс?

— Сэтшөм өдйө лэбовтіс тайө куйм воыс. Не кө тэ, өтарө эськө думайтсис Дорофей йылысь. Абу өд лёк мортыс, а со тай... сизим во кезлө пуксьөдісны.

— Мамыд ставсө төдө тэа-меа йылысь?

— Вель дыр дзеби збыльторсө, бөрынджык висьтаси. Тшөк-тіс, мед Леночка нинөм эз төд. Эг кө перйы, тэ эськө кыкысь нин батыөн вөлін.

— Дорофейсяныд унаөс на вевъялан чужтыны.

— Кыдзи Ен шуас, сідз мед и лоө. Патератө мамө вермас

тэн корсыны, сылӱн тӱдсаыс уна карад, торъя нин тані, Парижас.

— Оз ков нинӱм корсыны. Эм менам, кытчӱ вуджнысӱ.

— Кӱнӱджык?

— Аэропорт дорын, кӱні тай ас керкаяс. Кӱть аски жӱ муна,— не то ылӱдіс, не то лӱнӱдіс аньӱс Кузнецов.

— Эн на, зонмӱ, мун. Тӱлысь помӱдзыс кӱть ов нин.

— Друг да Дорофейтӱ водзджык лӱдзасны? Кӱсья, мед сійӱ менӱ эз су тась, а то вермас тӱнӱ вежӱгтыны.

— Ладнӱ, Дорофейнас и ставнас, вай кутчыслам крепыджыка,— аньыд пӱрччис ас вывсьыс вир-йӱ ӱстатки сайӱдан-торсӱ.

— Вай.— И топӱдчисны ӱта-мӱд бердас.

* * *

Воторник. Газет петан лун. Быд сотрудниклӱн кийн свежӱй «Коми ордым». Ставӱн чукӱртчӱны кывкутысь секретарлӱн ыджыд кабинетӱ летучка ылӱ донъявны талунъя номер и сӱрнитны локтан йылысь. Кывсӱ медводз босытис дежурнӱй редактор Пётр Амосов, кодӱ веськӱдлӱ писъмӱяс юкӱнӱн. Сӱрнитис нӱлнан лист бок йывсьыс, и ни ӱти кулитана кыв. Оз кыпты лылыс кулитнысӱ, ӱд статьяссӱ дасытисны сыкӱд орччӱн пукалысь ӱртъясыс — ставныс ас кодъыс жӱ коммунистыяс, ставныс дзорӱсь либӱ кушмӱм юраӱсь, ставныслы ветымын сайӱ ар; ставныс, Викентий Кузнецовысь да редакторысь ӱприч, войнаса ветеранъяс, быдӱн вермас ошйысьны аслас фронтӱвӱй подвигысӱн да боевӱй наградаысӱн. На пиысь кыкӱн — Аким Дмитриевич да Евсей Никитич — тайӱ газетса вӱвлӱм редакторъяс.

Оз, оз позь кулитны ни ӱти статья, ӱд ставыс найӱ мунисны кывкутысь секретар Нина Максимовналӱн кияс пыр. Сӱдзкӱ, тадзи и колӱ лоны, кыдзи йӱзӱдӱма. Сӱсся и, Пётр Амосовлӱн сӱтшӱм модаыс — некодӱс нинӱмӱн не дойдны, бурджык ошкыны, кӱть и частӱ думайтліс мӱд ног. Пётр Васильевич удж ылас дзик ӱти матысса ӱрт, код ордӱ гортӱдзыс воывлӱ Викентий Кузнецов. Чай-сакара да няня-сола Амосовъяслӱн семьяыс. Ас кодъыс жӱ шань гӱтырыскӱд быдтӱны кык нывкаӱс — Наташаӱс да Надяӱс. Пётр Васильевичлӱн эм гортас библиотека, кытчӱ чукӱртӱ сӱтшӱм книгаяс, кутшӱмъясӱс позьӱ судзӱдны либӱ нӱӱбны сӱмын тӱдсаяс отсӱгӱн. Викентийлы сетлывліс найӱс лыддыны. Бур небӱгъясӱн йӱзӱс могмӱдлісны зӱв омӱля. Зато лавкаясысь позис нӱӱбны кӱть паськыд мешӱк тыр кывбура вӱсныдык сборникъяс, кодъясӱс лӱдзліс «Современник» издательство.

Ассыныс мӱвпсӱ висыталісны и мукӱдъяс, кодъяс пукалісны летучка ылын.

— Этша петкӱдлам республикалысь культурнӱй олӱмсӱ, кӱть и эм редакциялӱн культура отдел, кӱні пукалӱны писатель билета кык сотрудник,— збоа босытчис сӱрнитны ветымын квайтӱд— ветымын ӱкмысӱд воясся редактор Евсей Никитич, кодӱ ӱні нуӱдіс видз-му овмӱс юкӱн.— Кӱть нин кык тӱлысь пиын ӱтчыд колӱ котыртлыны литературнӱй лист бок, абуӱсь некутшӱм юӱръяс ыль книгаяс йылысь да на ылӱ рецензияяс. Кыдзи

уджалоны клубьяс, культура керкаяс, эм-ö на бердын самодея-
тельной коллективьяс, кружокьяс — ставыс тайö бөрья кадас
эновтöм тема.

Шыöдчис Нина Максимовна:

— Газетаным этша абу сöмын культура, оз тырмы и критика.
Огö на коммунизмын олöй, колö аддзыны и тырмытöмторьяс. И
аддзыны народной овмöслөн быд юкöнысь. Лыддылынныд «Ком-
сомольская правда» газетысь «Это ли не хлестаковщина» фелье-
тон, быдса пöдвал сетöмаöсь? Тöданныд, код йылысь? Поэт Ев-
тушенко йылысь. Германияын автобусын мунигөн вöлөм кутлö
кисö öти немкалысь, вот сыысь. Сийö жö газетас мöд номерын
«гогналöмаöсь» паськыда тöдса кинорежиссёр Пырьевöс «Свет
далекой звезды» фельетонын.

— Лыддылим, Нина Максимовна, лыддылим,— шуис Гера-
сим Попков, культура юкөнөн веськöдлысь, кыз линзаа öчкисö
ныр вылас öтарö лöсьöдигтыр. Ачыс сийö поэт, Викентий Кузне-
цовлысь медводдза кывбурьяссö «Коми ордым» газетö дасьтылис
буретш Герасим Алексеевич.— Ми öд критиканад «Комсомоль-
ская правдасыд» огö жö кольчöй. Неважөн йöзöдiм газетын
миян отделөн дасьтöм кык фельетон: öтиыс шусис — «Сылö-
йöктö Максимов», мöдыс — «Сиктö волiс корреспондент». Бось-
там тöд вылö талунъя летучка вылын индöмторьяссö и кутам
уджавны водзö.

— Нина Максимовна, менам нöшта эм зэв серьёзной сёрни.
Позьö?— шыöдчис Пётр Амосов.

— Позьö. Висьтась, Пётр Васильевич.

— Ме вайи татчö кык письмö. Ог тöд, мый наён вöчны. Öти-
ыс Сыктыв районсянь, кутшöмсюрö местаяс лыддя: «...Миян
районса сиктясынь да посёлокъясын вежон чöж петкöдлисны
концертъяс Венедикт Максимов да Василиса Лосева. Быдлаын
йöз примитисны найöс зэв пöся, клубьясын эз тырмыны весиг
местаясыс. Ок, и мичаа жö сьылисны коми да роч сьыланкывъяс.
Кывзысьяс клопайтисны сувтлöмөн, дыр эз лэдзыны лэччыны
сцена вылысь, и корисны воывлыны частöджык. Öткымын
сиктясын ассыныс радейтана артистъяссö примитисны няньөн-
солөн. Йöзöс бура гажöдöмысь партиялөн райком да райиспол-
ком артистъясöс наградитисны почётной грамотаөн. И лун-мöд
мысти тiян газетысь лыддям дзик виччысьтöмтор — фельетон
сяма гижöд «Сылö-йöктö Максимов», кöнi ставыс лöж, збыльыс
дзик нинöм абу. Тадзи öмöй позьö пöрийöдлыны став коми вой-
тырсö, няйтöсьтны нималана да радейтана артистъясöс. Корам
сетны газетаныд веськöдöм-опровержение. Райисполкомлөн
культура отделын уджалысьяс...». Сэсса куим кырымпас да весиг
печать.— Амосов мыччис письмöсö редакторлы киас.

Журналистъяс пöвстын кыптылис шöпкöдчöм, но öдйö бөр
кусiс. Курыдкашин корис висьтавын мöд письмö йывсьыс.

— Лун дас сайын «Коми ордымын» йöзöдiм «Сиктö волiс
корреспондент» статья нисьö фельетон. Помнитанныд, сёрниыс
вöлi сы йылысь, кыдзи райгазетса журналист Юрий Лобанов
волö Корткерöс районса Мартетыö и куим лун чöж сиктас
бовъялö код юрөн. Мыйлакö некод эг казялöй, мый, медводз-
кö, Мартетыыс абу сикт, а вөр лэдзысьяслөн ыджыд посёлок.

Мӧд-кӧ, участкӧвӧй милиционерыс пӧ, кодӧ и гижӧма газетӧ заметкасӧ, ачыс юысь морт. Да, Лобановыс волӧма Мартетӧ, лӧбзылӧма ӧти и сӧйӧ жӧ самолётӧн районса прокурорыскӧд да нарсудьяыскӧд, мед гижны асланыс газетӧ «Суд залсянь» статья. Посёлокас узьӧмаӧсь ӧти вой и мӧд лунас бӧр нин ставныс лӧбӧмаӧсь Кӧрткерӧсӧ

Лобанов шыӧдчӧма судӧ, корӧ кыскыны кывкутӧмӧ кляуза гижӧмысь участкӧвӧй милиционерсӧ, тшӧтш и кляуза йӧзӧдысьсӧ — «Коми ордым» газетӧс. Вот сӧйӧ статья вылас вочакывйыс, кодӧс кырымалӧмаӧсь народнӧй судья Безобразова да прокурор Иванов. Найӧ корӧны сетны газетын опрвержение.— И письмӧсӧ Амосов бара мыччис редакторлӧн киӧ.

Влас Ефимович пукаліс секретарлӧн пызан дорын — бая-бӧжланьыс шыльӧдӧм сьӧд юрсиа, сьӧд ворча ӧчкиа, сьӧд костюма, пинжак морӧсас СССР-ысь журналист Союзас член значока, еджыд дӧрӧм морӧсас анькытш сера галстука. Карса мед-училище помалӧм бӧрын сиктса пельшӧр Епим Влас пырис партияӧ, служитӧ армияын и велӧдчис водзӧ — помалӧ ВПШ. И комын квайт арӧса вӧвлӧм пельшӧрӧс партиялӧн обком индӧс веськӧдлыны «Коми ордым» газетӧн. Ӗні сӧйӧ пукаліс зумыш чужӧма, мыйкӧ пасйышталіс нырувса бумагаӧ, сӧсся юалис:

— Кодӧ дасьтӧс Лобанов йывсьыс статьясӧ?

— Ме,— вочавидзис культура отдeлысь Герасим Попковлы отсасьысь Александр Пипуныров.— Письмӧ помас авторыс индӧма ассьыс тыр ним-вич-овсӧ и должносьтсӧ. Вот и эски ме участкӧвӧй милиционерыдлы.

— Талунсянь прӧвериттӧг мед эз вӧв сетӧма газетӧ ни ӧти критическӧй письмӧ!— стрӧга шуис Курыдкашин.— Вӧлінныд кӧ томджыкӧсь, тайӧ медводз инмӧ Попковлы да Пипуныровлы, ӧні жӧ эськӧ гижи приказ тӧянӧс удж вылысь мездӧм йылысь. Пока ӧлӧда устнӧ: мед татшӧмторйыс водзӧ эз ло.

— Ёртъяс, колӧ дудыны нйӧтӧсьтны ассьыным журналист ёртъясӧс,— шыӧдчис ӧнӧдз лӧня пукалысь Аким Дмитриевич, кодӧ ветымын ӧкмысӧд восянь квайтымын нельӧдз ачыс веськӧдліс тайӧ газетнас.— Миянлы, ыджыдджык да опытаджык журналистъяслы, эськӧ отсавны том газетчикъяслы, а ми вӧчам мӧдарӧ. Ӗнія примерыс абу нин медводдза. Лӧж критиканад газетыдысь авторитетсӧ ни тиражсӧ он кыпӧд. Шыӧдчасны кӧ тайӧ письмӧ-яснас обкомӧ, миянӧс таысь оз шыльӧдны и бытӧн тшӧктасны сетны опровержение. Ме думысь, эм ӧти петан туй: йӧзӧдны редакционнӧй статья и извинитчыны на водзын, кодъясӧс лои омӧльтӧма некутшӧм подувтӧг. Газетӧ сетан статьяс дӧнад пискаджыкӧн колӧ лоны и секретариатлы.

— Юрий Лобановкӧд ми тӧдсаӧсь, ар кызь вита, заочнӧ помавлӧма историко-филологическӧй факультетлысь коми отделение,— мыйсюрӧ стӧчмӧдӧс Амосов.— Статья петӧм бӧрас мен звӧнитліс и тайкӧ оз бӧрд: ме пӧ нӧрпала пытшкӧс висьӧмӧн и некор эг юлы и ог ю. А ті пӧ газетад гижанныд: волӧс сиктӧ эз журналист, а юысь морт, и гажъяліс куим лун. Ме пӧ пыр вӧлі ӧглаын районса прокуроркӧд да нарсудьякӧд, и узим пӧ посёлокас сӧмын ӧти вой. Сӧсся и, менӧ пӧ тӧлысь сайын примитӧсны партияса членӧ кандидатӧн, дасьтӧны татчӧс газетӧ

редакторён, а ті пö со мый вöчинныд! Кöсйö сетны судö заметка гижысьсö и газетнымöс, и юöртны обкомö, онö кö пö сетöй опровержение.

— Бур, мый талунъя летучка вылын кыптіс татшöм колана сёрни,— шуис Евсей Никитич.— Буретш дас öти во сайын ме кырымалі «Коми ордым» газетлысь медводдза номерсö. Тані пукалысьяс пöвстысь унджыкыс уджалöны газет котыртан медводдза лунсяныыс. Пöра нин, мед газетнымöс радейтісны, унджыкөн судзöдісны, мед шыöдчисны отсöгла да сöветъясла, а збыльсьсö мый? То öти, то мöд корöны сетны веськöдöм. Ми эгö на вунöдöй вит во сайын лöөмторсö, кор миян сотрудикулөн статья вöсна льöмдінса честнöй коммунист сотіс асьсö и керкасö. А öд сетім кö веськöдöм, мый статьяын унатор абу збыль и автор корö прöща, тайö трагедияыс эськö эз ло.

Евсей Никитичлөн сёрнитігөн съöд кудриа юрсö улö лэдзöмөн пукаліс кывкутысь секретар. Öд статьяыслөн авторнас вöлі ачыс Нина Максимовна.

Летучкалөн воддза юкөнлы кывкöртöдсö вöчис редактор Курыдкашин:

— Кыдзи тыдовтчис талунъя сёрниысь, медся кывкуттöма уджалöма бöръя кадас культура отдел. Пыдди пуктана писательяс, мыйта колö фантазируютöй асланыд художествоа гижöдъясын, но энö газетö статьясын. Редакция нимсянь прöща корана письмöсö гижа ме ачым и йöзöдам локтан четвергса номерын. Талун жö звöнитла обкомö, печать секторын уджалö менам земляк, менам бур ёрт, и сёрнитчам ськöд: воасны кö сэтчö газет вылö норасяна письмöяс, мед не кыпöдны ыджыд шум.

— Летучка нуöдам водзö,— «власьтсö» ас киас бара босьтіс кывкутысь секретар.— Öні кутам планируютны локтан четвергса да субöтаса номеръяс. Коді мый вöзйö? Кузнецов, тэ вöлін командировкаын. Мöд лист бокö воссянінас мыйкö лöö?

— Лöö. Машинак вылын, час мысти вая.

— Ыджыд-ö?

— Кыксö ветымын строка.

— Колö эськö, статьятö мед вöлі йитöма Сöвет власьтлөн юбилейкöд

— Сы нима социалистическöй ордйысьöм йылысь и эм.

— Авторыс ачыд?

— Абу. Меөн котыртöм. Авторыс райкомса секретар.

— Водзö коддөн мый эм?— видзöдласнас нуöдіс пукалысьясöс Нина Максимовна.

— Любöй лист бокö позьö сетны респотребсоюзса юралыськöд интервью, көні сёрниыс сиктса йöзöс промышленнöй төваръясөн могмöдöм йылысь,— вöзйис промышленность да транспорт отделысь Иван Порсьпелев.

— Көні интервьюыс?

— Со, сьöрын.— Порсьпелев пуктіс материалсö секретарлөн пызан вылö.

Пуктісны и мукöдъяс, кодъяс локтöмаöсь летучка вылö дась гижöдъясөн.

Планёрка помасьöм бöрын Влас Ефимович корис пыравны Кузнецовöс аслас кабинетö.

* * *

- «Шестая»,— кыліс телефон трубкаын.
- Бур лун, Ирина Ивановна.
- Бур лун, Викентий. Кызь минут мысти менам сменаӧй помасьӧ. Кӧсьян аддзысьлыны?
- Да, кызди-й сёрнитчылім тӧрыт.
- Кӧн кутан виччысьны?
- Сэні, площадь вылас, кӧні тай сизьдӧны Ленинлы памятник.
- Ладнӧ, а кызди тӧдмалам ӧта-мӧдӧс?
- Ме руд костюма, ӧчкиа, съӧд юрсиа, корсьюрӧ кута нёнъштлыны каллян. А тэ?
- Лӧз юбкаа, еджыд ковтаа нывбабаӧс кӧ аддзан — сійӧ ме.
- Здук-мӧд мысти ме пета редакцияысь.

Викентий лэччис чой горув, универмаг дорын нывбабаяс вузасисны дзоридзьясӧн. Ывлаыс югыд да шоныд, и татшӧм мича лунӧ нывкӧд медводдзаысь аддзысьны дзоридзьастӧг — абу лӧсьыд. Тшӧктіс гартыштны куим дзоридз, кызди шусьӧны, эз тӧд, да индаліс чуньяснас. Перйис каллянсӧ и ӧтарӧ-мӧдарӧ дзӧръялігтыр веськӧдчис площадьлань. Син сайын кӧть и вӧліны тӧдсаӧсь, но ӧта-мӧд йывсьыс нинӧм на эз тӧдны. Викентий эз вермы гӧгӧрвоны, мыйла Иринаыс кӧсйысис отсавны сылы корсьны патерасӧ? Сӧмын-ӧ сы вӧсна, мый найӧ землякъяс? Батъыс, Иван Иванович, висътасьліс: нылӧй пӧ карын верӧс сайын и ӧтарӧ пӧ виччысям сысянь внукӧс ли, внучкаӧс ли. Сэксянь коліс вит во и та дыранад вермис вежсьыны унатор Ириналӧн олӧмын. Семьяа нывбаба кӧ, мыйла удж бӧрас оз тэрмась гортас, а мунӧ аддзысьлыны тӧдтӧм том мужичӧйкӧд? Ӧттор-мӧдтор думайтіс Викентий тайӧ здукъясас. А думайтіс сы вӧсна, мед колана ног кутны асьсӧ том нывбаба водзын.

Квайтымын кыкӧд воын Дзоль сиктӧ командировкаӧ ветлӧмсӧ, кынмалӧм кукурузаа мубокса борйын Иван Ивановичкӧд сёрнисӧ бура помнитӧ Кузнецов. А сёрнитіс сэки батъыскӧд пыдди. Ӧд Иван Иванович да батъыс чужлӧмаӧсь ӧти и сійӧ жӧ воӧ — Первой мирӧвӧй война сувтан воӧ; кыкнанныс гӧтрасьлӧмаӧсь дас кӧкъямыс арӧсӧн; ӧтиыслӧн и мӧдыслӧн гӧтыръясныс медводдза каганысӧ, нывкаясӧс, чужтасны ӧти и сійӧ жӧ воӧ — комын коймӧдын. Викентийлӧн ыджыдджык чойыслы, Текуса Григорьевналы, таво тырис комын нель арӧс. Сідзкӧ, та мында жӧ арӧса и Ирина Ивановна. Сэк, кор Викентий медводдзаысь бӧрддзис мам кынӧмсьыс петӧм бӧрын, Иралы вӧлі вит арӧс. Верӧстӧм кӧ, Викентийлы эськӧ ныма на да. Друг да, весиг чангыль ныра? Нёнъштіс каллянсӧ пӧв-мӧдысь, быттӧ корис Лиза обсянныс да Мирон дядьсянныс бурсийӧм тайӧ аддзысьлӧм вылас.

- Викентий?— бӧрсянныс асьыс нимсӧ кыліс Кузнецов.
- Да.
- Мый сідзсӧ думайтан? Ме бокті мунін и эн казяв менӧ. Ира, Ирина ме,— мыччис ичӧтик, небыдик кисӧ аныд — мелі чужӧма, розя банъяса, быттӧ чужигас мамыс пыр кезлӧ кольӧма сэтчӧ чунь туйсӧ; гырысь синъяса, кытчӧ быттӧ энэжыс

койыштöма лöz рöмсö; ичöтик нырыс чангыльтчыштöма, быттö чужöма сэтшöмнас дзоридз дукъяс исалöм ради; телефон пыр кывлöм гөлöсыс öнi кажитчис ма кодь юмолөн да зон бердö сибданаөн.

— Тайö, Ирина Ивановна, тэн,— мыччис дзоридзьяссö Викентий, кодi некыз эз вермы вештыны видзöдлассö нывбаба вылысь. И, тыдалö, думыштіс: «Тэн эськö ворсны мича аныяслысь рольяссö Коми драмтеатрын».

— Пасибö, Викентий. Шу менö прöстö Ираөн. Кор и дыр-ö кежлö колö тэн патераыд?

— Сюрас кö, кöть талун жö эськö вуджи. Дыр-ö кежлö? Кытчöдз оз вöтлыны, сэтчöдз и кута овны.

— Ветлам нöсь менам пöдруга ордö, сылөн куим жыръя квартираыс. Пыр норасьö мен: гажтöм пö öткöныдды.

— Мыйла öтнас?

— Тайö кузь история, но дженьыдика висьтала.

— Ачыс пöрысь али том?— терпенньöйс абу Викентийлөн, унджыктор окота тöдны выль кöзьяка йывсьыс.

— Ме кодь арлыда. Уджалö телефонисткаөн жö. Öнi отпус-кын. Лунвылö муніс.

— Кыдзи сэтчö кöзьякатöгыс веськалаам?

— Ключсö мен колис.

— Верöсыс көн, челядьыс?

— Вöліны кö верös да челядь, ми эськö сэтчö эг мунöй. Во-ысь дырджык нин мужиктöм.

— Кытчö нö лоис?

— Викентий, эн тэрмöдлы менö.

— Прöстит, Ира. Менам модаöй сэтшöм: тöдны унджык да öдйöджык.

— Мужикыс тані уджавліс архитекторөн, тöдмасьлісны тожö телефон пыр, кызди-й тэа-меа тöдмасим. Сэсса гöтрасисны, эз вöв некутшöм свадьба; правда, гижсисны, но пöдругаöй памилле-сö ассьыс эз веж. Горисполком сетіс том гозъялы квартира, кытчö и ми öнi мунам.

— Мыйла верöсыслысь овсö эз босыт?

— Верöсыс эз вöв ни коми, ни роч, а национальностыс вöлі армянин — Серо Николаевич Ханзадян. Ме кö пöдруга места-ын, татшöм овтö эськö эг жö босыт.

— Öнi Комисыд быдпөлöс ова йöзсö нин поэö аддзыны. Кувсис али мый Ханзадяныс?

— Муніс Арменияс.

— Гöтырсö мыйла эз ну? Дыр-ö олісны гозъя мозыс?

— Пöшти сизим во олісны öглаын. Кыдз ме тöда, олісны век мирөн да сöветөн, но...— Ирина татчö тшöкмуніс. Чöv олыштіс, висьталіс водзö:— Мунöмыслы помканас лои сійö, мый эз ло челядьныс. Правда, гöтырыс сьöктыліс, но кагаыс кынöмас на доймис... Вай вежам сёрнинымös. Со, тыдалö нин керкаыс.

Öти шөр улича пölөн сулаліс кык судта некимын пу керка. Ортсысянныс эжöма вагонкаясөн, краситöма разнöй рöмөн. Быд керкаын кык подъезд, быд подъездын куим жыръя нель кварти-ра. Öшинь улас ыджыд площадька, кöнi лöсьбöдöма челядьлы уна сикас ворсанін. Ирина восьлаліс водзынджык, и керкаяс дорын быд паныдасыськöд чолöмасьліс, быттö ачыс тожö тат-

чӧс олысь. Кайисны мӧд судтаӧ, Ирина восьтіс площадкавывса веськыдладор ӧдзӧссӧ. Коридорсянныс тӧдчис сӧстӧмлун. Порог дорас пӧрччисны кӧмсӧ, и Ирина босьтчис тӧдмӧдны патеранас.

— Тайӧ кухня. Тані эм газ, кӧдзыд ва локтӧ, пӧсьыс оз лок. Та вӧсна и тайӧ керкаясас абу ванна, но шонтӧны батарейкаяс-сянь.

Кык комната ичӧтджыкӧсь, коймӧдыс ыджыд. Сэні ӧти пельӧсын сулаліс сыръя дора еджыд пызандӧраа пызан. Викентий казяліс сзъ торъя рама пытшкысь куим фото. Ӧти снимок вылын вӧлі сьӧд пашкыр юрсиа, сьӧд уска мужичӧй; мӧдас — розя банъяса том нывбаба, коді ӧна муніс Ириналань. Коймӧд снимок вылын тайӧ кык мортыс сулалісны орччӧн ӧта-мӧд бердас кутчысьмӧн кутшӧмкӧ море берегын. Уска мужичӧйыс голиянныс гӧгйӧдзыс читкыль гӧна и мыйӧнкӧ да муніс ӧблезяналань, ськӧд орччӧн радысла нюмъялысь вӧсньыдик коска, яа лядвейяса, купайтчан костюма том нывбаба. Зонмыд ӧні тырвыйӧ гӧгӧрвоис, мый тані и олӧ ачыс Иринаыс, а оз некутшӧм пӧдруга.

— Ирина Ивановна, тэ зэв мича нывбаба, а снимок вылад дзик нин артистка кодъ, Людмила Гурченколань мунан,— шуис Викентий и виччысис воча кыв кӧзяйкасянь, коді мыйкӧ ноксис кухняс.— А этійӧ гӧна мужичӧйыс, гашкӧ, и верӧсыд да?

— Викентий, ӧна жӧ тэ сюсь да наян,— кыліс нывбаба гӧлӧс.

— Татчӧ локтігӧн сёрнисъыд нин ме гӧгӧрвои, мый тэ висыталан ас йывсъыд, а он мӧд морт йылысь.

— Кыдзи гӧгӧрвоин?

— Зэв прӧстӧ: тэ, ме моз жӧ, он куж пӧръясьнытӧ.

— Пырав кухняс. На, дзоридзьяса тайӧ вазасӧ сувтӧд сійӧ пызан вылас, кӧні фотоясыс.

— Менӧ волнуйтӧ ӧтитор: тэ менӧ примитан патерант пыдди али он? Со, эсійӧ медічӧт комнатаас. Али Ханзадянсьыд полан, друг да локтас?

— Тӧлысь сайын воис сысянь бӧръя письмӧыс. Гӧтрасьӧма армянкакӧд...

— А тэ мый вочавидзин?

— Чолӧмалі медбур кывъяснас. Ми вед бурӧн торйӧдчим, другьясӧн колим. Радейтім ӧта-мӧднымӧс, ӧнӧдз гижӧ письмӧас «любимаяӧн».

— Збылысь, тэнӧ не радейтны оз позь. Абу кӧ гусятор, кыдзи эськӧ воштін кагатӧ?

— Тӧвнас, посводз пос кузя кайигӧн, вильді и лёкногӧн уси... Веськалі больницаӧ... Эг кӧсйы, да висытала нин, тэ жӧ шуин, пӧръясьнытӧ пӧ он куж. Ме ог вермы лоны мамӧн. Ӧти кывйӧн кӧ, ме тэ водзын ачымӧс гутӧді.

— Но ме аддза тэнсьыд сӧмын бантӧ. Ленинлӧн гӧтырыс, Надежда Крупская, эз жӧ чужтыв кагасӧ, но оліс пӧрысьӧдз и век уджаліс.

— Ладнӧ, лок и ов. Сӧмын ӧти условие: мед некор и ни ӧтиысь эз вӧв вайӧдӧма боковӧй нылӧс, рӧднясьыд ӧддор. Ме тӧд вылын кута пӧдругаястӧ. Тайӧ пу керкаясас эм татшӧм жӧ некымын квартира, кытчӧ овмӧдӧмаӧсь кык семья. Тэа-меа татчӧ тӧрам и меным гажаджык лоӧ.

— Пасибö, Ирина Ивановна.

— Ме тэысь пöрысьджык, да сы вöсна менö овнанас ыдждöд-лан?

— «Пöрысь» кывсö сэсся мед ме некор эг кыв. Оз лöсъяв тайö кывйыс тэн.

— Пузбöдам чайник и пызан сайын чай юигмоз сэсся водзö тöдмасям.

— А ме лавкаö котöртла.

— Мыйла? Он-ö винала?

— Винала. Тöдмасьöмнымöс колö «мыськыны».

— Чайон «мыськам».

Пукалісны кухняс. Пукалісны кызь öкмыс арöса журналист да комын нель арöса телефонистка: гöтрасьлытöм на Викентий Кузнецов да верöснас эновтöм Ирина Логинова. Зонлы некыдз эз эскыссы, мый тайö мичаник аныыс оз вермы лоны мамон. Гашкö, пөръяліс? Гашкö, эз лöсъявны армянскöй да коми вирыс? Эн жугöд юртö, Викентий. Кутшöм тэн делö сэтчöдз, вермас-ö лоны мамон Иринаыс? Али вевъялін нин любитчыны? Тыпу! Не кө эсйö Дорофейыс, и водзö на эськö олін Маша ордас. Аски и вуджас Ирина ордас, Викентийлөн олöмын заводитчас выль лист бок. Кутшöмөн лоас сйö-а? Оз, прöстö патерантөн тані оз ло. Дай Иринаыс, надейнö, примитіс сйöс эз сöмын кыдзи патерантöс, öд сылөн кодь арлыда нывбабаыдлы нянь-солысь öтдор и нöшта на мыйсюрö колö, и, медводз — сйöс тошкалысь.

— Ирина Ивановна, эн дöзмы, көсья фантазируйтыштны. Позбö?

— Ог жö дöзмы. Сöмын тай тэ менö бара на пöрысьтін: ов-наон шуин.

— Сідзсö быттö кивывджык шыödчыны тэ дінö.

— Ладнö, кыз көсьян, сідзи-й шу. Кывза тэнсьыд фанта-зиятö.

— Мекöд воча пукалысь аньлөн морös вылысь аддза кык сикт — Дзоль да Кежемка, на костöд лöня визувтö Эжва, ю кузяыс кывтö пыжа, а пыжас пукалам тэ да ме, öта-мöднымös резйыштам сöдз ванас. «Мед эськö дырджык оз помась тайö туйыс»,— шуан бытбöккö тэ. «Оз помась сэтчöдз, кытчöдз ачыд он помав»,— шуа бытбöккö ме.

— Абу эськö лöсьыд, да юала: уна нылös нин ылöдін ас нэ-мад?

— Ылöдчан модаыд абу менам. Нывъястö ме верма сöмын радейтны. Вöвлі, кор ачымös ылöдлісны нывъясыс. Тöдан, мый сйö сэтшöм муслуныс? Неважөн гижи ме со татшöм кывбур:

**Ыджыд муслун сины ставлы
Кывбурөн ме көсья.
Муслун — сйö оз тöд арлыд,
Тöдлытöгыд öзъяс.**

**Муслун — сйö сьölöмкылöм,
Воштылан кор унтö.
Овлö: вомгорулад сьылан,
Шөгсян вой и лун тэ.**

**Муслун — кыкылы öти вольпась,
Кыкылы öти юрлös.**

Окыштан да, медем кольмас
Муса нывлӱн юрис.

Муслун — югыд, мелі тулыс,
Кор тай вӱр-ва юргӱ,
Кодыр ӱти шебрас улын
Ныла-зонма кургӱ.

— Ой, сэтшӱм лӱсьыдик кывбур. Кӱнкӱ йӱзӱдӱма али абу? — ошкана шуис Ирина.

— Некытчӱ эг вӱзйив, оз жӱ йӱзӱдны-а.

— Мыйла?

— Коммунизм стрӱитан кадӱ позьӱ мӱй ӱти шебрас улын кургыны ныла-зонмалы?

— Оз кӱ кутны кургыны, оз лоны и вьль чужысьяс, некодлы лоӱ стрӱитны коммунизмсӱ.

— Ме тӱ моз жӱ мӱвпала, сы вӱсна и гижи кывбурсӱ. Аски нӱсь ме вая кӱлуйӱс?

— Вай. Рытнас ме дасьта тӱн эсӱйӱ комнатасӱ. Часлы, ме тӱныд ӱдзӱс томанысь кӱчсӱ сета.

Викентий чупнитӱс кӱзййаыслысь алӱймыштӱм бан боксӱ и петӱс.

Ирина Ивановна пырис ыджыд комнатаас. Сувтӱс стенин ӱшалысь ыджыд зеркалӱ водзӱ и синъяснас кутӱс донъявны ассьыс туша-мыгасӱ: гӱгӱр на мича да лӱсьыд; со тай, журналистыд нӱньясӱ ӱткодялӱс и ӱтиыслӱн, и мӱдыслӱн чужан сиктъяскӱд — быд морт олӱмын донаторъяскӱд. Ни чужӱмас, ни голи гӱгӱрыс — некӱн на абу чукуртор. Ой, сӱмын на ӱд комын нӱль арӱс, дзоридзалан кад, а сӱйӱ дӱва нин. Эз ков висътавны Викентийыслы, мый сӱйӱ оз вермы лоны мамӱн. Вот йӱйыд, аддзис, мыйӱн ошйысьны гӱтыртӱм том морт водзын. Ириналӱн, кыдзи нывбабалӱн, ставыс на ас местаас и вермас на воштыны этш вывсьыс любӱй мужичӱйӱс.

Оз, оз патерант пыдди примит Викентийсӱ аслас квартираӱ, а примитӱ олӱмсӱ и сьӱлӱмсӱ гажӱдысьӱн. Друг да, шуас Енмыс да, и сьӱктас на? Эз кӱ мунлы Дзольсьыс и петӱс кӱ сӱн верӱс сайӱ, гашкӱ и, вӱлӱ нин мам-героиняӱн. Но киссьӱм ватӱ он курав. Колӱ миритчыны аслад судьбакӱд, кутшӱмӱс бӱрйин ачыд. Тырмас нин думайтны Серо Ханзаян йывсьыд, кодӱс комиа-роча ногӱн мичаа шулӱн Серӱжаӱн. Да и верман-ӱ ӱдйӱ вунӱдны мортӱс, кодкӱд пӱшти сизим во узылӱн ӱти шебрас улын. И ставыс тайӱ другӱн бырис, колисны сӱмын югыд казы-тылӱмъяс. Но Ирина том на и мича, и нинӱмла на овны толькӱ казытылӱмъясӱн. А вот пызан вывсьыс снимокъяссӱ патерантыд-лӱн син улысь ковмас меститны.

Викентийлы индӱм комнатаын вӱлӱ ставыс, кӱнӱ позис и уджавны, и шойччыны. Ирина мыйсюрӱ петкӱдӱс татысь аслас узылан комнатаӱ, кӱнӱ ставыс на сӱдз, кыдзи и вӱвлӱ Серӱжа дырйи. Паськыд пу крӱватын ӱнӱдз куйлӱ верӱсыслӱн юрлӱсыс, ковмас сӱйӱс идравны. А то сюсь синма журналистыд казялас орчча кык юрлӱстӱ и бара на мыйкӱ фантазируютас. И друг Ирина Ивановналы юрас воис мисьтӱм мӱвп: Викентий тыртӱ комын ар и мыйла гӱтыртӱм? Гашкӱ, абу мужик сямыс да? Мерин-патерантыд оз ков Ириналы! Сылы колӱ сэтшӱм мужик,

кодї эськӧ вермис вежны Серёжасӧ. И сы здукӧ быттӧ кылӓ Викентийлысь гӧлӧссӧ: «Ме вежа тэнсьыд гӧна морӧса Серёжатӧ!»

Ирина Ивановна камад йӧртӧдысь кыскис Серо Ханзадянлысь Еревансянь воӧм бӧръя письмӧсӧ. Пуксис крӧвать дорышас и син пырыс бара кутӓ нуӧдны гижӧмторсӧ. Пӧшти быд строкаын «дорогая, любимая Ирочка». Сэтшӧм кӧ дона да муса, мыйла ӧтнад утӧвтӓн Ереванас? Танӓ вӧлӓ тэнад бур удж, тэнӧ пыдди пуктӧм, мича гӧтыр, кодлы тэ вӧлӓн медводдза; эм оланӓн. Тэ и ӧнӓ радейтан ассьыд Ирочкатӧ, весиг письмӧтӧ помалан сӓдз, быттӧ ӧнӧдз тэ сылӧн верӧс. «Твой Серёжа» пӧ. Письмӧсӧ бӧр саймовтӓс йӧртӧдас.

Матыстчис уличӧ видзӧдысь ӧшиньянь. Туй пӧлӧн сулалысь джуджыд да пашкыр пуяс вылын коръясыс вежӧсь на. Вежонмӧд мысти кутасны вижӧдны. Тадзи жӧ пӧрысьмӧ и мортыд. Мыйла эз кольӧд Викентийсӧ гортас талун нин? Тӧдӓс кӧ, кӧн олӧ, ветлӓс да вайис эськӧ киӧдыс кутӧмӧн веськыда тайӧ крӧватяс. Мыйла весиг шуткаӧн эз шу: вай пӧ, Ирина Ивановна, гӧтрасям. Гашкӧ, мыйӧнкӧ эн кажитчы? Дай кажитчынысӧ ӧнасӧ нинӧмӧн: армянин сайӧ петалӧм, вит арӧсӧн пӧрысьджык, кага чужтыны вермытӧм нывбаба. Збыльысь тай, нинӧмӧн тшапитчынысӧ Ирина Ивановналы зон водзын. И дум вылас усис Серёжасылӧн письмӧ вылӧ вочакывйыс, кодӧс помалӓс кывъясӧн: «Вечно твоя Ирина». Пыр кежлӧ кӧ кӧсьян кольны Сероыдлы, мыйла жуглан юртӧ Викентийыс вӧсна?

Пырис узылан жырйӧ, личӧдчис улыс дӧрӧмӧдзыс, кӧсйис куйлыштӧмӧн шойчыштны, но посводзас триньӧбтӓс звӧнок. Некодӧс эз виччысь и повзискодъ, матыстчис ӧдзӧс дорас, юалӓ:

— Код?

— Ме, Викентий...

Паськыд пу крӧвать важӧн нин эз кывлы ныла-зонмалысь татшӧм пӧся кутчысьлӧмнысӧ. Викентий Григорьевичлӧн да Ирина Ивановналӧн пансис ӧтувъя олӧм. Кымын лист бока лоӧ налӧн ӧтувъя олӧмыс — эз тӧдны ни асьныс, ни романлӧн авторыс. Нывбаба дӧвӧля нӧдзласис крӧватын. Викентий кухняс восьса форточка дорын нӧнялӓс тшынасьысь йӧг каллянсӧ.

Водзӧ лоӧ на.



Гашкӧ, лоасны нималана ГИЖЫСЬЯСӦН

Юль 2–8 лунъясӧ Сыктывкарын, Россияса финн-угор шӧрин бердын, финъяслӧн Матиас Кастрен котыр отсӧгӧн таво дас коймӧдысь нин котыртчыліс том гижысьяслӧн Гожся университет.

Таво сэтчӧ мойвиис веськавны дас сизим енбиа ныв-зонкалы. Збыльысь мойвиис. Медым пырны, кӧть и Гожся, но век жӧ университетӧ, колӧ, мед тӧн ыстӧм уджъясыд вермисны «орд-йыны» мукӧдъяссӧ. Мед буретш тэнад кывбурсыд ли прозаа гижӧдсыд кӧть мыйкӧ да аддзисны велӧдысьясыд. Документальной проза лабораторияын — тайӧ «Коми му» газетын зі-льысь Павел Иванович Симпелев; художествоа гижӧд юкӧнын — республикаса гижысь Котырса литературной консультант Ангелика Геннадьевна Елфимова.

Дерт, окота босьтны велӧдчынытӧ дзик ставнысӧ, кодӧ ыстӧ гижӧдъяссӧ, но кызди и быд конкурсын, танӧ тшӧтш жӧ аслас зумыд инӧдъяс. Та понда университетӧ веськалӧны медся-медсясыс.

Со найӧ, дас коймӧд Гожся университетын велӧдчысьяс, гижысьяс: Инта районас Петруньысь Кристина Проворная, Изьва районас Мӧшъягысь Александра Филиппова, Кулӧмдін районас Мылдінысь Татьяна Зайкова, Кулӧмдінысь Дарина Попова, Кӧрткерӧс районас Ыджыдвиддзысь Юлия Макарова, Виктория Макарова, Полина Старцева, Коми-Перым кытшса Кудымкарысь Юлия Жукова.

Журналистъяс: Луздор районас Абъячайысь Станислав Кетов, Кулӧмдін районас Улыс Ярашъяуысь Злата Третьякова, Кулӧмдін районас Тымсьӧрысь Дарья Белова, Удора районас Ёртомъсь Анастасия Зиновьева, Удора районас Важгортысь Мария Локачева, Кӧрткерӧс районас Типӧсиктысь Вероника Габова, Коми-Перым кытшса Архангельской сиктысь Ксения Петрова, Коми-Перым кытшса Белоево сиктысь Дмитрий Бражкин.

Медводдза «лекция» вылын ме аслам велӧдчысьяслы пыр висьтала: «Университетлӧн медыджыд могыс абу тӧянысь журналистъяс ли гижысьяс быдтӧм. Медыджыд могыс — чужан кыв да литература дорӧ муслунсӧ нӧшта «суктӧм» да «нӧгыльмӧдӧм». Но быдмасны кӧ тӧянысь коми газет-журналын нималана зілысьяс либӧ ыджыд кывбуралысь-прозаикъяс, кута нимкодясьны ог сӧмын ме, но и ставнас Коми муным».

Гӧгӧрвоана, мый вежоныд тайӧ аминь этша не сӧмын мыйкӧ велӧдны, а весигтӧ тырвыйӧ восьтыны челядьлысь сӧлӧм-ловнысӧ, матыстны найӧс ас дорад, эскӧдны. Юксьыны ставнас, мый ачид кужан, тӧдмӧдны, мый бур йӧзыс висьталӧны.

Шойччыны «студентъяслы» сюрліс сөмын съод войнас. Луннас аддзысьлём-велөдчөм, рытнас газет лэдзөм да гортса удж вөчөм. Медъяна нывъяслы съөлөм выланис воёма вөлі гижысь-яскөд паныдасьлөмъяс. Коми Республикаса народнöй поэт Владимир Тимин, «Войвыв кодзув» журналса шөр редактор, поэт Михаил Елькин, прозаик Александр Ульянов, Коми Республикаса йöзнима гижысь Елена Габова, поэт Андрей Попов, «Арт» журналысь шөр редактор, поэт Галина Бутырева, драматург Алексей Попов, том поэт Ольга Баженова (Гожся университетлөн жö быдтас). Найöс пö ас синмөн аддзылөмыс нин ыджыд шуд. А кор найö нырнысö лэптавтöг, быттö тшöтшъяяслы, висьтасьöны олөм-вылөм йывсьыныс, литература йылысь, кутшöмкö гусяторъяс восьтöны, сэки пö и гижнытö мам кывнад сё пöв окота.

Университет котыртысьяскöд таво водзвыв сёрнитчöма лоис, да велөдчысьясöс нулісны Иван Куратовлөн чужанинас, Кебраö, поэзиялы сйөм гаж вылö. «Закар керка» водзвылын лöсьöдөм сцена вылын, став сиктса йöз водзын челядь лыддисны ассьыныс кывбур-висьтъяс. Налы быдөнлы сетісны эскöдана гижöд Гожся университетын велөдчөм йылысь.

Чайта да, Иван Алексеевичлы вöлі нимкодъ, мый сылысь чужан кывсö оз вунöдны, а мöдарö, буретш том войтыр зильö, мед сйö и водзö юргис Кебра-матушка весьтын да Коми мулөн быд пельöсын.

Анжелика Елфимова.



Татьяна ЗАЙКОВА



Мöвпъяс

Сэки, кор ывлаыс лöнь и сынöдыс шоньд. Сэки, кор узьö на шоньд вольпас шонді. Сэки, кор дзользöны посни лэбачъяс.

Сэки и чужанныд ті, менам шуда мöвпъясöй. Ёнманныд-сöвманныд да кыпöдчанныд водзö, мортөн ветлытöм инъясö, вөр-валөн гуся позъясö, аддзысьланнуд шуда олөм чужтысь-быдтысьяскöд. Быд мичасö да югыдсö чукöртöм бöрын бөр меланьö бергöдчанныд. Ки-коклы козыланнуд гуся вынъяссö, шуда олөмлысь кöйдысьяссö.

Садьма да нюжöдча сэки, кыла ачымöс коланаөн, бур чужтысьөн.

Тадзи и кутам серпасавны шуда олөмсö.



Юлия МАКАРОВА

* * *



Но и гожом тайо!
Жарсо мыйта вайо!
Лёк.
Кор нин кымөр локтас?
Мыйкё ноксьо гортас!?
Лок!
Ачым косья тадзи,
Косья, медым вази!
Тодан?
Оз кё зэрыс жалит,
Енэжсё оз пальод,
Пода!



Кристина ПРОВОРНАЯ

* * *

Гожом чож төв йылысь мөвпала,
Гожом чож төв йылысь вөтала.
Кор пуясыс аканьон лоасны,
Кор ас дорас котөрөн корасны.

Кор толаыс синъясөс гажодас
Да сёлөмөс унзильысь пальодас.



Александра ФИЛИПОВА

* * *



Мыйла бара локтін,
Менсьым дышөс содтін,
Пытшкөс пачөс ломтін,
Пывсян өда лун?
Вөлі кё ме сиктын,
Некор эг во пикё,—
Войөдышти дикөн
Торкны юльысь ун!
Йөртөдчи ме карын.
Куньса синмөн жарын
Куйла гыжтөм каньон,—
Водзё удж оз мун.



Дарина ПОПОВА

* * *

Парма бокті шывгысь варов ю,
Менсьым чолөм чужан муөд ну,
Дзольгы-визувт, котөрт берег костті,
Морөс бердад ичөт сиктьяс позды,
Паськөд-вынсөд коми йөзлысь му.

Төвлы, шонді, сетчыны оз ков!
Шонты войвыв йөзлысь гажа лов,
Вөтлы бокө турөб, вынсө кусөд,
Садьмөд-ловзьөд коми йөзлысь мусö,
Медым некод көдзыдысь эз пов!

Гожөм кадся гыма шоньд зэр,
Разөд гөгөр өшкамөшка сер.
Пальөд ыджыд муслун олөм дорö,
Медым сьолөм йөзлөн эз вөв чорыд,
Медым некод лекторсö эз кер.

Коми мулөн челядь, зон да ныв,
Энö виöй дона чужан кыв.
Вөр-ва мамлы лоöй медбур өртөн,
Медым тшөтш и менам муса гортöй
Еджыд лым моз оліс нэмъяс чөж!



Юлия ЖУКОВА

* * *

Чулалісö и төв и тулысыс*,
А ны бöрын и локтіс гожумыс.
Өтöрын лоис зэв быдлаын жар.
А пытшкын менам öзйöм дзик
пöжар.

Он пышшы сысянь, он дзебсись
некыт,
И быдса лун виччысян ыркыт рыт.
Вот локтас сія, лоас быттö бур,
Но всё равно мылякö висьö юр.



* Перым-коми кывйөн.

Асшөрлуныс — вот чукөртөм

2006 восянь миян сиктъяс, грездъяс шусьоны асшөр веськөдлана овмөдчанінъясөн. Шуоны нөшта, миян пө сэтшөм жө асшөр веськөдлана овмөдчанінъяс, кутшөмъяс вөлөмәсь сар Александр Второй дырйи. Но татшөм видзөдласыс оз лөсяв збыль вөвлөмторйыслы, историяыслы. Өти-кө, дзик асшөр веськөдлана вөлөсьтъяс, сиктъяс, грездъяс и сәки эз вөвлыны, и өнi оз вермыны лоны. Сәкися вөлөсьтса правление, сиктса управление, уездса земскөй Управа, земскөй Собрание пырлісны Россійскөй империяса пытшкөсса делөяс министерство улө. И вөліны власьтлөн чорыд кабыр улын. Вөлөсьтса старшиналөн, сиктса старөсталөн, вөлөсьтса судлөн, писарлөн уджө ытырышъя сүйсьылісны госорганъясысь чинаяс: полицейскөй стражаса урядник, станөвөй пристав, уездса исправник, земскөй начальник, крестьянскөй делөяса чиновник, мирөвөй судья, следователь, стряпчөй-прокурор, податъяс кузя инспектор... Вөлөсьтса правлениелы, сиктса управлениелы индалисны земскөй да уездса судъяс, полицейскөй управление, госимуществояс кутан окружнөй управление, уездса управа и сідз водзө — губернскөй правлениеөдз, министрөдз, сарөдз. Вөлөсьтса правлениеын да сиктса управлениеын гижөм-лөсьөдөм кабалаяс быд боксянь донъявлісны вылынджык нин казътылөм чина йөз да учреждениеяс. И быд документ, быд шуөм найө вермисны киритны, бырөдны. Вылісянь жө индылісны ставпөлөс уджсө и вотсө. Сюся видзөдісны, кыдзи пөртсьоны олөмө индөдъясныс и медводз вот чукөртөмыс. Вот перйөмөн государственнөй органъяс медясө и личкисны вөлөсьтса, сиктса власьтъяс вылө. Старшина, старөста, писар, вот чукөртись, судья, магазея бөрся видзөдысь волісны быд овмөсө, быд му, видз вылө. Лыддисны гидкартаысь пемөсьяссөс, арталісны воөм урожай, турун юр лыд. Юасисны да гижалісны, уна-ө кыйдөс вөралысьяс вайөны гортаныс, мый дон вузалөны, уна-ө нажөвитөны сьом и аскөдныс гортөдзыс вайөны Из дорса заводъясын пес кералысьяс. Овмөсса көзяинлысь юасьлісны, уна-ө вый, яй, ас кыөм дөра вузалөны Усть-Сысольскса, Нёбдінса, Помөсдінса, Кулөмдінса, Серёговоса ярмангаяс вылын. Найө жө волывлісны кабакъясө, лавкаясө, төдмавлісны, уна-ө дон найө вузалісны вина-водка, мануфактура, шылльө-мылльө. И сідз водзө. Юасисны, унаөн-ө да кутшөм висьомъясөн висисны, унаөн-ө кулісны...

Во помнас став сикт-вөлөсьтса быд овмөслы вөчлісны кывкөртөд, и медводз вот мынтөм да бытьөн вөчан мукөд уджсерти. Вөгөгөрся отчөтсө лыддьылісны сход вылын да ыстылісны уездса податъяс управлениө, акцизнөй инспекторлы. Отчөт-нас төдмасьом бөрын инспектор ыстыліс быд вөлөсьтө виль во кежлө вот ыджда йылысь индөд — окладнөй лист, сійөс лыддьылісны сход вылын жө и юклісны вотсө быд овмөс вылө.

Кулөмдін вөлөсьтса старшина Егор Ногиев 1899 вося отчөтсө

ыстōма Устьсысольскса податнōй инспектор Иван Поповлы 1900 вося январ 10 лунō. Со сійō отчѣтыс (ѣна дженъдōдōмōн):

«Кулōмдінса Петро-Павловскōй вōлōсьтын, кытчō пырōны Кулōмдін, Носим, Кужба, Дон, Джеджим сиктъяс, Кулōмъю пōчинок, олō 1623 ай и 1750 энъ лов. На пиысь вот мынтысь 827 лов (ревизскōй лов). Вōлōсьтын эм: ōти трактир, мануфактураōн вузасян кык и шылльō-мылльōон вузасян квайт лавка. Тōварсō вōлі вайōма 8000 шайт дон, но вузалōма сōмын 1600 шайт дон. Войтырыс ветлōны вузасьны-нѳбасьны ярмангаяс вылō: Устьсысольскō, Нѳбдінō, Помōсдінō. Нянь да мукōд колантор нѳбны Устьсысольскса 81 номера сберкассаын вōлōсьтлōн эм 1969 шайт 61 ур. 488 шайт 46 ур видзōма пōжарнōй насосъяс нѳбōм вылō. Во чōжōн сотчис ōти керка, воштōмыс 150 шайт. Январ 25 лунсянь апрель 10 лунōдз йōз висисны скарлатинаōн. Унаōн куліны. Вōлōсьтлōн став муыс 7892 десятина. Сы лыдын гōран муяс 482/280, видзьяс 766/798, вōръяс 6580/1322 (десятина/сыв). Муыс быд лов вылō арталōмōн воō 4 десятина 170 сыв, быд вот мынтысь лов вылō 8 десятина 223 сыв. Муяссō, видзьяссō юклōны быд дас во мысти, куим арōссиянь арталōмōн. Во чōжōн ни ōти овмōс абу вōлі юкōма. Видз тырмытōм вōсна вōлōсьтсаяс арендуйтōны казналысь 237 десятина и мынтōны таысь 188 шайт 76 ур. Му вылас уджавны кōсьйтōм да кужтōмлун вōсна кык овмōслōн муыс абу. Найō жō оз видзны гортса пемōсьясōс. 1899 воō вōлі кōдзōма 99 четверть сю, босътōма 3168, идсō кōдзōма 389 четверть, босътōма 24896. Во кежлō сѣйōм да кōдзōм вылō оз тырмы 17740 пуд сю и 5000 пуд ид. Тырмытōм няньсō нѳбōны Вятка, Пермь губернясысь, Устьсысольскысь, 11 шайт 20 ур донōн быд пудйысь. Водз кынмалōм да пужъялōм вōсна няныс воши 1500 шайт дон. Во пом кежлас Кулōмдінса магазея кумын коли сю — 895 четверть, ид — 452 четверть.

Вōлōсьт пасъталаын видзōны: 589 вōв, 1692 мōс, 2752 ыж. Во чōжōн ошъяс да кōинъяс косявлісны да сѣйисны 5 вōлōс, 9 мōскōс, 15 ыжōс — 705 шайт дон. Зѣра гожōм вōсна туруныс тшыкис, и мōсьяссō арсянныс вердісны пызьōн сорлалōм идзасōн. Во чōжōн лои мынтōма вотъяс (шайт/ур): му нѳбōмысь (выкупные платежи) 1093,21; муōн пōльзуйтчōмысь 41,86; вōрысь 348,13 (сы лыдын и вōралōмысь). Нōшта лои мынтōма сборъяс: Устьсысольскса земстволы 531,25; вōлōсьтъяс да сиктъяс видзōм вылō (мирскōй сбор) 1604,47; страхōвōйяс 138,03 шайт. Ставсō 3756,76 шайт. Быд лов мынтіс 3 шайт 81 урōн. Уджйōзаōн некод эз коль. Вотъяссō индōма сѣйысь морт лыд да му-видз мында сертиыс. Вотъяссō и сборъяссō мынтісны добровольнōя: вот мынтытōмысь, мынтысьны нюжōдōмысь некодōс чижовкаō эг йōртлōй, судō эг сетлōй, полицияōс эг корлōй, эмбурсō эг жō некодлысь гижавлōй да вузавлōй, пашпортъяссō нажōтка корсьны мунысьяслы ас кадō жō сетлім. (Эз кō мынты вотсō, пашпортсō эз сетлыны, а мунліс кō заводō вот мынтытōг, сійōс вайлісны сиктас полиция пыр, вōлōсьтсалōн жō тшōт весьтō — А.П.)».

Вōлōсьтсаяс ас тшōт весьтō жō лōсьōдісны-дзоньталісны туйяс, посъяс, видзисны юяс вомōн вуджанінъяс, му-видз гōгōр сувтōдісны потшōс, войяснас караулитісны вōлōсьтнысō. Вичко-

салы нуисны нянь руга сю 480 пуд, нөшта вичко праздникяс дырйи 80 пуд пөжалөм нянь. Мынтисны удждон вичко стөрөжъяслы, звөнарлы, вичко старөсталы. Могмөдисны удждонөн: старшина Егор Ногиевлы во чөжөн мынтөмаөсь 70 шайт, вөлөсьтса судын председатель Иван Липинлы 10 шайт, магазеякум бөрся видзөдысь Петыр Поповлы 15 шайт. Ас вынөн жө йөзыс веситисны-мерайтисны магазея кумысь нянь, вайисны сэтчө выль урожайысь нянь. Йөз колльөдисны рекрутъясөс, арестуйтөмаясөс, нуисны-вайисны чиновникъясөс, могмөдисны патераөн станөвойөс, урадникөс, земскөй начальникөс, мирөвой судьяөс...

Вотсө да сборъяссө мынтыны войтырыс сьөмсө нажөвитисны (морт лыд/нажөвитөм сьөм): вөралөмөн 87 морт/1240 шайт, чери кыйөмөн 9/88, сортовка лэдзөмөн да кылөдөмөн 165/12720,70, Из дорса заводлы пес кералөмөн 134/290, колльөдчөмөн-кыскасьөмөн 2321 шайт. Ставсө 16618 шайт. Нөшта чери кыйны вөлөсьтса тыяс арендаө сетөмысь воис 62 шайт 32 ур, кодөс ми видзим асланым коланаинъясө, земскөй начальниклөн разрешение серти. (НА РК, ф. 155, оп. 1, ед. хр. 106).

Россияын вот чукөртан мога ашшөр веськөдланіныс чужиссөвмис уна-уна во. Иван Грозный дырйи нин вөлі земство. Сэкисянь нин бөрйылісны ас сиктөн веськөдлысьясөс. 1671 воө Кулөмдінын вөліны бөрйөм старөста, судейка, целовальник. Налөн медшөр могнас сідзи жө вөлі вот чукөртөм да Москваө нуөм. Унаысь вотсө кулөмдінсалысь нулісны Уллынаса пустыннын олысь Тюрнинъяс — Филарет, Гурий, Иван...

И кор Александр Второй 1864 вося индөдөн вот перйөм могысь лөсьөдіс земскөй управление, лои позянаөн перйыны сьөмсө быд овмөсысь. Öд быд овмөс гөрис, көдзис, быдтіс нянь, видзис пемөсьясөс; вөралөмөн, сортовка лэдзөмөн, Из дорө ветлөмөн нажөвитіс сьөм. Казнасянь сәки грезд видзны-кутны ни өти ур эз сетлыны. Сетлісны кө мыйтакө, сөмын училищяслы Просвещение министерствосянь, 10–20 шайт мында кымын. А училищесө ставнас видзліс земство. Тадзи жө и видзлісны больничаяс, пельшерскөй пунктъяс. Кулөмдінса врач Ипполит Поповлы 2500 шайт жалованиесө земство мынтыліс Кулөмдінын, Джеджимын, Донын, Кужбаын, Носимын чукөртөм вөтысь. Вот чукөртөм могысь вөлі лөсьөдөма донъяс му-видз, керка-карта, мельница, кузнеча стрөйбаяс вылө. Сідз, 1 десятина муысь воис 1 шайт 20 ур, 1 десятина виддзысь 1 шайт 40 ур, керка донысь босьтлісны 6 прөчентсө, мельница плөтинаысь 20 прөчентсө, а мельничасысь 10 прөчентсө. 1889 воын быд воөм шайтысь перйисны 32,5 ур, 1900 воын 71 ур. А өні вөчөны мөдарө. Первой кисьтісны видз-му овмөсьяс. На пыдди нинөм эз лөсьөдны. Сәсся киссисны и ашшөр овмөсьяс. Тадзи быри вот мынтан подулыс. Öні, кызди и водзті, экономика вылын ыджыдалө политика. А колө эськө, мед вөлі мөдарө.



Двöйни вокъяс

В И С Ъ Т

Вөр пасьтала кыліс уджалысь бензопилалөн увгöмыс. Ойдöм берег доръясын да увтас вöраинъясын ваыс югъяліс быттьö көдзöм кодзула чиръясөн. Лöз сöстöм сынöдсьыс весиг пеляд тінъгис. Вабердса эрдъяс вежöдісны медводдза петасөн. Корсюрö петавліс небыдик тувсов төвру да меліа малыштіліс шоныд сынöд-нас.

Неыджыд чипас вöчöм бöрын пес карысьяс пуксисны шойчыны. Юрик чышкыштіс дөрöм соснас ньылöдöм чужöмсö да шуис вокыслы:

— Олегö! Нöшта сыв мыдта пилитам да тырмас сэсся. Колö на и шайтйöстö керавны.

— Но, видзöдлам,— вочавидзис мöдыс да нюмдіс.— Асы, вокöйö, видзöдлы, видзöдлы! Гачыд кузяла потöма!

— Сё егена гачö! Пöдлиннö!— Юрик чеччис да муніс вөр керкалань, но здук мысти нин Олег казяліс, кыдзи вокыс пышйö бөр.

— Олегö, Олегö! Чö, керка пытшкын тöдан коді?! Ош! Абу ыджыд, пониддзи,— повзёмысла джöмдалöмөн тельскис Юрик.— Лок ветлам... Ме эськö и пыки öдзöссö, да варгылъыс ставсö пакöститас-жуглас. Сідз нин пач вывсьыс яя шыдсö кымöма да джоджсьыс нюлö... А гашкö, кутны вермам да зоопаркö вузалам?

— Зо, жынан кө-а?! Гачтö первой дöм, а то кутігöныд ошпиыс тэныд стöч пакöсьт вöчас,— вомаліс вокыс.— Та-а-к! Колö думыштны!

— Мый тан думайтны?! Ме эсйö потшсö босьта, тэ — чер. Керка посводзын штенас öшалöны важ тыв да гез тшытшъяс... Вай öддьöджык!— тэрмöдіс Юрик двöйни воксö.

Кор «вооружитчöм» войтыр ньöжйöник осьтісны пыклöм öдзöссö, син водзас сувтіс тешкодъ серпас. Мед нин эськö став көлуй-дозмукыс туплясис пасьталаыс, да ошпи вöлі джынвийö пырöма пöлатъ горулö, көні мурзигтыр чашйис-курччаліс Олегаысь кузь чөръя выль резина сапöгсö.

— Ак тэ скöтина!— горöдіс скöрмöм мужичöй.— Нолы, пет сэтысь, дявöl! Öй-йö-йö! Выль сапöгöс косявліс...

Вокъяслөн повзёмыс быттьö вошис, но ошпилань найö оськовтісны видзчысьöмпырысь жö да ылісянь чöвтісны звер туша вылö бонзём тыв. Ошпи звирк петіс пöлатъ улысь да чеччыштіс боклань, но ловляö гаровтчöмысла равöстöмөн турбыльтчис стенлань.

— Юрикö, потшнас сйöс жмит, потшнас!— зыкнитіс вокыс да смела пласьтнитчис звер вылö.— А-а-а!

Кузь, көрт кодъ чорыд ош гыжъяс косявлісны сылысь сера вурун дöраысь гачсö да вирöдз парсыштісны Олегаысь лядвейсö. Юрик көтъ и зэв нин мырсис топöдны потшкөн вöрса гöсьтöс,

но немтор бурыс эз жö артмы. Винёв да вына звер пессис кызд вермис, а сэсса чашнитіс чери кыйсян лöвлясö да ымзöмөн шутёвтіс восьса öдзöс пыр ывлаö. Жутыльмöм, дöзмöм вокъяс мыйтакö прöста на пукалісны чöв, сэсса Олег шуис:

— Но мый, вокöйö, кутін ошпитö? Дöвöль лоин? Öні ачыз зоопаркад мун звер пыддиыс.

— Да ладнö, эн пинясь,— юрас кутчысьöмөн вочавидзис Юрик.— Дерт, коліс сöмын вöтлыны керкасьыс проклинöйсö, а öні, асы, кыкнанным гачтöм колим. Но нинöм, ем-сунисыс выйим...

— Медлым, ме первöй тöба дойясöс,— öлыштіс кинас Олег да перйис тув вылын öшалысь ташкаысь аптечка.

Сэк кості Юрик босьтчис идравны керка пытшкöссö. Кор петкöдіс ывлаö потшсö да дзугсьöм, косясьлöм тывсö, мед шыбитны найöс керка сайö, кыліс сэтысь кутшöмкö лёк дук.

— Мый-а тайö? Кытысь тані немирнöй дукуыс? Фу-у!— чукыртіс синкымъяссö мужичöй да веськöдчис понöль чукöрлань.— Тыпу! Кытчö талышті! И татчö на ошпиыс гадитöма! Тыпу! Сё сюраö! Вот и козин кольöма! Тыпу, восöдас!— ыджыз воськовъясөн Юрик öдöбсис ва дорö мыськыны лякöсьтчöм сапöгсö.

А Олег, дойяссö тöбöм бöрын, нускис нин суниса емөн — зіля дзоньталіс гачсö.

— И мыйла ме сійö кывзі? Но и йöй жö!— сьöкыда лолыштіс мужичöй.— Та-а-к! Öні медводз колö выльысь пусьыны.

Вадорсянь кыліс мотора пыжлөн увгöм шы. Олег босьтіс чайник-пöртсö да петіс. И збыльысь, вөр керкалань Дін тысянь еджыда-вижа колля-балая бадь кустъяс пыр пыськöдчис пу пыжа.

— Ö-ö! Бур лун, Павловъяс!— берегö тшукöм бöрын пыжысь чеччыштіс кузь тушаа уска мужичöй.— Юрикö, тэ нö мый-а ва дорас солькöдчан? Он-ö нин купайтчыны кöсйы?

— Зо, эн нин юась. Сапöгöс со няйтчöді да мыська,— яндысьöмпыр вочавидзис Юрик.— Ті нö кытысянь?

— Слöбöдасянь!— сигаретсö öзтігмоз шушкыльтіс уска гöсьт, кодöс нимтылісны Кöрттув Лёнён.— Öдва и воштöдчим тіянöдз. Важ «Ветерокыс» век дуръялö. Вась, детинаöй, кöть и том, да сямыс эм, но запчасьтыс абу. Мый сэсса каран. Васьö, лок нин мотор дорсыд! Медлым, пым тшай тані юам да вöлисти водзö катам.

Олег буретш удитіс нин биавны пес да ладмöдіс öшан вылö тыра чайник.

— Но, здорово, здорово, бур войтыр!— Олег матыстчис да киасис воысьяскöд.— Гашкö, и уна чöж лыйинныйд катігöнныд? Талун асывбыд стадаяс лэбаліны!

— Кутшöм нин чöж лыйöм!— нюмыштіс Лёнь да швачкис бонзьöм кролик шапкасö муö.— Гортсянь мöдöмыс сэтшöм вöлі... Первöй вина шомөн нуръяси, сэсса ружьеöс босьті сьöрам, а патронташöс вунöді! Тыпу, кутшöм сямö!

— Тайö на мый!— буретш матыстчис Юрик.— Миян асы, неважөн ошпи пыраліс керка пытшкö да куш пакöститіс. Вот тэныд и на!

— Збыльысь али мый?— чуймöм Лёнь весиг вомсö паськöдіс.

— Збыль, дерт! Ылöдчыны ог пондö,— тöдчöдіс Юрик.— Кутны на видлім, но Мишка «вокным» яя шыднымöс нятшкис,

выль сапөг пөв косявліс, Олеглысь лядвейсө парсаліс, дай нөшта на керка дорө ыджыд чукөр козин колис! Со кутшөм делөяссыс миян!

Сьөлөмсянныс сералыштөм бөрын ставөн пуксисны улич пызан сайө. Олег тувкнитіс Леньлы:

— Ті көть, батя-пия, энө висьтасьө, а то йөз серам...

— Ог зо, вокъяс, ог!— кыв сетіс мужичөй.— Абу өд ме ба- зарнөй баба!

Сёрни сайын и кадыс колис. Чай юөм бөрын гөсьтьяс мөдөд- чисны водзө, а вокъяс эштөдісны пес заптөм, да рытсө петісны ю вылө вөйтавын ветельяс.

Кыйсьысьяс сюся сувтөдалісны бадь кустъяс пөлөн тшукйөм кузь шайтьясө өти бөрся мөд ловля. А кор помасис нокуыс, му- дзөм лэдзигмоз дыркодь на чөв пукалісны пыжын да видзөдісны, кыдзи гөрдалөм енэжтас сайө пуксьө зарни тупось кодь тувсов шондіыс.

— Да-а, кутшөм югыд, шоныд да лөнь луныс вөлі. А кыддзыс да льөмыс син водзад и коръяссьөны!— лолыштіс Юрик да содтіс:— Но вай жө керкаө мунам. Бур, эськө югыд рыт-войыс, көть войбыд ловляестө чөвтась... А кывлін, Олегө, висьтасьөны, Йирваын пө оз сөмын дона чери вөдитчы, но быттьө и акула модаа кутшөмкө чери катө саридзысь?

— Тэ век кыськө быдторсө кывлан: то крокодилөс аддзылө- маось, то кузь сьыліа динозавр кодь васа Кривушев-ты шөрын петкөдчылөма... Заводит мотортө, мөдім!— öлыштіс кинас вокыс.

Ужнайтігөн вокъяс сёрнитчисны ветлыны асывводзсө чөж лыйны. Олег водзвыв лөсьөдіс кык таш тыр патрон, шомполөн югзьөдіс пищальысь ствол пытшкөс да нюмпырысь ошйысис вокыс водзын.

— Но, асывсө ковкөда чөжтө джын мешөк! Менө интуиция некор оз ылөд.

— Ог төд бара, кымынөс гымкөдан. А ме вот думайта, шойч- чыны нюжөдчывны али абу?— балябөжсө гыжйыштіс Юрик.— Кыкнанным кө унмовсям, бөж ни гөн огө аддзылө!

— Мый-а ог, вөтөн аддзылам!— серөктіс Олег.— Асы, радио- приёмник кывзам да чай нөшта юам, кадыс и кольө.

— Да ме нин чайник мыдта өтнам чайсө юи, ещө кө пара кружка юа, кынөмө потас,— дөвкнитіс юрнас Юрик.

Куньтырасысь Олег нюмъөвтіс да нюжөдіс, а сы бөрын пыр и омлёвтіс вокыс:

**Мөдлапөлын,
потшөс йылын
гулюяс окасьөны.
Батьө-мамө сёрнитөны,
Кыдзи менө гөтравны...**

**А ме гөтрасьны ог көсйы,
Көсья нөшта гулайтны.
Кымынысь нин талун несйи,
Бара ковмас думайтны...**

Татшөм сьылөмысь вөр-ваыс дрөгмуніс, повзьөм лэбачъяс весиг недыр кежлө ланьтлісны.

...Кык час мысти кык вок ньѳжмыда нин мунісны водзвыв бѳрйѳм местаѳ — сук бадь дінѳ. Сайѳдын дыр вѳрзыѳтѳг пукалѳмысь мышкыртчѳм Юрикѳс дрѳж босьтїс, а Олег мыр моз терпитїс.

Друг юр весьтас кылїс шувгѳм шы, а ещѳ здук мысти ва вылѳ, тѳчалѳм резина чучелаяс гѳгѳр, кык-ѳ-куимаѳн пуксялісны дас вит мыдта турунчѳж. И колѳ жѳ, грек вылѳ, Юрик сѳки гора несйис, но удитїс ѳтчыд лыйны. Куим чучела быттѳѳ ытш-кыштїс, пыр и путкыльтчисны. Лѳбзьѳм турунчѳжъяслы содтїс на и Олег, пулемѳтысь моз витысь дорся грымѳбтїс. Кор тшыныс разалїс, ва веркѳс вылын куйлїс кык кыйѳмтор да газет бумага-ысь килограмм коляс.

— Юрикѳ, тѳ кыкысь дорся лыйин?— юалїс вокыс.

— Кыдзи нѳ ѳти ствола пищальысь кыкысьсѳ дорся лыя?— чуймис Юрик.— Первой несйи, а сѳсся ачым ѳг тѳд, кытчѳ лыйи, но дрѳб зарадыс бура швачнитїс.

— Молодеч! Зѳв бура да стѳча тачыштїн,— ыззис Олег.— Асы, куим чучела вѳйтїн, кѳсѳй синмѳ!

Юрик кыв ни джын эз шу, а сувтїс да чуньнас индалѳмѳн пондїс лыддьыны:— Ѳтик,.. куим,.. квайт,.. дас кык,.. ѳкмысдас сизим!.. Да-а, куим кѳнкѳ абѳ. А гашкѳ, эгѳ казялѳ да кылалїсны?

— Но тѳ сѳѳтовѳд!— гаровтїс Олег, но другысь джѳмдїс, весьтас пыжлань шлывгис ѳтка дзѳдзѳг.— Юрикѳ, лый!— кинас ѳлыштѳмѳн горѳдїс вокыс.

Шѳйѳвошѳмысла мѳдыс крапкысис пыж нырѳ да здук ноко-шитчѳм бѳрын кыпѳдїс пищальсѳ и гымѳбтїс. Сынѳдыс потїс гора лыйѳмысь, пельясас дзеналїс. А дзѳдзѳг картофель мешѳк моз клупкысис неылѳ да сѳмын вѳрѳдїс кокъяснас.

— Фу-у!— сѳѳкыда лолыштїс Юрик да юрсѳ тшапа вывлань лѳптѳмѳн горѳдїс.— Со кыдзи колѳ лыйсьыны, а тѳ шуан «кѳсѳй син»? А нолы, ачыд мыйысь эн лый?

— Да, зо, абѳ зарадитѳма пищальѳй, эськѳ ачым и уськѳдї да,— гажтѳма да завидьпырысь шуис Олег.

Дыркодь на вокъяс пукалїсны, да кѳть и яра лыйсисны, но нѳшта кыйѳмтор эз нин ло.

Воѳдчисны вѳр керкаас да лунсѳ, кыдз шуасны, кулѳмаяс моз узисны. Пѳлатын стен бердас ляскысьѳмѳн, трико да майка кежысь, дзуртысь пу моз, гораа шкоргис Олег. Ѳти кокас, сера носкиас, розь пыр пига моз чурвидзис ыджыд чуньыс. Узыысь корсюрѳ ымзїс, сїѳ вѳтасис, кыдзи ыджыд чѳж стада лѳбѳ юр весьттїыс, а сылѳн пищальыс ѳтчыд ѳсечкаалїс, сѳсся мѳдысь, коймѳдысь... А-а-а!..

Мѳд пѳлатяс, тшайкѳма кѳмкотнас пласьткысьѳмѳн, дѳрѳм да трусик кежсьыс, пѳдѳм нырнас шутьялѳмѳн шойччис Юрик. Дзизгысь ѳтка ном ѳтторъя кѳсйис пуксьыны сылы чужѳмас, но гильѳдѳмсьыс морт шеныштлїс юрнас, а мукѳддырйи виччысь-тѳг вѳв моз гѳрдлїс. Вѳтыс Юриклѳн абѳ гажтѳм вѳлѳма. Пырис сїѳ сьѳд вѳрѳ пач чышкан лыс заптыны и паныдасис тѳдса ошпиыскѳд. Скѳрмѳмысла повтѳм морт вачкис зверлы нырбукас, но мѳдыс кватитїс лапаяснас гыркѳдыс Юрикѳс. Пансис тыш. Но мужичѳй вермис ѳтисѳ, тасмаѳн гѳрддзаалїс водз кокъяссѳ да вайѳдїс сїѳѳс вѳр керкаас.

Ѳдзѳсас зумыда тотшкѳдчисны. Ун пыр Олег сѳѳкыда восьтїс синсѳ. Керкаѳ пырисны кыкѳн.

— Здорово, узысь йоз!— видзаасисны Тим Жень да Кирёй Валер.

— Асы, зэрмис да кётёдіс. Быть ковмис тیان дорё тшуклыны,— висътасис өтикыс.— Кулёмъясёс видлім Дін-тыысь да этша тай шедіс чериыс. А ті мый-а кыйинныд?

— Ми төрыт на сөмын вөйтасим. Аски, гашкё, кутшөмкё «ёсьяс» Енмыс сетас,— шуис Олег.— Талун асывсё тай кымынысь и лыйим, да сөмын кык чөж да өтик дзодзөг сюри. А-а, выліті чөжыс лэбалё, сзёз войыс да асылыс вөлі.

— А-а, нолы висътась, збыль өмөй ош пыралёма керкааныд?— друтысь юалисны гөсьтыяс.— Төрыт на Көрттув висътасис!

— Ак! Но и болтун!— воча шуис Олег.— Да өд кыв сетліс!.. А ошпиыд збыль көзйиничайтіс. Кутны на көсйим, да төкөтё менё эз чашкөдды, лядвейёс тай пасйис кузь гыжъяснас. Но ладнө, вайё чай пуктыла, шонтысьыштанныд көть.

— Ог, ог! Пасибө, Олегө, ми мунам. Асы, и шонді бара петіс, зэрыс дугдіс. Но, волё асьныд Кривушевө, миянө,— киасисны мөдіг кыйсьысьяс да петісны.

Олег пасътасис да гөйкөдіс век на узысь воксё:

— Тэ дыр-ө кутан узыны? Öй! Сувт!

* * *

Колис сизим лун. Торъя ыджыд вежсьөмъяс эз вөвны. Вокъяс важ мозыс кыйсины да тыртісны ловнысё кыпыд вөр-васа гажөн.

И со выльлунө думыштчисны найө вөчны видзөдан вышка. Неылысь бөрийсны колана джуджда, кыз пожөм пу. Сэтчө медводз ваялісны көрт скөбаяс, кузь гез, чер да бензопила. Юрнуөдіс уджнас Олег, важөн нин мөвпалёма сы йылысь да.

— Та-а-к! Öти-кө, вокйө, кывзы, мый ме тэныд шуа,— заводитіс сетавны индөдъяс Юриkyслы.— Мөд-кө, вөч сідзи, кыз ме инда! Гөгөрвоин? Керав кузь шайт. А ме пока скөбаала пу дінсө да гезсө лөсьөда. Эк, жаль, кошкаясыс абуось, кутшөм тай электромонтёръяслөн, эськө өблезяна моз пу вылас кавшаси...

Көмтөгыс, дөрөм-гач кежсьыс Олег и сідз сюся, ур моз, увъяссө керавлөмөн да скөбаяссө тувъялөмөн кавшасис вывлань пөшти джын пусө. Сьөкыда лолалігтыр шыбитіс увлань гезсө да горөдіс:

— Юрикө, бензопиласө гөрөдзы, ме кыпөда!

Юрик вөчис, кызди тшөктіс вокыс, да öлыштіс кинас:

— Кыпөд!

Олег збодера пондіс кыскыны грузсө, но муртса эз вильды, артмис жө кутчысьны, а вот бензопилаыс гартчис пучерйө да нөшта на гезйыс гөрөдзассис кык ув дін костө.

— Юрикө, мый-а видзөдан? Шайтнас, шайтнас видды бензопиласө мездыны! Öддьөджык!— горзіс вывсянь Олег.

— Пыр, меддым!— кузь сьөкыд шайтсө өдва кутөмөн Юрик зургөдіс вывлань кыз вермис.

— А-а-а! Сё сираө! Кытчө нө, сітанө зуркөдан! Бензопиласө он өмөй аددзы, дявөлө?— сераліс дөнзём Олег.

Сэсся пикө воөм мужичөй керыштіс зэлалом гезсө, мыйысь бензопила, дерт, крапнитчис пу горулас, а ачыс пучеркөд сывъясьөмөн, лягөй моз нёжйөник лэччис муөдз.

— А-а, лешакыс мед нуас тайö шышка карöмсö,— гарыштис Олег да сьöлыштис.— Бур, Ен отсöгөн эг бруткыс дас метра вылнасянныс.

Та бöрын шышка карöм йылыс мöвпгъяс кытчöкö вошины. Но вокъяс эз шогсыны. Мед, эз кö артмы! А недыр мысти кык югид юрын чужис выль мöвп.

Вокъяс сулалисны берег вылын да паськыд тылань видзöдöмөн сёрнитисны.

— Вот татысянь и заводитам керавны-пилитны тшöкыд бадъсö! Войвывлань тыöдзыс ветымын воськов пасьта ордым писькö-дам,— шуис öтиыс.

— Кутшöм ордым? Тайö нин пасьтанас Краснöй площадь!— вомалис мöдыс.

— Но сэсса кöть мый, а весавны пырзöм берегсö непременно колö!

— Сидзкö, сöгласен! Кöть пöльза ас мулы ваям! Гашкö, кодкö и пасибö шуас.

— Кутшöм нин пасибö! Пасибö — пась вомад! Сидз шулывлöны. А вот вöр-ваыс стöч сывйыштас миянös!

Думгъяс думгъясөн, а недель чöж вокъяс весалисны баддъыс берег гөгöрсö. И эз лыддысыны, кымын литра бензин сотисны, кымын чеп орлалисны, кымын чер нуд чеглалисны, кымын ньылöм кисьтисны да вын сетисны...

Быдсяма виччысьтöмторыд артмылис. Шуам, кöть татшöмтор. Юрик сöмын пöрöдис кыз кос бадъ, кызди вöрзöдис чушканзi поз, пыкталöмöдз курччалисны, торйөн нин нырыс картофель пуль кодбöдз ыдждис. Лунтыр сэсса эз петав керкасыс.

Öти рытö Олег дзоньталис керка дорас паськöдöм роза ветьляссö, а Юрик пусис уличаын. Букуш тöла поводяыс тупкис енэжсö косясьлöм пемыд кымöргъясөн. Сийö и видзöд, зэрмас.

— Олегö, зэрмас öд. Дыр-ö на?— горöдис Юрик.— Асы, чайник пусис, медлым, пöрт коли öшöдны би вылö, яйсö нин мыськи...

— Тэ ачыд шыдтö пу öддьöджык. Меным куим розь сöмын коли вурны,— воча шыöдчис вокыс.

Юрик пукалис пекыль* вылын да терпливöя виччысис, кор пусяс чöж яйыс. Ырзöм бипур ыптъялис кузь биа кывгъясөн, быттö кöсйис ньылыштыны пусянтöрсö. Юрик содтис пöртгъяс нур да шырöм картофель, сэсса лавр кор, лук и переч.

— Ак! Мирöвöй шыд артмис!— дöвöль пусысыс исыштис булькъялыс шыд васö.

— Всё, помалі!— матыстчис бипур дорö Олег.— Но, пöвар, кор сёйны пондам?

— Дона вокöйö, виччышты недыр. Татшöм чöскыд шыдсö тэ некор на эн сёйлы,— нюмгъялыс Юрик тапнитис вокыслы пель-помас.— Пыр керкаас да лöсьöд пызансö. Медыджыд тасьтисö кöдж водзыс пырт. Минут дас мысти сёям.

«Ка-а-р! Ка-а-р!» кылис мышсянныс ракалөн кравзöм. Юрик бергöдчис, лэбачыс вöли пуксьöма матысса пу йылö.

— Прокшат голянад, карксан кор оз ков! У-у-х,— мужичöй öлыштис кинас, но мудер рака эз повззы, сöмын нöшта на гора кутис кравзыны.

* Пекыль (диал.) — чурка.

«Абу бур водзö кö-а тайö?»— думыштис Юрик да пыртис шыд пöртсö керкаас.

Здук мысти гора ырскөмөн вокъяс лупсуйтисны пым яя шыд.

— Молодеч, вокöйö, збыль, зэв чöскыд!— ошкис Юрикöс вокыс.

Друг Олег шыбитис паньсö пызан вылö да кыпöдис тасьтисьыс кузь кока лягöйöс.

— Та-та-йö нö мый?— джөмдис сийö.— Фу-у! Страм лягöйöс пуöмыд! Ачыд и сей! Тыпу!— Олег öдзöслань шыбитис аддзöмторсö да сувтис пызан сайсьыс.

— Энлы, энлы! Тайö эттöс кор васö курышті, тöдлытөг слöймöма,— кияссö паськөдис Юрик.— Да эн дöзмы. Асы, французъяс лягöйсö деликатес пыдди сейöны, и нинöм тай, оз брезгуйтны.

Вокъяс сэсся рытбыд эз сёрнитны, но яя шыдсö лун-вой чöжөн бырөдисны жö. Кыдзи шулöмаось вöйтти пöльяс: тайö ставыс ыртыртöд, сёянтор либö.

Колян арсö на вокъяс катöдлісны кык тыртöм көрт бöчка, канализацияса трубаяс да уна пöлöс көрттор, ставыс — кык прицепа пыж вöлі. А көртыс коліс, медем лöсьöдны чери-яй тшынöдан тэчас. И öні, лун чöжөн сийöс вöчöм бöрти, найö медводдзаысь тшынöдісны квайт кульöм-керөм чöж туша. Ёнджыкасö пöваритис Юрик.

Сийö гонняліс бöчка гөгöрыс да век видзöдис будильник вылö — лыддис кадсö. А сэсся шуис вокыслы:

— Олегö, помнитан, кыдзи коркö истан пöжавлі пым öгыр вылын?— вокыс докнитис.— Во-о! Мый, мый, а тшынöдны менам сямö тырмас!

Квайт час кольöм мысти Юрик босьтис бöчка вывсьыс вевтсö да крукөн кыпöдис са кодь сьöд туша.

— Да-а, первый блин комом!— рочыштіс пöвар.— Жаль!

Олег сьöлөмсяньыс содтис вокыслы пара «пöсь» кыв. Но мый сэсся вöчан? Йирисны и сотчöм яйсö, и весиг лыяссö кажгисны...

...Пöсь чайын сакарторъяс моз сылісны лунъяс. Надзöник помасис тулыс. Помасис и двöйни вокъяслөн отпускыс. Медбөр прöст лунын найö чукөртисны көлуйсö да мунöм водзвылас дыркодь чöv пукалісны бикур дорын. Олег да Юрик ас кежас сьöлөмсяньыс аттöалисны вөр-васö, медем регыд бара на локны да сывъясьны дона интъясыскöд.

Быд коми мортлөн выйим чужан керка, чужан кыв, чужан вуж, вөр-ва. Кымын крепыдджык йитöдыс, сымын тыр олöмыс. И вөр-ватөг коми мортлөн олöмыс артмö джынъя. Сыысь и крепаммö йитöдыс, лö медся озырөн асьтö кылөмөн да радейтöмөн. И кык вок коркö, гашкö, и тешкодьсь, но татшөмось жö: вөр-васö кылысьсь, радейтысьсь. И чужан Мутöгыс овны оз вермыны.





Сыскина Валентина Дмитриевна
чужис 1946 воын Сыктывкарын. По-
маліс Коми пединститут. Уджалис
Сыктывкарса да Межадорса школая-
ын. Өні олө Межадорын, туялө сэтчөс
репрессируйтөм йөзлысь олан туйсө.

«Медводдза висътөс гижи 1995 во-
ын рочөн,— висъталис редакцияö пы-
ралігөн Валентина Дмитриевна.— 2006
воын комиöді сійөс да сеті «Чушканзі»
журналө конкурс вылө. Но йөзөдісны
висътөс сөмын 2012 воын «Би киньын».

Сиам миян виль авторлы водзö лө-
сөдны висътъяс да сөвмөдны гижан
сямсö!

Валентина СЫСКИНА

Дженъыдик висътъяс

Муля

Ас керкаад олігөн каньыд быть колө. А то шыр-крысаяс пи-
кө воштасны. Со нэмсö и видзам кысукъястө. Өтияс пöрысьмас-
ны либö висьмасны, мөдъяс — вошасны, и бара лоö лөсөдны
выльясöс. Өні со менам виль кань жö, нимыс Муля. Уналы
нин висьталі, мися каньöй тешкодь, кужö и морт моз сёрнитны,
и ставсö гөгөрвоö. А суседкаöй шуö, менам пö каньöй сэтшөм
жö тешкодь, да нöшта на и роч.

Со өтчыд дасьтыси роч кань дорад ветлыны. Босьті гөснечтор —
чипан яй да нöшта мыйсюрö. Вои суседка ордö, а каньыс сылөн
өдзöс дорсянныс паныдаліс менö. Сійö рудоват, нинөмөн быттьö-
кө мукöдсьыс оз торъяв. И он гөгөрво весиг, коми либö роч.

— Ноко, Машö, сёрнитышт либö каньыдкөд!

Машö кисьтіс блюдйö йөв да шуö:

— Мурзик, кушайт, кушайт!

Ме нюмуні да нинөм эг шу. А Машö водзö висьталіс Мурзик
йылысь: «Оз позьтö» оз гөгөрво, а колö шуны «нельзя», «кысö»
пыдди, дерт жö, колö шуны «киса». Машö мыйкө дыр на висьта-
ліс Мурзик йывсьыс, а ме надзöникөн муні гортö да мөді думайтны,
а гашкö, мися, и менам каньöй роч жö, а гашкö, нöшта на мөд
пөлөс кывъя да... Видзөдан да, өд каньöй абу жö дзик прөстöй —
сиамскöй рöдысь: гöныс виж сора руд, синмыс лөз. Муля видзөд-
ласнас корö менсьым: вай пö калбас либö чери. А ме сылы
шуа: «Вöч прыг» — сэки сета и чöскыдторсö.

Муля котөрөн кайис паччөрö да сэтысян збоя чеччыштис-
лэбыштис крöвать вылө. Сылөн синмыс югъялө. Дерт жö, ме сі-
йөс вердышти чöскыдторйөн.

«Муля, лок петам ывла вылө!» — шуа сылы. Петім уличö, а
сэні сулалö «Жигули». Вася да Геня суседъясным мыйкө сёрни-

тöны. Видзöдам, а Муля капот вылас нин пукалö да том йöзлысь варовитöмсö кывзö, то öтик вылас видзöддас, то мöд вылас. «Муля, тэ тай нö мянлысь сёрнисö кывзан, тайö абу мича, а ноко мун татысь!»— Вася босьтис Муляös киас да пуксьöдiс машина пытшкас. А машина пытшкын лöсьыд; шоньд, югыд. Муля и унмовсис сэнi.

Асывнас мöдöдчи вала, ведраясөн гольöдча. А Муля порог дорын нин менö виччысьö. Öтлаын муним юкмös дорö. Муля ме водзын тшапа котöртö, бöжыс сувтса. Воча мянлы локтö Рекс понным. А кьдзи мянös аддзис, сэки жö и бокö кежис. Рекс быттö шензьö: «И кытысь татшöмыс воöма?» Дерт жö, Рексыд шуис Муля йылысь.

Кöть и ывлаыс кöдзыд, но шондiа да гажа. Со и челядь ис-ласьöны гöра вылын. Наташаным тшöтш. Сы гөгöр гартчö Рекс. Недыр мысти видзöддiм челядьлань.

— Ой, ой, ой!— чуйми ме.

Гöралань лыжи туйöд кайöны Рекс, Муля да Наташа нучкаö. Водзынджык, вöйласиг, мунö Рекс, сы бöрын, чеччалiг, котöртö Муля.

— Наташа! Наташа! Кут каньсö!— повзьöмпырысь горöдi.

Он на тай сийös кут! Наташа тэрмасьö, думсьыс кöсийö вöтöд-ны ёртъяссö, но öд и найö öддзисны. Мый и вöчны?

— Рекс! Рекс! Лок, мунам гортö, тэныд мыйкö сета!— зепсö шлапöдiгмоз шуис Наташа.

Рекс думайтыштiс да бергöдчис гортлань, сiдзкö и Муля воас.

Сэсся мянö воисны челядь да шуöны, мед пö Муляыд фокус петкöдлас. А ме шуа: «Челядь, мичаа пуксьöй да чöv олöй. Му-ля, Муля, лок татчö!» Муля пуксис моздорö, а ме сийös малала да шуа, дзик пель дорас шöпкöда: «Муля, вöч прыг!» Муля ме вылö видзöдö и быттöкö шуö, а ме вунöдi пö, кьдзи колö вöч-ны? Ме бара сийös малала да пель дорас вашкöда: «Паччөр вылад кай да чеччышт». Муля гөгöрвоис да öдйö кайис сэтчö. Сэсся сувтiс паччөр дорас, öтарö-мöдарö видзöддiс мичаник нюмъялысь синнас, сэсся кьдзи тай öддзöдчис да лэбыштiс крöвать вылö...

Челядь сералöны, радлöны. Со тадзи ми и олам. Муля кыйö шыр да ставнымös гажöдö. А кутшöм кыв вылын сийö варовитö? Ме эг на гөгöрво. А тi гөгöрвоинныд?..

Цыпук

Миян эм курög. Сийös шуам Цыпукөн. Нель кымын во нин олö. Коркöсылөн вöлiсны чой-вокъяс. Тi гөгöрвоинныд, кодъяс йылысь сёрнитам? Дерт жö, тайö — курög-петукъяс. Öнi Цыпук олö дзик öтнасөн. Сылы овлö зэв гажтöм, мукöддырйи окота кодöскö и гöститöдыштны тусьөн либö нидзулөн, да некод дiнас абу.

А тöвийö Цыпук керкаын. Тöвнад, дерт, сьöкыд и йöзлы, и пемöсьяслы. Медым керкаыд вöлi шоньд, колö ломтыны ьдждыд пач да нöшта ичöt пач. Сылөн оланiныс — чипан поз. Сийö мыссянiн улын. Позъяд эм öдзös да калич. Кор Цыпук мудзас пукавны сэнi, сэки сийö босьтчö кокавны каличсö. Кокалас да

кокалас, сэтчөдз кокалас, мый каличыд вөрзяс да вештъяс. А сэсся Цыпукыд морөснас кыдзи тай йөткыштас өдзөстө — сійө и воссяс. Тадзи и петө позсьыд.

Ветлөдлө сійө керкаөд: то пач улө пыралас буснас пуркөдчыны, то паччөр вылө кайлас, быдлаті ветлөдлө. Медся нин Цыпуклы кажитчө пукавны крөвать вылын. Крөватъыд вевттьөма мича покрывалөөн. А Цыпукыд мөвпалө, өні пө гожом да видз вылын уна рөма дзоридзъяс. Но и дзикөдз жө йөймылас сэки Цыпукыд! Пукалө, бордъяснас шпалөдчө, кургө ас ногыс, быттьөкө челядьсө корө.

Ті гөгөрвоинныд, мый ёна жө и радейтам Цыпукөс. Сійө мианлы зэв дона. И кольксө мында вайө!..

Кадыс тэрмасис водзө. Воис гожом. Цыпук миян кытчөкө вошис. Мый нө эськө ськөд лои?

А вөлөмкө, Цыпукыд кольк пөжө! Сарай пельөсас, додь улө, медся топыдінас, вөчөма поз да видзө сэні нель кольк. Дась пукавны, пөжны кольксө сэтчөдз, кытчөдз оз петны чипанъясыс. Ёна жө нин колөны Цыпукалы дзюлюкъясыс!


Но Цыпукыд оз төд, мый оз быд колькыйсь пет сильөпиыд. Сійө эз төд, мый и сійө колькыйсь чипаныд некор оз пет. Мыйкө колө вөлі вөчны! Аскинас жө көзйяка лэччис чипан видзан фермаө да корис вузавны сылы сильөпиянөс. Висьталіс и Цыпук йылысь. Фермаса уджалысь шуис, мый курөгыд сылы сідзжө жаль, но сильөпияныд лоасны сөмын кык лун мысти. Көзйяка мөдөдчис нин бөр мунны, да фермаса уджалысьыд сійөс чукөстіс: «Эн на мунөй, а гашкө, ті босьтанныд миянлысь колькъястө, кодъясысь тай петөны сильөпияныд? Сөмын нуөй өдйө да шоныдінө пуктөй».

Көзйяка босьтіс нель кольк, суюис найөс шоныд свитер улө, морөс дорас. А гортас, кор Цыпук петіс юны ва, көзйяка гусьөникөн вежис Цыпуклысь нель кольксө фермаса вылө. Цыпукыд, гашкө, и гөгөрвоис кольк вежөмтө, сөмын тай нинөм эз шу...

А кык лун мысти Цыпуклөн чужис нель сильөпи. Öні Цыпук медся шуда свет вылас.



Виль небӧг



ББК 84(2=664.2)–5

Е 56

ISBN 978-5-7934-0545-4

Елькин М.А. Кодзула эжа.
Кывбуръяс.— Сыктывкар: Ко-
ми Республикаса гижысь ко-
тыр, 2013.— 144 лист бок.

Михаил Елькинлӧн кыв-
буръясын лыддысьысь аддзас
чужан мусӧ, сәні олысь йӧзӧс.
Гижӧдъясас поэт мӧвпалӧ мус-
лун, олӧм да кулӧм, быд лоӧм-
тор вӧсна мортлӧн кывкутӧм
йылысь.

Серпасаліс небӧгсӧ Юрий Лисовский.



ПЫДДИ ПУКТАНА АВТОРЪЯС!

Редакцияӧ гижӧдъяснытӧ ыстігӧн быть колӧ юртны:

1. Ассыныд ним, вич, ов; кор да кӧні чужлӧмныд (лун, тӧлысь, во).
2. Паспорт юӧръяс: номер, серия, кор да кӧні сетісны, гортса адрес (прописка серти).
3. Индивидуальной налогӧвӧй номер — ИНН (кодлӧн эм).
4. Страховӧй свидетельство номер.

Тайӧс юрттӧг редакция гонорар оз вешты.

*Журналын йӧзӧдтӧм гижӧдъяс
редакция оз рецензируют и авторыслы найӧс оз мӧдӧд.
Редакция оз век во ӧти кывӧй авторъяскӧд.*

Компьютерный набор **Н.Кузнецова.** Корректор **Н.Габова.**

Адрес редакции: 167982. ГСП-2, г. Сыктывкар, ул. Карла Маркса, д. 229, Дом печати, каб. 202.
Телефоны редакции: 24-47-52 (гл. редактор), 24-51-52 (общ. отд./факс), 24-46-36 (бухгалтерия).
E-mail: kodzuv@mail.ru; Сайт: www.komimu.com

Подписано к печати 13.09.2013. Формат 70х108¹/₁₆. Печать офсетная. Усл. печ. л. 7; усл. кр.-
отг. 8,4; учётно-изд. л. 7,54. Тираж 665. Заказ № 5499. Регистр. *ПИ № ФС 3 - 0226* от
20.12.2006 г. выдано Беломорским управлением Федеральной службы по надзору за соблюдением
законодательства в сфере массовых коммуникаций и охране культурного наследия. Публикация
материалов, направленных на освещение реализации социально значимых проектов,
осуществляется при государственной поддержке в форме субсидии Агентством Республики
Коми по печати и массовым коммуникациям. Отпечатано в ООО «Коми республиканская типография»,
167610, г. Сыктывкар, ул. В.Савина, д. 81. Цена свободная.